

中醫必讀

醫理醫術驗方秘方

李島三編著
李開山重訂



北京科學技術出版社

49
LDS

李島三 編著
李開山 重訂

中醫必讀

北京科學技術出版社

(京)新登字 207 号

图书在版编目(CIP)数据

中医必读:医理医术验方秘方/李岛三编著. —2版. —北京:北京科学技术出版社,1996.10 重印

ISBN 7-5304-0624-8/R · 079

I. 中… II. 李… III. 中国医药学 IV. R2

中国版本图书馆 CIP 数据核字(96)第 20534 号

北京科学技术出版社出版

(北京西直门南大街 26 号)

邮政编码:100025

新华书店总店科技发行所发行 各地新华书店经售

河北三河市腾飞印刷厂印刷

*

787×1092 毫米 32 开本 7.625 印张 157 千字

1989 年 8 月第一版 1996 年 11 月第二版 第三次印刷

印数:29601—39700 册

ISBN—5304—0624—8/R · 079

定价:8.50 元

重订三版弁言

吾家行医，代代相承，已届六世。高祖李子铭发起医学，传至曾祖李和声昆仲四人，悬壶潮汕，蜚声桑梓，妙手成春，有口皆碑。

传至祖父李岛三，更是精治内外伤全科，尤擅奇难杂症。他从青年时期即挟术海外，遍历南洋诸岛，即今东南亚各国考察行医，所到之处，救人无数，受到岛民及华侨人士赞扬和敬仰，影响颇著。后回国，在广东、福建、江苏、浙江、山西和上海等地，一面行医，一面挖掘祖国医学宝库，学识日广，岐黄益精，被誉为“大国手”。他在受聘担任上海广济医院中医科主任期间，刀圭所投，无不神验，并不断总结丰富的临证经验，采撷医书精华，编为《医学必读》一书，于1921年由上海世界书局出版，不仅为竞来就学者提供了窗下课本，而且丰富了祖国医学理论。岛三公热爱祖国，于1937年淞沪抗战期间，组织医疗队参加救护抗日将士；上海失陷后，他不肯在日伪统治下行医，毅然返回家乡，

服务父老兄弟。1943年10月9日,因积劳成疾逝世。1949年11月16日,余将厝于家屋的棺柩葬在横山祖塋;1974年,迁葬于广东潮阳南阳北山蛇陵。

先父李少三自幼善承家学,存心济人,在岛三公教导下夜览医书,日随验症,继而入上海新中国医学院深造;毕业后,任中国国医院医师,医名亦著。在岛三公编著《医学必读》一书时,他全力协同校订。该书既成,他的医理医术因而大进。1937年淞沪抗战时,他积极参加中国国医院组织的战地救护队;上海失陷后,随同岛三公离沪回乡行医。解放后,任汕头专区医院和交通部汕头港务局卫生所中医师,医术精良,医德高尚,广为病家称赞。“文革”期间,备受迫害,惨遭折磨,生活竭蹶,身伤病重,于1982年1月2日逝世。余亦将棺柩葬于广东潮阳南阳北山蛇陵,以陪伴祖父。先父著有《儿科惊风概论》遗稿,作为本书增辑。

开山自幼随祖父岛三公、先父李少三学医学药,为继承先辈医学事业,立志岐黄,刻苦奋竦,每有疑难之症,先辈必阐蕴发微以授之,言

传身教,临症实践,再加博览家中所藏医经文史,因而医理医术颇有长进。余少年行医,内外全科,迄今已数十载矣。现届花甲,为对祖国医学的发展有所贡献,禀承先父关于积极培养下一代中医接班人的训谕,特致力于对子李新、李森泰、李立新、李伟新等的医学教育,以使继承家传医业,造福社会。1989年,余将岛三公编著的《医学必读》加以重新修订,改名《中医必读》由北京科学技术出版社出版,既使子辈继承家学有所遵循,更为社会提供普及祖国医学的实用教材。本书问世后,深受海内外读者欢迎,遂于1991年,第二次印刷。时隔数年,本书早为读者争购一空,纷纷要求重印;众多初学中医者,更企足以待。为此,决定印刷第三版,以飨广大读者。是为序。

李开山

——于汕头市升平区跃进里东1号北104号医寓

自序

余自祖父子铭公，发起医学，传至先君和声公昆仲四人，与诸伯叔，及岛三子侄辈等四世相承，十数辈，皆授之医学以问世。近百年来，医名颇闻遐迩。然数世业医，家藏医书颇多。凡有益于时用者，皆购阅之，故所汇集诸篇，实轩歧济世之本，为苍生活命之珍，岛幼读书，暇时即旁览焉。其时年幼，仅知迹象，不解玄机。先君是以授之经义脉诀、药性汤头等篇，命岛熟读背诵，以记忆而已。及岛稍壮，颇得会悟，从师治举子业。吾先君以医学之书，概不许一字入目。适科举既罢，转承家学。吾先君即以《灵枢》《素问》、越人《难经》、仲景《伤寒》《金匱》，与《千金》《外台》，及金元四大家，明清诸名家，昼夜攻研；并侍诊抄方，日随验症，雪窗萤火，首尾十余载，始许出而临症。溯本穷源，备尝艰苦，设当自己有便于初学之书，则吾辈学习决不若是之苦，可断言也。

夫学医之士，首重通儒，先明其理，再以薪

传师授为根本；加以博览群书，日求精进，由博反约，虚心应物，临症日多，自然得心应手，一旦豁然贯通，未有不名实并优者也。然理不明，症何以辨；症不辨，药何得用！但念天之生药，为济世人之疾苦，所以有一病，必有一药。然病千变，药亦千变，能精悉其气味者，则千百药中，任举一二种用之，厥疾疗矣。不然，用不得当，不但毫无治疗之功能，往往反起中毒之危害。故医之为人治病，必先明药性处置之法，应用之方，始可达完全治疗之目的也。

余阅李东垣所辑《雷公炮制药性赋》，分寒、热、温、平，仅二百四十八味，及十反、十九畏、妊娠禁忌等歌，而其文过简，其药未备，炮制未详，流传至今，无有非之者。莫非医界中人，以诊疗疾为亟，无暇注意及此，或亦疑从其疑，阙听其阙乎？余前往南洋治症，时有个中人，尝问于余，曰：中医药物，种类千百，其炮制主治诸法，除《药性赋》一书便读而外，各家《本草》，繁而无当，不便诵读，恨难记忆，每致初学入手，苦无善本，未免望洋兴叹。余闻斯言，时有续论药性之念。

岁戊午，岛三挟术游申江，从者望吾虚声，竞来就学。岛即以先君授岛者授吾徒。吾徒苦其随讲随忘之弊，别求捷法。弗得已，愿任匡正之劳，负解革之责，乃有此书之编辑，随编随授，不过为窗下课本，初无心于问世也。及同学诸君，勸吾编撰，乃复潜心研究，经义、四诊、药性、病情，皆斟酌群言，而期于至当。合取《药性赋》一书，重行删补，因仍者半，增解者半，旁掇旧文，参以涉历，后再另行续编，皆遵圣经而扩未尽为宗旨。顷脱稿，亲友索阅，乐其书摘经旨、撮四诊、辑炮制、录验方，使东垣先生复生，谅无间言；亦可使病家按方治病，乃怂恿余付梓。书成，颜曰《撮要医学必读》，愿后之学者，勿以浅近而疏忽之。

本书欲为初学折衷一是，以作入门常读之本，非敢以管窥之见，妄议古人，而持以问世。望海内名儒宿学，有以指疵而教正之，则岛三所馨香而祷祝之也。

辛酉仲秋之月，上海中国广济医院中医主任

李廷英 岛三 序于沪江医室

序 一

庚申之夏，余由湘抵沪，晤同乡名医李君岛三于客座。时因在途微受暑热，饮食无味，宴罢，后随至其寓，求一诊，用其方而霍然以愈，于是知其于医术深也。越数日，岛三谒余于旅次，袖其著述撮要医学必读一书，嘱为一言，以弁卷首。余愧于医学未曾问津，于其书宗旨一辞莫赞，惟凭臆度之见，而为之序曰：医之为术深且微也，不有其人能精其术者，鲜矣；不有其书能传其秘者，稀矣。岛三少治儒业，稍壮，虑其祖考医学失传，乃舍儒就医，以竟前绪。盖其术之传，阅三数世矣。既邃于其术以明于本籍及南洋群岛，故戊午抵沪，虽不屑屑以医术鸣，而慕名求治，屡满户外。今沪上谈医术者，莫不知有岛三其人。而岛三初视为独得之秘也。暇者采集古人医书及其祖考秘方，凡四册，将付手民，以公诸世。他日其书出现，凡海内外留心医术者，必宜争先快睹也。至其书有裨于世，凡读其书者，自能知之，无俟余喋喋也。

庚申六月朔日，前清外务部主事潮阳

郭 经

序于沪渎旅次

序 二

医学尚矣，医理微矣，然世之医书叠出，汗牛充栋，方针靡定，使学者不得门径而入，诚为憾事。余解组南旋，悬车海上。吾乡李岛三先生名儒也，精岐黄术，悬壶沪渎，刀圭所投，着手回春，何其术之灵也。礼曰：医不三世，不服其药。溯厥祖若父，皆名医于世，先生善承家学，存心济人，功诚伟焉。今读其所编撮要医学必读一书四卷，皆遵古经，阐发微旨，言简意赅，便于记诵，诚为学者之初步，入门之捷径也。兹因付梓，公诸同好，不揣固陋，爰撮数言，以为之序。

庚申夏，前武威县知事

方景周

谨识

序 三

医学之道，可以养生，可以济人。若能著书立言，惠后学而利于世，岂浅涉之士之所能为乎。仆粤产也，学识谫陋，承先代遗传绵阳郑仕芳夫子教授，幼而习之，壮而行之，四十余年，足迹遍五省，于玉函金柜，内难诸经，伤寒等书，诊察之余，流览不辍，虽不能融会贯通，然已取之无尽，用之不竭。惟著书立说，虽有经验存稿，恐鲁鱼帝虎，仍不敢问世。李子岛三，吾粤之普宁人也，夙怀聪慧，儒业出身。令先祖子铭公，家学渊源，每遇疑难之症，必阐蕴发微以授之。故君出而应世，往来南洋各岛及闽粤。今游吴门住申，统计二十余年，每遇奇形怪症，皆能治而愈之。吾潮九县，贩夫妇孺，有口皆碑，俗称李氏曰龙门李，因其乡名龙门，而祖孙父子兄弟叔侄皆名医也。昨示余以手著撮要医学必读一书，编成四帙，阅之皆发古人所未发。计经义、四诊、药性、主治、六气、杂感、妇科、外科，摘其要义，牖若眉列，由博转约。其制方之巧，切中病情，皆君所经验，由平淡而化神奇，若武穆之用兵，谋而后阵，诚后学之津梁，抑迷津之宝筏。吾料出刊之后，使后起之士作教科之资料，简而易读，门径既登，循步而进，免望洋之叹。即穷乡僻壤，家置一帙，有不及延医者，按症立方，亦不致抱病而莫救。其有益于天下后世者，岂浅鲜哉。

辛酉，前上海神州医学会会长、现广济医院院长

颜伯卿

序

序 四

学医非难，精医为难。医不精与不知医等。然医学茫茫，医书累累，浩无涯际，要不外乎内经。故仲圣遵内经而为医家之祖。厥后医书代出，各自专家，各立门户，指不胜数。如薛、王、赵、喻、二张、二李八家，出内经之范围，越仲圣之要领，虽出自心裁，尚据于理，据理治病，何疾不疗？如我乡李岛三先生，为儒而医，衣钵相承，医理之明，不待言矣。所以前游南洋，医名著于海外；自戊午抵沪，亦着手生春。余此次旅沪，他乡遇旧，畅叙之余，出撮要医学必读见示。书中内容分摘经旨、撮四诊、辑炮制、录验方四种，阐圣经之奥窔，遵仲圣为方针，非独补先贤所未全，亦作后来之先觉，使茫茫医学、累累医书得窥圣经之旨，可登仲圣之堂，撮要医学必读所以有其书也。夫著书立说，博如景岳，修园非之，况博不及景岳者乎。虽然据理立汤，守经遵古，搜罗群书而集大成，谓之作可，谓之述亦可。王叔和、张隐庵、张令韶注金匱要略与伤寒论浅注等书，后世奉之如金科玉律。今撮要医学必读，遵守经旨，录补验方，言简意赅，以便后学，不但见者不敢非之，且艳羨之，珍重之，使个中人得收刀圭之效矣。余不知医，亦不敢学医，学之非难，精之为难。考轩辕与岐伯诸臣，互明医道，孜孜汲汲，重医理正所以重民病也。岂得购数卷医书，遂悬壶市上，欲活人者，转而杀人，其罪岂浅鲜哉。因索余为序，不揣固陋，爰撮数言，质之岛君并普天下业医者，以为然否。

庚申之春三月既望

天民清道人

序于沪渎旅次

凡 例

——《内经》原文，陈说非不详尽，但词繁义奥，理想精深，又散见各篇，不能汇集一处，且词句或互有出入，初学每苦望洋。本书经义篇，撮《内经》要义，参《灵》《素》《汤液》等书，及各名家之精髓，而贯通之，务求达意，简明透彻，以资初学便读，非敢妄为撮要也。

——《伤寒》，总范围于六经之内，昔人谓三百九十七法，一百一十三方。余治杂症，亦随症立方，惟伤寒一门，非此方不能以治此病，非此药不能以名此方，不敢少有迁就。兹挈其要领，使学者易于记诵，并六经主治诸方带录，先为入门之导，又附感冒诸方，以便参考。

——望闻问切，古称为神圣工巧，医家治病，惟此是赖。《经》云：能合色脉，可以万全。又云：望其色而知其人之吉凶，闻其声而知其人之疾苦，问其苦欲而知其病之所在；虽圣人不能舍此以为法，而况后学乎。编辑者挟术治病，决于色诊者半，决于问切者半，特将半生来心得，取望闻问切，上合《灵》《素》之言，再参各名家之学说，以撮其要，各集成篇，使学者熟习谙练，临症之时，自有得心应手之妙。

——切脉，乃医家治症大根本。自来说脉诸书，言二十七脉、二十八脉，繁而无当，学习最难。本书撮《内经》脉义，仲景脉论，及崔嘉彦《四言举要》，再参名家脉学，征诸

自己阅历，逐节详明，要而不烦，简而确当，反复推求，可谓不遗余义。

——李东垣编辑雷公炮制药性四赋，分寒、热、温、平，共二百四十八味。而其文过简，其药未备，炮制未详，今行重订，各有删补，增多十一味，字句颇有出入，仍然列为四性，总计二百五十九种。

——续论药性，不论寒热温平，合成一篇，共一百七十八味，补前赋之未备。其炮制主治，关系极大，非编者一人之私言，乃采之神农圣经，参各家本草之精英，而酌以己意者。学者倘能举一反三，于炮制之药，推悟到主治之法，识药辨性，思过半矣。

——诸药主病，与诸药反忌畏恶，及妊娠禁用，药性五色五味，阴阳相从，升降浮沉，分配脏腑，相生相克，所禁所伤，五运六淫等篇，皆从《本草》搜求，几无余义。本书拟成章节，由博返约，足引读者以起兴趣，使容易记忆也。

——本书所载内外科验方，与坊间所出之验方、丹方等书不同。编辑者业医，已历三世，凡承治效诸症，应验诸方，家藏虽有存稿，积盈筐橱，因篇幅有限，然不能尽录。仅将妇科之调经、种子、胎前、产后，及前阴、乳症，小儿验方，并六气杂感等症，再参以古方，而归于至当，汇成一篇，名曰验方录。或间有拟成医案者，病脉药分明，简便易知，以便学者参考；或病家按方检治，无不着手取效。

——本书篇末笔述，乃编者总述初学入手读书之法，如行远自迩，循序而进，全在灵机活泼，深求善悟而已。岛三资性愚钝，笔墨疏拙，心有所得，扩而充之，何敢以管窥之见，妄议古人，然欲为初学折衷一是，则僭妄之罪，所不敢辞。

目 录

重订三版弁言	李开山(1)
自序	李岛三(4)
序一	郭经(7)
序二	方景周(8)
序三	颜伯卿(9)
序四	天民清道人(10)
凡例	(11)

《中医必读》

卷一 经义撮要必读

经义撮要	(3)
伤寒赋	(10)
六经病症	(13)
伤寒六经表里至要	(13)
太阳方	(23)
阳明方	(27)
少阳方	(29)
太阴方	(30)
少阴方	(31)
厥阴方	(33)
附:感冒诸方	(35)

卷二 四诊撮要必读

四诊撮要	(41)
望色要诀	(41)
闻声要诀	(43)
问症要诀	(45)
切脉要诀	(46)
《内经》脉义	(51)
《难经》脉义	(55)
仲景论脉	(66)
四言举要	(69)

卷三 药性撮要必读

药性撮要	(79)
寒性赋	(79)
热性赋	(81)
温性赋	(83)
平性赋	(85)
药性四赋续编	(89)
药性炮制解义	(95)
诸药主病赋	(95)
药性相反相忌歌	(98)
药性相畏相恶歌	(100)
妊娠服药禁忌歌	(102)
治症用药大纲歌	(104)
疗病式	(106)
三不治,六不治	(106)
药性十论	(106)

卷四 验方撮要必读

妇人调经症·····	(115)
调经方·····	(118)
调经十八秘方·····	(122)
种子·····	(126)
胎前论·····	(129)
胎前效方·····	(130)
育婴戒杀论·····	(138)
产后诸脉症治法·····	(139)
产后诸症验方·····	(141)
产后补养诸方·····	(144)
产后乳症诸方·····	(146)
妇人前阴症验方·····	(147)
妇人前阴症秘方·····	(148)
经验小儿科验方·····	(149)
六气验方录·····	(154)
风症验方·····	(154)
寒症验方·····	(156)
暑症验方·····	(158)
湿症验方·····	(159)
燥症验方·····	(161)
火症验方·····	(163)
杂症验方录·····	(165)
岛三笔述·····	(170)
《中医必读》增辑·····	(173)
小引·····	(175)

卷一	儿科惊风概论·····	李少三(177)
卷二	儿科诸症·····	李开山(191)
卷三	奇难杂症·····	李开山(207)
卷四	李氏医案·····	李开山(221)
跋一	·····	范伯瑛(Ⅰ)
跋二	·····	方松涛(Ⅱ)
跋三	·····	吴伯雄(Ⅲ)
跋四	·····	方楚云(Ⅳ)

·

卷 一

经义撮要必读

经义撮要

此篇总揭天地阴阳，人身造化，脏腑经络，脉症治法，昭然可考。

三才，天地人也。天者，轻清而上浮。地者，重浊而下凝。阳之精者为日，东升而西坠也。阴之精者为月，夜见而昼隐也。天不足西北，故西北方阴也。而人右耳目，不如左明也。地不满东南，故东南方阳也。而人左手足，不如右强也。天气下降，地气上升，阴中有阳，阳中有阴。平旦至日中，天之阳，阳中之阳也。日中至黄昏，天之阳、阳中阴也。合夜至鸡鸣，天之阴，阴中之阴也。鸡鸣至平旦，天之阴，阴中之阳也，故人亦应之。

天地者，万物之上下也。阴阳者，血气之男女也。左右者，阴阳之道路也。水火者，阴阳之征兆也。金木者，生成之始终也。玄气凝空，水始生也。赤气炫空，火始生也。苍气浮空，木始生也。素气横空，金始生也。黄气际空，土始生也。

天地氤氲，万物化醇，男女媾精，万物化生。人者得天地之正气，灵于万物者也。命者天之赋也。精者身之本也。形者身之舍也。气者生之元也。神者生之制也。心者君主之官，神明出焉。肺者相傅之官，治节出焉。胆者中正之官，决断出焉。膻中者臣使之官，喜怒出焉。肝者将军之官，谋虑出焉。脾胃者仓廩之官，五味出焉。大肠者传导之官，变化出

焉。小肠者受盛之官，化物出焉。肾者作强之官，技巧出焉。三焦者决渎之官，水道出焉。膀胱者州都之官，津液藏焉，气化则能出矣。命门者精神之所舍也，男子以藏精，女子以系胞。

三阳者，太阳、阳明、少阳也。三阴者，太阴、少阴、厥阴也。阳明者，两阳合明也。厥阴者，两阴交尽也。手太阳，小肠经也。手阳明，大肠经也。手少阳，三焦经也。手太阴，肺经也。手少阴，心经也。手厥阴，心包络也。足太阳，膀胱经也。足阳明，胃经也。足少阳，胆经也。足太阴，脾经也。足少阴，肾经也。足厥阴，肝经也。

头者，诸阳之所会。面者，五脏六腑之荣。鼻属肺，肺和则鼻知香臭矣。目属肝，肝和则目辨黑白矣。口属脾，脾和则口知五谷矣。舌属心，心和则舌知五味矣。耳属肾，肾和则耳闻五音矣。

头者，精明之府。头倾视深，精神将夺矣。背者，胸中之府，背曲肩垂，府将坏矣。腰者，肾之府，转摇不能，肾将惫矣。骨者，髓之府，不有久立，行则振掉，骨将惫矣。膝者，筋之府，屈伸不能，行则僂俯，筋将惫矣。

九窍者，肝开窍于目，心开窍于耳，肺开窍于鼻，脾开窍于口，肾开窍于二阴，此以九窍言之。然亦心开窍于舌，肾开窍于耳耳。

发者属心，禀火气也。眉者属肝，禀木气也。须者属肾，禀水气也。咽者，咽物纳水谷，接三脘以通胃也。喉者，候气有九节，通五脏以系肺也。发者，血之余。神者，气之余。爪者，筋之余。齿者，骨之余。魂者，神明之辅弼也。魄者，精神之匡佐也。血为荣，荣者，水谷之精气也。气为卫，卫

者，水谷之悍气也。直行者谓之经，旁行者谓之络也。

脉者，天真委和之气也。三部，寸关尺也。九候，浮中沉也。五脏，心、肝、脾、肺、肾也。六腑，胆、胃、大肠、小肠、膀胱、三焦也。

圣人以左寸为心，左关为肝，左尺为肾，右寸为肺，右关为脾，右尺为命门者，法乎天也，非圣人之私也。盖天之北为坎，南为离，东为巽，西为兑，包乎外者为乾，居乎中者为坤。人生与天地相似。左手天之东也，巽位在焉。巽为木，故肝木居乎左关。左关之前为心者，法南之离也。左关之后为肾者，法北之坎也。右手天之西也，兑位在焉。兑为金，金为肺，《易》曰：“乾为天为金。是肺为金，而有乾象，故居右寸，而位乎高。右关为脾者，脾为坤土，奠位乎中，以之而承乎下。盖所谓天高地下之义，乾坤象也。右尺为命门。命门者，火也，以水位而位火，此一阳生于二阴之义，正所以成坎也。向非与天地相似，圣人安得以是而垂法哉。

小肠附在左尺，大肠附在右尺。

每部中，各有浮、中、沉三候；三而三之，为九候也。浮者，至皮肤，候表及腑也。中者，至肌肉，以候胃气也。沉者，至筋骨，候里及脏也。寸为阳为上部，法天，主心胸以上至头之有疾也。关为阴阳之中为中部，法人，主膈以下至脐之有疾也。尺为阴为下部，法地，主脐以下至足之有疾也。

四时之脉者，弦钩毛石也。春脉弦肝，东方木也。夏脉钩心，南方火也。秋脉毛肺，西方金也。冬脉石肾，北方水也。四季脉迟缓，中央土也。四时平脉，六脉俱带和缓也，谓有胃气，有胃气曰生，无胃气曰死。

五行者，金、木、水、火、土也。相生者，谓金生水、水

生木、木生火、火生土、土生金也。相克者，谓金克木、木克土、土克水、水克火、火克金也。相生者吉，相克者凶。如心见沉细，肝见短涩，肾见迟缓，肺见洪大，脾见弦长，皆遇克也。心见缓，肝见洪，肺见沉，脾见涩，肾见弦，皆遇我之所生也。

左手属阳，右手属阴，关前为阳，关后为阴。男子左手脉，常大于右手者，为顺也。女子右手脉，常大于左手者，为顺也。男子尺脉常弱，寸脉常盛，是其常也。女子尺脉常盛，寸脉常弱，是其常也。反者，女得男脉，男得女脉。男得女脉为不及，女得男脉为太过。不及固病，太过亦病，所谓过犹不及也。

人迎者，左手关前一分是也。气口者，右手关前一分是也。人迎，以候天之六气，风、寒、暑、湿、燥、火之外感也。气口，以候人之七情，喜、怒、忧、思、悲、恐、惊之内伤也。人迎脉紧盛，大于气口一倍属表，为阳为腑也。气口脉紧盛，大于人迎一倍属里，为阴为脏也。属表为外感风寒，属里为内伤饮食。人迎、气口俱紧盛，为夹食伤寒，为内伤夹外感也。男子久病，气口充于人迎者，有胃气也。女子久病，人迎充于气口者，有胃气也。病虽重可治，反此者逆也。

外因者，六淫之邪也。内因者，七情之气也。不内外因者，饮食、劳倦、跌扑也。

六脉者，浮、沉、迟、数、滑、涩也。浮者，为阳、为表、为风、为虚也。沉者，为阴、为里、为湿、为实也。迟者，为阴，寒在脏也。数者，为阳，热在腑也。滑者，血多气少也。涩者，气滞血枯也。

八要者，表、里、虚、实、寒、热、邪、正也。表者，病不在里也。里者，病不在表也。虚者，五虚也。实者，五实也。寒者，腑脏积冷也。热者，腑脏积热也。邪者，外邪相干也。正者，脏腑自病也。

七表者，浮、芤、滑、实、弦、紧、洪也。

八里者，微、沉、缓、涩、迟、伏、濡、弱也。

九道者，长、短、虚、促、结、代、牢、动、细也。

七死者，雀喙、屋漏、弹石、解索、鱼翔、虾游、釜沸也。

奇经八脉者，阳维、阴维、阳跷、阴跷、冲脉、任脉、督脉、带脉也。人病脉不病，名曰内虚。脉病人不病，名曰行尸。五运主病者：谓诸风掉眩，皆属于肝木；诸病痒疮疡，皆属于心火；诸湿肿满，皆属于脾土；诸气愤郁，皆属于肺金；诸寒收引，皆属于肾水。

六气为病者，谓：诸经强直，支痛软戾，里急筋缩，皆属于风，厥阴风木，乃肝胆之气也。诸病喘呕，吐酸暴注，下迫转筋，小便浑浊，腹胀大，鼓之如鼓，痈疽疮疹，瘤气结核，吐下霍乱，脊郁肿胀，鼻塞衄衄，血溢血泄，淋闭身热，恶寒战栗，惊惑悲笑，谵语衄蔑血污，皆属于热；少阴君火之热，及真心小肠之气也。诸经强直，积饮，痞膈中满，霍乱吐下体重，跗肿肉如泥，按之不起，皆属于湿；太阴湿土，乃脾胃之气也。诸热脊癰，暴暗冒昧，躁扰狂越，骂詈惊骇，肤肿酸痛，气逆冲上，禁栗如丧神守，啰呕，疮疡喉痹，耳鸣及聋，呕涌，溢食不下，冒昧不明，暴注眊瘵，暴病暴死，皆属于火；少阳相火之热，乃心包络三焦之火气也。诸湿枯涸，乾劲皴揭，皆属于燥；阳明燥金，乃肺与大肠之气也。诸

病上下，所出水液，澄澈清冷，症痕癰疽，坚痞、腹满急痛，下痢清白，食已不饥，吐利腥秽，屈伸不便，厥逆禁固，皆属于寒，乃肾与膀胱之气也。

亢则害，承乃制者。寒极则生热，热极则生寒。木极而似金，火极而似水，土极而似木，金极而似火，水极而似土也。

五虚者，脉细、皮寒、气少，泄利前后，饮食不入也。浆粥入胃，泻止则生。

五实者，脉盛、皮热、腹胀，前后不通瞀闷也。大小便通利，得汗者生。

五胜者，风胜则动，热胜则肿，燥胜则乾，寒胜则浮，湿胜则泻泄。

五恶者，心恶热，肺恶寒，肝恶风，脾恶湿，肾恶燥也。

六脱者，脱气，脱血，脱津，脱液，脱精，脱神也。

五带者，久视伤血，劳于心也；久卧伤气，劳于肺也；久坐伤肉，劳于脾也；久立伤骨，劳于肾也；久行伤筋，劳于肝也。心劳神损，肺劳气损，脾劳食损，肝劳血损，肾劳精损。

五极者，尽力谋虑，劳伤于肝，应乎筋极；曲运神机，劳伤于心，应乎神极；意外过思，劳伤于脾，应乎肉极；预事而忧，劳伤于肺，应乎气极；矜持志节，劳伤于肾，应乎骨极，此五劳应乎五极者也。

精极者，五脏六腑之气衰，形体皆极，眼视无明，齿焦发落，体重耳聋，行履不止，邪气逆于六腑，厥于五脏，故成精极。

五脏受病者，忧愁思虑则伤心，形寒饮冷则伤肺，恚怒

气逆则伤肝，饮食劳倦则伤脾，坐湿入水则伤肾。

五损者：一损损于皮毛，皮聚而毛落；二损损于血脉，血脉虚少，不能荣于五脏六腑；三损损于肌肉，肌肉消瘦，饮食不能为肌肤；四损损于筋，筋缓不能自收持；五损损于骨，骨痿不能起于床。从上下者，骨痿不能起于床者死；从下上者，皮聚而毛落者死。然损其肺者益其气；损其心者调其荣卫；损其脾者调其饮食，适其寒温；损其肝者缓其中；损其肾者益其精也。

四时发病者：春伤于风，夏必飧泄；夏伤于暑，秋必痎疟；秋伤于湿，冬必咳嗽；冬伤于寒，春必温病。凡病之始也可刺而已，其盛可待衰而已，故因其轻而扬之，因其重而减之。形不足者，温之以气；精不足者，辅之以味。在表者，汗而发之；在里者，下而夺之；高者，因而越之；栗悍者，按而收之；脏寒虚脱者，治以灸焫，脉病挛痹者，治以针刺；血实蓄结肿热者，治以砭石；气滞痿厥寒热者，治以导引。经络不通，病生于不仁者，治以醪醴；血气凝注，病生于筋脉者，治以熨药。然又必先岁气，无伐天和，能合色脉，可以万全。化而裁之存乎变，神而明之存乎人。此先圣作之于前，诸贤述之于后，诚入门之阶梯，乃医家之总领也。

伤 寒 赋

伤寒为病，反复变迁，赖先师究详之遗旨，成后学诊治之良诠。太阳，则头痛身热脊强。阳明，则目痛鼻干不眠。少阳，胁痛耳聋寒热呕，而口为之苦。太阴，腹满自利尺寸沉，而津不到咽。少阴，舌干口燥。厥阴，烦满囊缩。一二日可发表而散，三四日宜和解而痊，五六日便实方可议下，七八日不解又复再传。日传二经，病名两感；经传六日，应无一全。太阳无汗，麻黄为最；太阳有汗，桂枝可先。小柴胡为少阳之要领，大柴胡行阳明之秘坚。至三阴则难拘定法，或可温而或可下，宜数变以曲尽生意，或可方而或可圆。且如阳症下之早者，乃为结胸；阴症下之早者，因成痞气，发狂为血蓄于内。又大便之极实，发黄为热积于中，兼小便之不利。微喘缘表之未解，微烦为阳之相胜；喘满而不恶寒者，当下而痊。烦极而反发厥者，乃阴所致。狐惑盖缘失汗，虫蚀脏及蚀肛；蛔厥却缘多饥，虫攻咽及攻胃。渴乃烦多，斑为热炽。阳明内实，则为寒热往来。太阳中风，因作刚柔二痉。衄血虽为欲解，动阴血者，有厥竭之忧。厥利虽若寻常，反能食者，有除中之忌。厥有二端，治非一类。阴厥脉沉而细，初缘利过。阳厥脉滑而沉，始因便秘。治阳，则芒硝大黄；治阴，则附子姜桂。死生系反掌之间，脉药可折肱而治。因知风温汗不休，当用汉防己；胸痞利不止，宜服禹余粮。并病归于一经，邪不传兮，表解疾愈。战汗分为四症，阳胜阴兮，

热退身凉，咳逆者，羌活附子；腹痛者，桂枝大黄。微虚相搏，则为短气；劳食再复，乃成内伤。阳明背恶寒，而唇口燥，悬知白虎为最；少阴身体痛，而筋肉惕，乃闻真武至强。将欲发黄，先出头汗，始因火迫，终至亡阳。渴欲饮水，水入即吐者，五苓散；燥欲漱水，水入即下者，犀角汤。况乃大青龙兼理风寒；小承气正蠲潮热。不得眠而烦躁甚，鸡子入于黄连；但有热而呕哕频，姜汁加于竹叶。二匕瓜蒂散，吐伤寒中脘痰涎；三物桃花汤，理少阴下利脓血。厚朴半夏，治腹胀为偏宜；葱白麻黄，理头痛为至截。调温毒可用黑膏，散赤斑当行紫雪。吐血者，须煎黄连槲皮；咽痛者，通用猪肤甘桔。三物白，虽云颇峻，散结胸寒实中焦；十枣汤，固非泛常，治痞满痛连两胁。加以大热错语吟呻，干呕者，黄连解毒；脉迟热多寒少；血弱者，黄芪建中。汗之过多，动悸而惕；下之先时，懊恼在胸。旋复黛赭，理心痞而噫不息；桂麻各半，疗身痒而汗不通。劳复身热，汤名猴鼠粪；肠垢脐热，药用白头翁。疫疠者，春夏秋冬，各有分，用须十全九症；百合者，行往坐卧皆不定，号为百脉一宗。常谓多眠，身犹灼热，风温可用葳蕤。不眠心蕴虚烦，敛汗必须酸枣；手足挛搐，当末牛蒡根。咳嗽生痰，宜行金沸草。不可汗本有数种，动气与风湿脉虚，不可下自非一端，动气与阳浮在表。湿症不可汗伤。霍乱多缘热恼，瘟病发于春夏，要须柴葛以解肌；奔豚挟逐寒邪，多用桂苓为可保。盖闻乍寒微热名似疟，不呕清便必自愈。脐痛引阴名脏结，下痢白胎不可医。口燥咽干，虽少阴下莫可缓；肉瞤筋惕，发动气汗以致羸。阳明与少阳合病，脉弦者名曰负；伤寒与热病将痊，食多者号曰遗。自汗有风温湿温，若亡阳则术附可用；身痛有表症里

症，若阴毒则四逆尤迟。脾弱者，大便难而小便数，治用大黄枳壳；胁热者，小便涩而大便利，用须黄连当归。呕吐有寒有热，寒则当温，热当以解；谵语有虚有实，实则可下，虚不可为。阳毒则狂斑烦乱，以大青升麻，可回困笃；阴毒则唇青厥逆，以正阳甘草，或拯颠危。发厥时胸烦尤甚，此脏气绝而精神散；大汗后身热犹盛，此阴阳交而魂魄离。嗟夫生死之关，阴阳是主，阳脉见于阴经，其生也可知；阴脉见于阳经，其死也可许。土衰木旺则为贼，能无克制之灾；水升火降则为和，会见欢欣之举。缘伤寒传变之不常，非杂病径直而可取，是用潜笃心神，洞窥脏腑。推惻隐之端以济乎今，拯疲羸之疾以遵乎古，庶几可登仲景之堂，不负乎谆谆之语矣。

伤寒自有专门，必究心仲景方。知病之百变，证之传经，非浅学所能窥其微妙。余读《东医宝鉴》，至是篇见其辨证详彻，主治分明，辞义畅达，合仲圣之旨，便于记诵，可为伤寒纲领，故特采入，以便学者易知形症。其主治诸方，本应带录，由篇幅过短，不能多登，参考原书可也。若真正伤寒，幸勿轻易，再于专门中求之可也。

六经病症

仲景论症，首重六经。盖以六经统百病，非以伤寒谈六经也。故善读《伤寒论》者，因伤寒之六经症，即可推悟百病之六经症。不善读者，以为六经见症，专为伤寒立论，画地自限，刻舟求剑矣。

伤寒六经表里至要

阳盛阴虚，下之则愈，汗之则死。

阴盛阳虚，汗之则愈，下之则死。

伤寒以六经为主，太阳、阳明、少阳为三阳；太阴、少阴、厥阴为三阴。病症百出无常，总范围于六经内，仲景所以为万世师也。昔人谓三百九十七法，而不知其字字皆法也。谓一百一十三方，而不知一方可该数方，不必如许之多；方外有方，不仅如此之少也。余治杂病，亦随俗采取时方，惟于伤寒一门，非此方不能以治此病，非此药不能以名此方，不敢少有迁就。兹挈其要领，先为入门之导，再授以仲景书，便知有下手工夫。

太阳为寒水之经，主一身之表

何谓太阳经症？曰头痛项强、发热恶寒是也；有虚邪、实

邪之辨。

——脉缓，自汗，恶风为虚邪，宜桂枝汤。

如八九日过经不解如症状，面热身痒，以其不得小汗故也，宜用桂枝麻黄各半汤。因前此未汗，不得不发其汗；因日数颇久，故小发其汗。

如服桂枝汤，大汗后形如疟，日再发者，以余邪未尽故也，宜桂枝二麻黄一汤。大汗之后，不得再行大汗之法，而余邪未尽，不可不从汗而竭之，但药品宜轻耳。

——脉浮紧，无汗，恶寒为实邪，宜麻黄汤。

如无汗烦躁者，加石膏姜枣，名大青龙汤。

如干呕而咳，去杏仁，加五味子、干姜、半夏、细辛、芍药，名小青龙汤。

此二汤，即麻黄汤之加减。昔人以麻黄汤、大青龙汤、桂枝汤分三大纲，何其谬欤！按此二法，治表中之表也。时法冬月，以加味香苏饮，代上二方；三时感冒，以九味羌活汤，代上二方，与仲景法不甚合，然好尚如斯，亦无可奈何耳。

何谓太阳腑症？曰表邪不去，必入于里；膀胱为表中之里也，有蓄水、蓄血之辨。

——太阳症，其人口渴，烦躁不得眠，脉浮，小便不利，水入即吐，为膀胱蓄水症，宜五苓散。

——太阳症，其人如狂，小腹硬满，小便自利，脉沉为膀胱蓄血症。（古用抵当汤丸，今畏其峻，不敢用。）宜桃仁承气汤。

按此二法，治表中之里也。

何谓太阳变症？曰汗下失宜，从阴从阳之不一也。

——不应下而下之，续得不利清谷，身疼痛，宜四逆汤，以救清谷之里；又以桂枝汤，以救身疼痛之表。

——病发热头痛脉反沉，若不瘥，身体疼痛，当救其里，宜四逆汤。

——大汗大下利，而厥冷者，四逆汤主之。

——太阳病发汗太过，遂漏不止，其人恶风，小便难，四肢微急，难以屈伸，桂枝加附子汤主之。

——太阳病发汗太过，动其荣血，而卫邪反内伏，其人仍发热心下悸，头眩身瞤动，振振欲擗地者（少阴症误用大青龙汤同例）真武汤主之。

以上言汗下太过，伤正而虚其阳。阳虚则从少阴阴代之症，多以太阳、少阴为表里也。

——阳盛于内，误服桂枝汤，大汗出后，大烦大渴不解，脉洪大，白虎加人参汤主之。

——伤寒若吐若下后，七八日不解，热结在里，表里俱热，时时恶风，大渴舌上干燥而烦，欲饮水数升者，白虎加人参汤主之。

——伤寒不大便六七日（为里症），头痛有热（为表症），外不解，由内不通也。下之里和，而表自解矣；与承气汤。

——病人烦热，汗出则解，又如疟状，日晡所发热，属阳明也。脉实者宜下之，与大承气汤。脉虚者宜发汗，与桂枝汤。

——发汗后恶寒者，虚故也；不恶寒但热者，实也。当和胃气，与调胃承气汤。

——太阳病未解，脉阴阳俱停（停者，沉滞不起也；阴阳者，尺寸也），先振栗汗出乃解。但阳脉微者，先汗而解。但阴脉微者，下之而解。若欲下之，宜调胃承气汤（脉微不可汗下。此微字即上文停字也）。

以上言汗下失宜，热炽而伤其阴。阴伤则从阳化之症，多以太阳阳明递相传也。

何谓发汗利水？为治太阳两大门，曰邪伤太阳，病在寒水之经也。驱其水气以外出则为汗，逐其水气以下出，后为黄涎蓄水，前为小便长。

太阳为寒水之经，邪之初伤，必须发汗。麻黄汤发皮肤之汗，桂枝汤发经络之汗，葛根汤发肌肉之汗，小青龙汤发心下之汗，大青龙汤发其内扰胸中之阳气而为汗。此发汗之五法也。若汗之而不能尽者则为水，水在心下干呕而咳，宜小青龙汤。发热而烦，渴欲饮水，水入即吐，名曰水逆，宜五苓散。汗发心下痞硬，干噫食臭，胁下有水气，腹中雷鸣下利者，病势虽在腹中，而病根犹在心下，宜生姜泻心汤。此水气在上焦，在上者汗而散之也。若妄下之后，自心上至小腹硬满，而痛不可近（水与气所结），脉迟名大结胸，宜大陷胸汤；若项亦强如柔痉之状，宜大陷胸丸。程郊倩谓：病势连甚于下者主以汤，病势连甚于上者主以丸是也。若其结止在心下，按之始痛脉浮滑，名小结胸。邪气在脉络，宜小陷胸汤。若无热症，名寒实结胸，宜三物白散。若心下痞，硬满引胁下痛，干呕短气，汗出不恶寒，三焦升降之气阴格难通，宜十枣汤；此水气在中焦，中满泄之于内也。若头痛项强，翕翕发热无汗，心下满微痛，小便不利者，因膀胱之水不行，荣卫不调，不能作汗，宜以桂枝去桂加茯苓白术汤治之；是水气在下焦，在下者引而竭之是也。

阳明主里，外候肌肉，内候胃中

何谓阳明经症？曰身热目痛，鼻干不得眠反恶热是也；有

未罢太阳、已罢太阳之辨。

若兼见头痛恶寒，是太阳症未罢，自汗脉缓，宜桂枝汤。项背几几者，桂枝加葛根汤主之。无汗脉浮，宜麻黄汤。项背几几者，葛根汤主之。若无头痛恶寒，但见壮热口渴，是已罢太阳，为阳明经之本症，宜白虎汤主之。

何谓阳明腑症？日潮热谵语，手足腑下澈然汗出，腹满大便硬是也；有太阳阳明、少阳阳明、正阳阳明之辨。

本太阳症治之失法，亡其津液，致太阳之热乘胃躁，而转属阳明。其症小便数，大便硬，《伤寒论》谓之脾约，宜麻仁丸（以上太阳阳明症）。

本少阳症治之失法，亡其津液，致少阳之邪乘胃躁，而转属阳明，为大便燥结，《伤寒论》谓为大便难，以蜜煎胆汁导之（以上少阳阳明症）。

病人阳气素盛，或有宿食。外邪传入遂归于胃腑，《伤寒论》谓为胃家实，宜以三承气汤下之。（以上正阳阳明症）。

愚按：阳明在经，未离太阳宜汗之，既离太阳宜清之，在腑审其轻重下之。若在经腑之界，汗之不可，清之不可，下之不可，宜用吐法。柯韵伯云：除胃实症，其余如虚热，咽干口苦舌苔，腹满烦躁，不得卧，消渴，而小便不利，凡在胃之外者，悉是阳明表症。仲景制汗剂，是开太阳表邪之去路；制吐剂，是引阳明表邪之出路，当以栀子豉汤吐之，使心腹之浊邪上出于口，一吐则心腹得舒，表里之烦热悉除矣。烦热既除，则胃外清，自不致胃中之实，所以为阳明解表之圣剂。

少阳主半表半里

何谓少阳经症？曰口苦咽干目眩是也；有虚火、实火之辨。

寒热往来于外，胸胁苦满，默默不欲食，心烦喜呕，为虚火症，宜小柴胡汤。

寒热往来于外，心中痞硬，郁郁微烦，呕不止，为实火症，宜大柴胡汤。

何谓少阳腑症？曰少阳主寒热，属于半表则为经，属于半里则为腑。其症虽无寒热往来于外，而有寒热相搏于中，有痞、痛、利、呕四症之辨。因呕而痞不痛者，半夏泻心汤。胸中有热而欲呕，胃中有邪气而腹中痛，宜黄连汤。邪已入里，则胆火下攻于脾而自利，宜黄芩汤。胆火上逆于胃而为呕，宜黄芩加半夏生姜汤。以上四方寒热攻补并用，仍不离少阳和解法，学者宜详审焉。

太阴为湿土纯阴之脏也，病人太阴从阴化者多，从阳化者少。

何谓太阴之邪从阴化？《伤寒论》云：腹满吐食，自利不渴，手足自温，肘腕自痛是也，宜理中汤丸主之；不愈，宜四逆汤。

何谓太阴之邪从阳化？《伤寒论》云：发汗后不解，腹痛急下之，宜大承气汤是也。又曰：腹满时痛属太阴也。时痛者（谓腹时痛时止），桂枝加芍药汤主之。大实痛者（大便坚实面痛），桂枝加大黄汤主之。

少阴肾中水火，同具邪伤其经，或从水化而为寒，或从火化而为热。二症俱以脉沉细，但欲寐为提纲。

仅谓少阴之邪从水化而为寒？曰：脉沉细而微，但欲寐背恶寒，口中和腹痛，下利清谷，小便白是也，宜用回阳法。而回阳中，首重在温剂，又有交阴阳微发汗，共成三法。

少阴病寒邪始伤，是当无热，而反发热，为太阳之标阳外呈。脉沉为少阴之生气不升，恐阴阳内外不相接，故以熟附助太阳之表阳，而内合于少阴；麻辛启少阴之水阴，而外合于太阳。仲景麻黄附子细辛汤，非发汗乃交阴阳法。

以上交阴阳法。

少阴病自始得，以至二、三日，俱无里症，可知太阳之表热，非汗不解。而又恐过汗以伤肾液，另出加减法，取中焦水谷之津而为汗，则内不伤，阴邪从表解矣。仲景麻黄附子甘草汤，变阴阳法，而为微发汗法。

以上微发汗法。

手足厥冷吐利，小便复利，下利清谷，内寒外热，脉微欲绝者，宜四逆汤。里寒外热面赤，或腹痛，或干呕，或咽痛，利止脉不出，汗出而厥，宜通脉四逆汤。少阴下利，宜白通汤。利不止厥逆无脉，干呕而烦，白通加猪胆汁汤主之。服药后脉暴出者死，微续者生。汗下后不解烦躁者，茯苓四逆汤主之。少阴二、三日不已，至四五日腹痛，小便不利，四肢沉重疼痛，自下利，此为水气（咳小便利，下利呕四症或有或无，因症下药），宜真武汤。少阴病，得之二三日，口中和，其背寒者

(太阳之阳虚不与少阴之君火相合)，当灸之。又身体痛（君火之气不能周遍于一身），手足寒（君火之气不能充达于四肢），骨节痛（君火之神机不能游行以出入），脉沉者（君火之神机不能身下而上），一为阳虚（责在太阳之阳，气虚不能内合），一为阴虚（责在少阴之君火内虚，神机不转，千古医家辄云：阴虚阳虚其亦悟此理否），皆以附子汤主之。少阴病吐利（神机不能交会于中土），手足厥冷（中土气虚，不能达于四肢），烦躁欲死者（少阴神机挟寒而逆于经脉心脉，不能下交于肾，则烦；不能上通于心，则躁），吴茱萸汤主之。

以上用温剂法。

何谓少阴之邪从火化而为热？曰：脉沉细而数，仍欲寐而内烦外躁，或不卧，口中热，下利清水，小便赤是也；宜用救阴法。而救阴中，又有补正、攻邪之异。

少阴病，二三日咽痛者，可与甘草汤，不瘥，与桔梗汤。

少阴病，咽中伤生疮，不能言语，声不出者，苦酒汤主之。

少阴病，咽中痛，半夏散及汤主之。

少阴病，下利、咽痛、胸满、心烦者，猪肤汤主之。

少阴病，得之二三日以上，心烦躁不能卧者，黄连阿胶汤主之。

少阴病，下利，六七日咳而呕，渴，心烦不得眠者，猪苓汤主之。

少阴病，二三日至四五日，腹痛小便不利，下利便脓血者，桃花汤主之。

以上皆以补正为救阴法。

少阴病，得之二三日，口燥舌干者，急下之，宜大承气汤。柯注云：热淫于内，因而转属阳明，胃火上炎，故口燥

舌干，急下之，谷气下流，津液得升矣。

少阴病，六、七日，腹胀不大便者，急下之，宜大承气汤。柯注云：得病六、七日当解，不解津液枯涸，因转阳明，故腹胀不大便，宜于急下者。六七日来，阴虚已极，恐土实于中，心肾不交而死也。

少阴病，自利清水，色纯青，心下必痛，口干燥者，急下之，宜大承气汤。柯注云：是土燥金炎，脾气不濡，胃气反厚，水去而谷不去，故宜急下。

以上皆以攻邪为救阴法。

厥阴为风木之脏，从热化者多，从寒化者少，以木中有火故也。

何谓厥阴症？《伤寒论》云：厥阴之为病，消渴（火盛）气上冲心（气逆即火逆），心中疼热（火邪入心），饥（火能消物），而不欲食（木克土故），食则吐蛔（虫为风化，一闻食臭，则上入于膈而吐），下之利不止（误下伤胃）是也。柯注云：两阴交尽名厥阴，宜无热症。然厥阴主肝，而胆藏于内，则厥阴热症，皆少阳之火内发也。要知少阳、厥阴同一相火。相火郁于内是厥阴病，相火出于表为少阳病。少阳咽干，即厥阴消渴之机；胸胁苦满，即气上冲心之兆；心烦，即疼痛之初；不欲食，是饥不欲食之根；喜呕，即吐蛔之渐。故少阳不解，转属厥阴为病危；厥阴病衰，转属少阳为欲愈。

——乌梅丸，为厥阴症之总方，吐蛔久利者为佳。

——病初起，手足厥冷，脉微欲绝，宜当归四逆汤。有久寒加生姜、吴茱萸，酒、水各半煎。以相火寄于肝经，虽寒而脏不寒，故先厥者后必发热，手足愈冷，肝胆愈热，故

曰厥深热亦深也；姜附不可妄投。

——脉结（脉缓时一止曰结，活人云：“阴盛则结”）代（一脏气败，其脉动而中止，不能自还，而他脏代之），心动悸（心气不宁），炙甘草汤主之。愚按：他经亦有此症，是阳气太虚，虚极生寒，非姜、附、肉桂不为功；若用此药，是速其化也。惟厥阴症，肝中之相火，本少阳之生气；而少阳实出于坎宫之真阴，即经所谓阳为之正，阴为之主是也。按前言表症，而手足厥逆，此言里症而脉结代，虽为厥阴寒化，终不用姜附大热之品，以厥阴之脏，相火游行于其间故也。

——脉微欲绝，不可下。若脉滑而厥，是内热郁闭，所谓厥应下之是也。下之是下，其热其下，其实泄利下重者，四逆散；欲饮水数升者，白虎汤，皆所以下无形之邪也。若以承气下之，利不止矣。

一、热利下重者，白头翁汤主之。下利欲饮水者，热也，亦白头翁汤主之。

以上治热化之法。

——厥者必发热，热与厥相应，热深厥亦深，热微厥亦微；此四症，是厥阴伤寒之定局。先热后厥，厥热往来，厥多热少，热多厥少；此四症，是厥阴伤寒之变局。皆因其人阳气多少而然。

——乘脾乘肺，二症宜辨。一曰伤寒腹满（经云：“诸腹胀大，皆属于热”，此由肝火也），谵语（经云：肝气盛则多言），寸口脉浮而紧（即弦脉），此肝乘脾也，名曰纵刺期门。一曰伤寒发热，啬啬恶寒（肺主皮毛。此症因无头痛项强，知其非太阳病，因肺虚），渴欲饮水（无白虎症而欲饮，知为肺虚），腹满（无承气症而腹满，知肺气不能通调水道），此肝乘肺也（肺金虚不能制木，肺寡于畏侮所不胜也），名曰横刺

期门（肝有立火随其实而泻之）。

——伤寒阳脉涩，阴脉弦，法当腹中急痛（此亦肝乘脾也），先与小建中汤（平肝以补脾），不瘥者（中气虚而不振，邪尚流连），与小柴胡汤主之（令木邪直走少阳，使有出路，所谓阴出之阳，则愈也）。

——伤寒厥而心悸者，宜先治水，当服茯苓甘草汤，后治其厥；不尔，水清入胃必作利也。柯注云：此亦肝乘脾也。虽不发热恶寒，亦木实金虚，水气不利所致。上节腹满，是水在中焦，故刺期门，以泄其实。此水在上焦，故用茯苓甘草以发其汗。此方是化水为汗，发散内邪之剂，即厥阴治厥之剂也。

太 阳 方

桂枝汤 治自汗、恶风、头疼、体痛、脉浮缓，名曰中风。（方下所言症治，照仲景内台方原文，建安许宏集议与《伤寒论》详略不同，后仿此。）

桂枝三钱 白芍三钱 甘草二钱，炙 生姜三钱，切片 大枣四枚

水二杯，煎八分温服。服后少顷，啜粥一杯，以助药力。温覆微似汗。若一服病止，不必再服；若病重者，一日夜作三服。

麻黄汤 治太阳病，头疼发热，身疼腰痛，骨节疼痛，恶寒无汗而喘者，此方主之。

麻黄三钱，去根节 桂枝二钱 杏仁去皮尖，二十三粒 甘草一钱
水三杯先煮麻黄至二杯，吹去上沫，纳诸药煎八分，温服，不须啜粥。余将息如前法。

大青龙汤 治太阳中风，脉浮紧，发热，恶寒，身疼痛，不汗出而烦躁者，此方主之。

麻黄六钱，去根节 桂枝二钱 甘草二钱，炙 杏仁去皮尖，十二粒 生姜三钱，切片 大枣四枚 石膏四钱半，火煨

水四杯，先煮麻黄至二杯半，去上沫，纳诸药再煎八分，温服。温覆微似汗。汗出多者，以温粉扑之（白术、煨牡蛎、龙骨研末）。若汗多亡阳者，以真武汤救之。

小青青龙汤 治伤寒，表不解，心下有水气，干呕，发热而渴，或咳，或利，或噎，或小便不利，少腹满，或喘，此方主之。

麻黄二钱，去根节 白芍二钱 干姜二钱，不炒 甘草二钱 桂枝二钱 半夏三钱 五味子一钱 细辛八分

水三杯半，先煮麻黄至二杯半，去沫，纳诸药煎八分，温服。若渴者，去半夏加天花粉二钱；若噎者，去麻黄加附子一钱五分；小便不利，不腹痛满，去麻黄加茯苓四钱；若喘者，去麻黄加杏仁二十一粒。按：《论》云：若微利者，去麻黄加芫花；今芫花不常用，时法用茯苓四钱代之，即猪苓、泽泻亦可代也。但行人道，当于方后注明。

桂枝二麻黄一汤 **桂枝麻黄各半汤** 接近传《伤寒论》，有分两理，宜两汤各煎，听用各半汤，则各取其半，而合服之。如二一汤，则取桂枝汤二分、麻黄汤一分，合而服之，犹水陆之师，各有节制，两军相为表里，异道夹攻之义。后人等其分两，合为一方，与葛根青龙辈何异？

五苓散 治发汗后，烦渴欲饮水者，主之。

茯苓三钱 猪苓三钱 泽泻三钱 白术二钱五分 桂枝二钱
水二杯，煎八分，温服，以出微汗。

按：原方为末，分两过重，乡僻之处，为末不便取用，故改作汤服。

抵当汤 治太阳病，热在下焦，小便鞭满下血乃愈。所以然者，以太阳随经瘀热在里故也，此汤主之。

水蛭熬，十二个 虻虫去翅足，熬，十二个 大黄三钱 桃仁七粒
水一杯半，煎七分服；不下再服。

桃仁承气汤 治太阳病，不解，热结膀胱，其人如狂，血自下者，愈。其外不解者，尚未可攻，当先解外。外已解，但小腹急结者，乃可攻之，宜此方主之。

桃仁十六粒，去皮尖 大黄四钱 甘草二钱 桂枝二钱 芒硝二钱

水二杯，煎八分，去渣，入芒硝煎微沸，温服。

四逆汤 直武汤（俱见下少阴）。

桂枝加附子汤 **白虎加人参汤**（即白虎加人参一钱） **调胃承气汤** **大承气汤**（俱见下阳明）。

生姜泻心汤 治伤寒汗出解之后，胃中不和，心下痞满，干噫食臭，胁下有水气，腹中雷鸣下利者，此汤主之。

生姜二钱 炙甘草钱半 人参钱半 半夏一钱 乾姜五分 黄连五分 黄芩钱半

水煎温服。

大陷胸汤 治大结胸症，脉沉而紧，心下痛，按之石硬者。

大黄三钱 芒硝一钱 甘遂末三分

水一杯，先煮大黄至六分，去渣，入芒硝煮二沸，纳甘遂末服；得快勿再服。

大陷胸丸 治结胸症，项亦强如柔痉状，下之则和，此

方主之。

大黄四钱 葶苈子钱半，炒 芒硝钱半 杏仁钱半

捣为丸，如弹子大。每用一丸。入甘遂末三分，白蜜半匙，水一杯，煎半杯，温服，一宿乃下。如不下，更服一丸，以下为度。

小陷胸汤 治小结胸病，症在心下，按之则痛，脉浮滑者主之。又治心下结痛，气喘闷者主之。

黄连一钱 半夏二钱 瓜蒌实二钱

水一杯半，先煮瓜蒌至一杯，入二药，再煎至七分，服；微下黄涎。

三物白散

桔梗四钱二分 贝母四钱二分 巴豆一钱二分，去心熬黑

共为末，以白饮和服一钱一分，赢者七分，病在膈上必吐，在膈下必利；不利，进热粥一杯；利不止，进冷粥一杯。

十枣汤 治太阳中风下利呕逆表解者，乃可攻之，其人汗出，发作有时，心下痞满，引胁下痛，干呕短气，汗出不恶寒者，此表解里未和，此方主之。

芫花熬 甘遂 大戟

以上三味等分，各别研为散，以水一升半，先煮大枣，肥者十枚取八，合去渣，入内药末，强人服一钱，赢者服半钱，匙温服之。平旦服若下，少病不除者，明日更服加半钱。匙得快下，利后糜粥自养。

桂枝去桂加茯苓白术汤 治报桂枝汤，或下之仍头项强痛，翕翕发热，无汗，心下满，微痛，不便不利者。

白芍三钱 生姜三钱 茯苓三钱 白术三钱 炙甘草二钱 大枣四枚

水煎温服，小便则愈。

阳 明 方

桂枝加葛根汤 即桂枝汤加葛根四钱。水三杯半，先煎葛根至二杯半，吹去沫，入诸药煎服。不须啜粥。

葛根汤 治太阳项背几几，无汗恶风者；又治太阳与阳明合病，此必下利，此方主之。

葛根四钱 麻黄三钱 生姜三钱 甘草二钱 桂枝二钱 芍药二钱 大枣四枚

水三杯半，先煎麻黄、葛根至二杯，吹去沫，入诸药煎至八分，温服。微似汗，不须啜粥。

梔子豉汤 治发汗吐下后，虚烦不得眠，反复颠倒，心懊侬者。

梔子七枚，生用 香豉三钱

水三盅，先煮梔子至一盅半，入香豉煮七分，温服。一服得吐，不用再服。

葛根加半夏汤 即葛根汤加半夏二钱。

白虎汤 治发汗后大热不解，多汗出，不恶寒，大渴能饮水者，此方主之。（按：此方从内台方原文，与《伤寒论》稍异）。

石膏八钱，打碎棉裹 知母三钱 炙甘草一钱 粳米四钱

水煎服。

麻仁丸 治趺阳脉浮而涩。浮则胃气强，涩则小便数，浮涩相搏，大便则难，其脾为药，此方主之。

麻仁五两，另研 白芍五两 枳实五两，炒 厚朴五两，炒 大黄一斤，蒸焙

右为末，炼蜜丸，如桐子大，米饭送下十丸，渐加以知为度。此方分两，照脾约丸。

蜜煎导 治阳明病自汗，出若发汗，小便自利者，此为津液内竭，而大便虽硬，不可攻之，当须自欲大便，宜蜜煎导而通之。若土瓜根皮与大猪胆汁，皆可为导也。内台方原文。

白蜜七合于铜器内，煮如饴状。取纸卷作挺子，经线扎之，以蜜厚包之，如指许，长二寸，微热纳入谷道，以手急抱，欲大便时，乃去之；时法蘸些皂角末。

猪胆汁导

大猪胆一枚，泻汁和醋少许，以灌谷道中，如一食顷，当大便出宿食恶物，甚效。

调胃承气汤 治汗后恶热，谵语心烦，中满脉浮者主之。

大黄四钱，酒润 炙草一钱 芒硝三钱

水二杯半，先煮大黄、炙草，取一杯，去渣，入芒硝微煮，令沸。少少温服。

小承气汤 治阳明病潮热，大便难，脉沉而滑，及内实腹痛者，此方主之。内台方原文。

大黄四钱 厚朴三钱，炒 枳实三钱，炒

水二杯煎八分服。初服当更衣。不尔者，再煮服；若更衣，止服。

大承气汤 治阳明病大实大满，大便不通，腹痛大热，其脉沉实者，此方主之。此内台方原文，与《伤寒论》大同小异。

大黄二钱，酒润 厚朴四钱 枳实二钱，炒 芒硝二钱

水三杯，先煮枳实、厚朴至一杯半，去渣；纳大黄煮一

杯，去渣；纳芒硝微火煮一二沸。服得下，勿再服。

少 阳 方

小柴胡汤 治少阳发热、口苦、耳聋，其脉弦者；又治太阳、阳明二经发热不退，寒热往来。

柴胡四钱 人参二钱半 黄芩二钱半 炙甘草二钱半 半夏二钱
生姜五片 大枣二枚

水三盅，煎一盅半，去渣；再煎八分。须温服。一日夜作三服。胸中烦而不呕者，去半夏、人参，加栝蒌二钱。渴者去半夏，加人参七分，栝蒌根二钱。腹中痛者，去黄芩，加芍药一钱五分。胁下痞硬，去大枣，加牡蛎二钱。心下悸，小便不利者，去黄芩，加茯苓二钱。不渴，外有微热者，去人参，加桂枝一钱五分。温服取微似汗愈。咳者，去人参、生姜、大枣，加五味子一钱，干姜一钱半

大柴胡汤 治太阳病未解，便传入阳明，大便不通，热实心烦，或寒热往来，其脉沉实者，以此方下之。

柴胡四钱 半夏二钱 黄芩钱半 白芍钱半 枳实钱半 生姜二钱五分 大枣二枚

水三盅，煎八分，温服。一日夜作三服。

一方用大黄五分。若不加大黄，恐不为大柴胡汤也。（按：此方原有两注，长沙并存其说而用之。）

半夏泻心汤 治伤寒五六日，发热下之早，胸满，呕而不痛者为痞，身寒而呕，饮食不下，非柴胡症，用此方主之。凡用泻心，多属误下，非传经热邪。此文与内台原方异。

半夏三钱 黄芩钱半 干姜钱半 炙甘草钱半 人参钱半 黄

连五分 大枣二枚

水三杯，煎一杯半，去渣；再煎，温服。

黄连汤 治伤寒，胸中有热，胃中有邪，气腹中痛，欲呕吐者，此方主之。

黄连钱半 炙草钱半 干姜钱半 桂枝钱半 人参一钱 半夏二钱 大枣二枚

水二杯，煎七分，温服。

黄芩汤 治太阳与少阳合病，自下利者，此方主之。下方治太阳与少阳合病，不下利而呕。

黄芩三钱 炙草二钱 白芍二钱 大枣二枚

水煎服，日二夜一。

黄芩加半夏生姜汤，即前方加半夏二钱，生姜三钱。

太 阴 方

理中丸汤 治霍乱病，呕吐、泄利、寒多，不饮水者。

人参三两 白术三两 甘草三两 干姜三两

共研末蜜丸，如鸡子黄大。研碎以沸汤服一丸，日三四次。服后啜热粥，以腹热为度。或用各三钱，水二盅，煎八分温服；服后啜热粥。若脐上筑者，去术加桂。吐多者，去术加生姜二钱，下多者还用术。悸者加茯苓。渴欲饮水者加术。腹痛加人参。寒者加干姜。腹满者去术加附子。服汤后，如食顷饮热粥，微自温，勿揭衣被。

桂枝加芍药汤 治太阳病，反下之，因而腹满时痛者。

桂枝三钱 生姜三钱 大枣四枚 芍药六钱 炙草二钱

水煎服。

桂枝加大黄汤 治太阳病，反下之，因而大实痛，此方主之。

桂枝三钱 生姜三钱 芍药六钱 炙甘草二钱 大黄七分 大枣四枚

水三杯，煎八分服。

少 阴 方

麻黄附子细辛汤 治少阴病始得之，反发热脉沉者，此方主之。

麻黄三钱，去根节 细辛一钱 附子钱半

水三盅，先煮麻黄至二盅，去沫，入诸药煎七分，温服。

按：近医惑于细辛用不过一钱之邪说，余亦难以力挽，此方只用一钱。

麻黄附子甘草汤 治少阴病，得之二三日，微发汗；以二三日无里症，故发汗也，此方主之。

麻黄三钱，去根节 甘草三钱 附子钱半

煎法同上。

真武汤 治太阳病发汗，汗出不解，其人仍发热，心悸，头眩，身瞤动，振振欲擗地者，此方主之。

茯苓二钱 白芍二钱 生姜二钱 白术二钱 附子一钱，炮
水三盅，煎八分，温服。

四逆汤 治下利清谷，三阴厥逆，恶寒脉沉而微者，此方主之。此乃温经救阳之峻剂也。

甘草四钱，炙 干姜三钱 附子二钱，生用

水三盅，煎八分，温服。

干姜再加三钱，名通脉四逆汤。

加茯苓六钱，人参一钱，名茯苓四逆汤。

白通汤 治少阴病下利者，此方主之。

干姜三钱 附子三钱，生用 葱白二根

水二盅，煎八分，温服。

加猪胆汁一匙，人尿半匙，名之谓白通加猪胆汁汤。

附子汤 治少阴病一二日，口中和其背恶寒者，当灸之，
宜此方主之。

附子二钱 茯苓三钱 人参二钱 白术四钱 白芍二钱

水二盅，煎八分，温服。

吴茱萸汤 治厥阴病，干呕吐涎沫头痛者主之。

吴茱萸三钱，汤泡 人参钱半 大枣四枚 生姜六钱

水煎服。

甘草汤 治少阴咽痛者主之。

甘草二钱

水三盅，煎一盅，分二次服。

甘草桔梗汤 治少阴咽痛，与甘草不瘥者，与桔梗汤。

甘草六钱 桔梗三钱

水三盅，煎一盅半，分二服。

苦酒汤 治少阴咽中伤，生疮不能言语，声不出者，此
方主之。

半夏一枚，生用，破十四片 鸡子一枚，去黄

纳半夏，着苦酒中，以鸡子壳，置刀环中，安火上令三
沸，去渣，少少含咽之；不瘥，再作三服。

猪肤汤 治少阴病，下利、咽痛、胸满、心烦者主之。

猪肤四两

水六杯，煎三杯，去渣，加白蜜半盏，米粉三钱，熬香，分三服。

半夏散及汤 治少阴咽中痛者主之。

半夏 桂枝 炙草

各等分为末，白饮和服二钱，日三服。不能服散者，用水一杯煮七沸，入散三钱，更煮三沸，少冷，少少咽之。

黄连阿胶鸡子黄汤 治少阴病得之二三日以上，心中烦不得卧者主之。

黄连四钱 黄芩一钱 白芍三钱 阿胶三钱 鸡子黄一枚

水三杯，煎一杯，去渣，入胶烊尽，少冷，入鸡子黄，搅令相得，温服。一日三服。

桃花汤 治少阴病下利，便脓血者，此方主之。又少阴病三日。腹痛，小便不利，下利不止，便脓血者主之。

赤石脂八钱，留一钱研末 干姜五分 粳米四钱

水三杯，煎八分。入石脂末一钱，调服。日作三服。

大承气汤 见上阳明。

猪苓汤 治渴欲饮水，小便不利，脉浮发热者主之。

猪苓三钱 茯苓三钱 泽泻三钱 滑石三钱 阿胶三钱

水二杯，先煮四味至一杯，去渣，入胶烊化，温服。

厥 阴 方

乌梅丸 治伤寒厥阴症，寒厥吐蛔，此为脏寒，蛔上入膈，时烦不安，须臾复止，得食而呕。又烦者，蛔闻食臭出，其人当吐蛔，蛔厥者乌梅丸主之，故仲景并主下利。

乌梅九十三粒 细辛六钱 干姜一两 当归四钱 黄连一两六

钱 附子六钱，炮 蜀椒四钱，炒 桂枝六钱 人參六钱 黄柏六钱

各研细末，合筛之。以苦酒浸乌梅一宿去核，饭上蒸之，捣成泥。入炼蜜共捣千下，如桐子大。先饮食白饮，服十丸。日三服。渐加至二十丸。

当归四逆汤 治手足厥寒，脉细欲绝者，此方主之。

当归三钱 桂枝二钱 白芍二钱 甘草钱半，炙 木通钱半
细辛一钱 红枣五粒，劈

水三杯，煎八分，温服。寒气盛者，加吴茱萸、生姜各二钱，加老黄酒半杯，同煎服。

白头翁汤 治热利下重，及下利欲饮水者主之。

白头翁一钱 黄连钱半 黄柏钱半 秦皮钱半

水煎服。

炙甘草汤 仲景治伤寒脉结代，心动悸及肺痿睡多；《千金翼》用治虚癆；《宝鉴》用治呃逆；《外台》用治肺痿。按：病久正气亏者，此方最宜。

炙甘草二钱 桂枝钱半 生姜钱半 人參一钱 生地八钱 火麻仁二钱 麦门冬二钱 阿胶二钱 大枣四枚

水酒各半煎。

四逆散 治少阴四逆，其人或咳或悸，或小便不利，或腹中痛，或泄利下重者主之。

炙甘草 枳实 柴胡 白芍

各等分，研末白饮和服二钱。日三服。咳者，加五味子、干姜各五分，并主下利。悸者，加桂枝五分。小便不利者，加茯苓二钱。腹中痛者，加炮附子五分。泄利下重者，先以水五杯煮薤白，取三杯，去渣，入药末三钱，取一杯半，分温再服。

白虎汤 见阳明。

小建中汤 治伤寒阳脉涩，阴脉弦，法当腹中痛者，以此方主之。又伤寒二三日，心中悸而烦者，此方主之。

白芍六钱 桂枝三钱 生姜三钱 炙甘草二钱 大枣四枚
水三杯，煎一杯，去渣，入饴糖四钱，煎烊温服。

茯苓甘草汤 治伤寒汗出而渴者，五苓散主之；不渴者，此方主之。

茯苓二钱 桂枝二钱 炙甘草一钱 生姜三钱
水煎服。

附： 感 冒 诸 方

冲和汤 即九味羌活汤。治四时感冒，恶寒发热，头项强痛，及一身尽痛，脉浮无汗等证，甚效。

羌活钱半 防风钱半 细辛九分 苍术钱半，泔浸 白芷钱半
川芎二钱 黄芩二钱 生地二钱 甘草一钱 生姜三片 葱
白三根

水煎热服，盖被取汗即愈。

戊午岁，四月间，天气尚寒，沪江南北，发生感冒一症。初起恶寒发热，头痛项强，四肢酸痛，脉浮无汗等症。其时申地男妇感冒此症者，十居八九，传染几满申江。凡初染者，余施此方，一服即愈。约半月间，感冒此症经服此汤而愈者，三百余人，真诚验方也。

人参败毒散 治伤寒兼疫风湿，风眩晕，拘挛风痰，头痛目眩，四肢疼痛，憎寒壮热，项强睛疼，无论男妇老幼，咸皆可服。

人參一錢 西洋參代 茯苓二錢 枳壳一錢 柴胡錢半 前胡錢半
羌活二錢 獨活錢半 川芎錢半 桔梗一錢 甘草七分 生
姜三片

水煎，熱服一劑即愈。如煩熱口干者，加黃芩二錢。

按：此方去人參，加陳倉米七錢，名倉稟湯，治噤口痢有熱，及毒氣衝心胃，食入即吐，大有奇效。戊午秋，潮陽黃水兄旅滬，忽染噤口下痢，惡寒壯熱，口渴舌焦，六脈浮洪帶急，此乃邪熱未解。馬醫生用承氣湯，合香連丸治之，致邪熱內陷，下痢無度，點水不下，奄奄一息，症險命危。延予診視，所見前症，遂立此方，連服三劑，轉危為安，數日而愈。

加味香蘇飲 治四時感冒，風寒頭痛肢酸，此方為發表之輕劑。

紫蘇葉二錢 香附錢半，制 陳皮錢半 甘草八分 川芎錢半
蔓荊子二錢 防風錢半 荊芥錢半

加姜蔥，水煎熱服，蓋被取汗，一帖即愈。如傷風自汗者，去荊芥、蔥白，加烏棗二枚，亦效。

李島三曰：以上三方，不犯三陽禁忌，為發表之通劑，可代麻黃湯桂枝湯，甚為平穩。若虛癆陽虛氣弱者，法當慎用，倘能認得真正傷寒，幸勿輕視，宜遵仲聖麻桂諸方為最妥。

金不換正氣散 治四時感冒風寒，瘟疫時行，及山嵐瘴氣，寒熱往來，霍亂吐瀉，下痢赤白，及出遠方，不伏水土，并皆治之。

厚朴錢半 陳皮錢半 蒼朮錢半，泔浸 甘草七分 藿香二錢
半夏錢半

加姜、棗水煎。

丙辰岁，余往暹罗治症，见华人初到暹地，不服水土者，多患泻痢食积等症。予施此方，屡试奇效。盖暹罗国地居热带，所饮冷水多生伏湿诸症，服之即愈。经验此方，施之南洋，比较华土，更之神效。现暹地华人药店，多传此方制药为散，以便病家备用。

藿香正气散 治外受山岚瘴毒、四时不正之气，内停饮食，头痛寒热，霍乱吐泻，疟疾等症，并治瘟疫传染，初感秽恶，甚效。

藿香三钱 腹皮二钱 紫苏二钱 白芷钱半 赤茯苓三钱 陈皮钱半 厚朴钱半 苍术二钱 半夏钱半 桔梗八分 甘草七分
加姜、枣，水煎服。

按：此方散寒除湿，宣中辟秽，专治感恶吐泻，屡试神效。若夏月伏阴在内而吐泻者，脉细汗多肢冷，几乎厥逆，宣理中、四逆、回阳、救急等汤；为吃紧语，切不可作霍乱同例，轻用此汤，草管人命。市医因此汤有治霍乱吐泻之名，竟以为夏月吐泻通剂，实可痛恨。愿专业者，细心体察，勿以予言为狂妄云。



卷 二

四诊撮要必读



四诊撮要

四诊者，望、闻、问、切是也。经云：望而知之谓之神，闻而知之谓之圣，问而知之谓之工，切脉而知之谓之巧。何谓也？然望而知之者，望其五色，以知其病。闻而知之者，闻其五音以别其病。问而知之者，问其所欲五味，以知其病所起所在。切脉而知之者，诊其寸口，视其虚实，以知其病在何脏腑也。经言以外知之曰圣，以内知之曰神，此之谓也。

望色要诀

岛三按：《素问》脉要精微论云：夫精明五色者，气之华也。赤欲如白裹朱，不欲如赭；白欲如鹅羽，不欲如盐；青欲如苍璧之泽，不欲如蓝；黄欲如罗裹雄黄，不欲如黄土；黑欲如重漆色，不欲如地苍，五色精微象见矣，其寿不久也。夫精明者，所以视万物，别白黑，审短长；以长为短，以白为黑，如是则精衰矣。

面上部位分配脏腑

接《灵枢》经五色篇曰：明堂者，鼻也；阙者，眉间也；庭者，颜也；蕃者，颊侧也；蔽者，耳门也。明堂，后人名之曰准头；阙，后人名之曰印堂；蕃，后人名之曰颊；蔽，后人名之曰耳门；王宫，后人名之曰山根。即面上部位，命名已有今古之不同，则无怪支配脏腑之互有出入也。夫色为气

之华，望色不过辨正气之盛衰，不必是古而非今，类于刻舟求剑，神而明之，正不妨两存其说。故古法宗《灵枢》经，于五脏六腑外，全身及首面肢节皆隶焉。至今法创自六朝时，高阳生有五脏，而无六腑，以六腑隶于五脏也。六腑且无，何况肢节。后人喜其简便，多舍《灵枢》而从之，故有是说。

《灵枢》经脏腑之支配

《灵枢》经五色篇曰：明堂骨，高以起，平以直，五脏次于中央，六腑挟其两侧，首面上于阙庭，王宫在于下极。五脏安于胸中，真色以致，病色不见，明堂润泽以清，五官恶得无辨乎。

薛生白曰：肺心肝脾之候，皆地鼻中；六腑之候，皆在四旁。故一曰次于中央，一曰挟其两侧。下极居两目之中，心之部也。心为君主，故曰王宫。惟五脏和平而安于胸中，则其正色自致，病色不见，明堂必然清润，此五官之所以有辨也。

岛三按：此言面上之平色也。不知辨平色，何能辨病色？平色之最要者，惟明堂清润，皮肤华泽，故曰真色以致，明堂润泽以清。

陈修园望色诗 附说

春夏秋冬长夏时，青黄赤白黑随宜。

左肝右肺形呈颊，心额肾颧鼻主脾。

察位须知生者吉，审时若遇克堪悲。

更于黯泽分新归，隐隐微黄是愈期。

相传：额心鼻脾、左颊肝、右颊肺、颧肾，面上之部位

可察也。肝青、肺白、心赤、脾黄、肾黑、面上之五色可察也。部位察其相生相克，五色察其有神无神。大抵外感不妨滞浊，久病忌呈鲜妍。惟黄色见于面目，既不枯槁，又不浮泽，为欲愈之候。又云：环口黑黧，休医已绝之肾，言难尽意，医要会心。

望色外，又有辨舌之法。舌上无苔为在表，鲜红为火，淡白为寒（指无苔言）。若有白苔为半表半里，黄苔为在里，黑苔病人少阴多死。苔润有液者为寒，苔燥无液者为火。舌上无苔，如去油猪腰子为亡液，名镜面舌，不治。又宜与病症相参，不可执一。录诗于后，以便记诵。

辨舌诗

舌上无苔表症轻，白苔半里古章程。
热红寒淡参枯润，阴黑阳黄辨死生。
全见光莹阴已脱，微笼本色气之平。
前人传有三十六，采摘多歧语弗精。

闻声要诀

诊脉之时，病者往往呻吟者，病必盛也。言迟者，风也。声出如从室中言者，中气有湿也。气不相续，言未终止而复言者，此夺气也；仲景所谓郑声，即是指此。衣被不敛，言语骂詈，不避亲疏者，神明之出也。自言鬼者，邪入厥阴也。谵语而人事不知者，邪入心包也。出言懒怯，先轻无重者，内伤中气也。言出壮厉，先重后轻者，外感邪盛也。攒眉呻吟者，舌、头痛也。呻吟而不能行起者，腰、足痛也。叫喊而

以手按心者，中脘痛也。呻吟而不能转身者，腰痛也。摇头而呻以手扞腮者，唇齿痛也。行迟而呻者，腰脚痛也。

诊脉之时，病者时时吁气者，郁结也。纽而呻者，腹痛也。形羸声哑，癆瘵之不治者，咽中有肺花疮也。暴哑者，风痰伏火，或暴怒叫喊所致也。久病而声嘶血败者，不治之症也。坐而气促者，痰火为哮也。久病气促者，危险之候也。中年之人，声浊者，痰火也。诊脉之时，病者独言独语，首尾不应者，思虑伤神也。伤寒坏病，声哑为狐惑。上唇有疮者，虫食甚脏也。下唇有疮者，虫食其肛也。气促喘息，不足以息者，虚甚也。平人无寒热，短气不足以息进，实也。新病闻呃，非火逆，即寒逆也。久病闻呃，胃气欲绝也。大抵气衰言微者为虚，气盛言厉者为实。语言首尾不相顾者为神昏，狂言怒骂者为实热。痰声漉漉者死。新病呃者为火逆，久病闻呃者为胃绝。声音清亮，不异于平时为吉，反者为凶。

《难经》曰：肺主声，入肝为呼，呼合乎五音之角也；入心为言，言合乎五音之徵也；入脾为歌，歌合乎五音之宫也；入肾为呻，呻合乎五音之羽也；自入为哭，哭合乎五音之商也。故五脏有病，不难于闻声求之；而听声察病，愈推愈广，所以书不尽言，学者当自求无尽之藏矣。

陈修园闻声诗

言微言厉盛衰根，谵语实邪错语昏。
虚呃痰鸣非吉兆，声音变旧恐离魂。

僧自性闻声诗

肝怒声呼心喜笑，脾为思念发为歌，

肺金忧虑形为哭，肾主呻吟恐亦之。

问症要诀

陈修园曰：凡诊病必先问是何人，或男或女，或老或幼。问而不答，必是耳聋者，须询问其左右，平素何如，盖恐病久致聋，或汗下致聋。问而懒答，或点头者，此必中也。答非所问，则昏愤不知人矣。是暴厥，是久病，须当细审。如诊妇人，必当问月信经期之或前、或后、或多、或少，月水之色或淡、或红、或紫、或块，不可忽略，关系极大也。寡妇室女，气血多半凝滞，两尺为滑，不可误断为胎。又问其病于何日，曾食何物，曾有怒劳房欲等事。又问初起何征，后变何病，今日渴思饮否？喜热喜冷否？口中何味思食否？五味中喜食何味，胸中宽否？及腹中有无痛处否？大小便如常否？足冷暖否？及平日劳逸喜怒忧思，及素食何物？种种问法，实为活人之捷径。

张景岳问症诗新注

一问寒热二问汗，三问头身四问便，
五问饮食六问胸，七聋八渴俱当辨，
九问旧病十问因，再兼服药参机变，
妇人尤必问经期，迟速闭崩皆可见，
再添片语告儿科，天花麻疹全占验。

一二问：问其寒热多寡，以审阴阳，细辨真假；问其汗之有无，以辨风寒，而别虚实。

三四问：问其头痛为邪甚，不痛为正虚；暴眩为风火与

痰，渐眩为上虚气陷；问其身之部位，以审经络，亦以一身重痛为邪甚，软弱为正虚；问其小便红白多少，大便秘溏清谷清水，以辨寒热、虚实、邪正而分治之，免致错误。

五六问：问饮食，以察其胃气之强弱；问胸者，该胃口而言也。浊气上干，则胸满痛为结胸；不痛而胀，连心下为痞气。

七八问：问聋者，伤寒以辨其在少阳与厥阴；杂病以聋为重，不聋为轻也。问渴者，以寒热虚实，俱有渴，大抵以口中和，索水不欲饮者为寒，口中引饮不休者为热。大渴谵语，不大便者为实；时饮水，饮亦不多，二便通利者为虚。

九十问：问旧病，以知其有夙疾与否；问其致病之因，以为用药之准。

再兼服药：表里、寒热、补泻之中，自有神机变化之妙。

妇人问经：妇人以经为主，问其有无迟速，以探病情，兼察有孕与否。

问儿科：小儿欲作痘疹与外感同，宜辨其手中指、足胫、耳后筋色为据。

问症是医家第一要事，李士材三书言之详矣。兹集隘不能多登，只取张景岳十问而注之，俾学者临症知所问津焉。

切脉要诀

诊脉必以《内经》为主，仲景《伤寒论》、《金匱要略》二书言脉，见散于各章节之中者，字字精切。至于《伤寒论》中平脉、辨脉二篇，则又为叔和所增，亦瑕瑜参半耳。兹先以时行而不悖于古者，撮其大要，俾学者乐从其易，无惮于所

难。后录《内经》脉义、仲景脉论，及近世诸大名家脉学，或间参以己意，文非一手，贯串极难，偶有增损，要不敢背乎本旨，非岛三一人之私言，一家之偏见也。

辨脉法

辨脉者，辨别诸脉象之名也。法者，诸脉部位，至数形状，相类相反，别之各有其法也。脉名者，如浮、沉、迟、数、滑、涩，诸脉之名是也。部位者，如寸、关、尺，上下之部位是也。至数者，如迟三至、数六至之至数是也。形状者，如滑、流、涩、滞之形状是也。相类者，如弦与紧、滑与动之相类是也。相反者，如浮与沉、虚与实之相反是也。皮肤取而得之，谓之浮；筋骨取而得之，谓之沉，此以脉之上下部位而得名也。是则凡脉因部位而得名，皆统乎浮沉矣。如浮而无力，谓之濡；沉而无力，谓之弱；浮而极有力，谓之革；沉而极有力，谓之牢；浮中沉俱有力，按之且大，谓之实；浮中沉俱无力，按之且大，谓之虚；浮中沉极无力，按之且小，似有似无，谓之微；浮中沉极无力，按之且大，涣散不收，谓之散；浮沉有力，中取无力，谓之芤；按之至骨，推寻始得，谓之伏，此皆以部位兼形状相反而得名者也。一息三至谓之迟，一息六至谓之数，此以脉之至数而得名者也。是则凡脉因至数而得名，皆统乎迟数矣。如一息四至谓之缓，一息七至谓之疾；数时一止谓之促，缓时一止谓之结；至数不乖，动而中止，不能自还，须臾复动，谓之代，此皆以至数兼相类而得名者也。流利如珠，谓之滑；进退艰难涩滞，谓之涩，此以脉之形状而得名者也。是则凡脉因形状而得名，皆统于滑涩矣。如脉形粗大，谓之大；脉形细小，谓之小；来去迢迢，

谓之长；来去缩缩，谓之短；来盛去衰，谓之洪；其形如豆，动摇不移，谓之动；状类弓弦，按之端直且劲，谓之弦；较弦则粗，按之左右弹指，谓之紧，此皆以形状兼相类相反而得名者也。此辨脉之大概也。诊者如此详究，则进乎法矣。今以浮、沉、迟、数、滑、涩六脉别之以为纲，以大小虚实诸脉辨之以为目，务使阴阳标本、虚实寒热，心中有据，指下无差，庶心手相得，而辨症处方自无错谬矣。

持脉法

持脉之法有三：曰举，曰按，曰寻。轻手循之曰举，重乎取之曰按，不轻不重委而曲之曰寻。初持脉轻手候之，脉见皮肤之间者，阳也，腑也，亦心肺之应也。重手得之，脉附于肉下者，阴也、脏也，亦肝肾之应也。不轻不重，中而取之，其脉应于血肉之间者，阴阳相适，中和之应，脾胃之候也。若委曲寻之，而若隐若见，则阴阳伏匿之脉也。

脉神

脉者，血气之神，邪正之鉴也。有诸中必形诸外，故血气盛者脉必盛，血气衰者脉必衰，无病者脉必正，有病者脉必乖。矧人之病，无过表里、寒热、虚实，只此六字，业已尽之。然六者之中，又惟虚实二字为最要。盖凡以表里、寒热之症，无不皆有虚实。既知表里、寒热，而复能以虚实二字决之，则千病万病，可以一贯矣。且治病之法，无逾攻补，用攻用补，无逾虚实；欲察虚实，无逾脉息。虽脉有二十七名，主病各异，然一脉能兼诸病，一病能兼诸脉，其中隐微，大有玄秘。正以诸脉中，亦皆有虚实之变耳。言脉至此，有

神存焉，倘不知要，而泛焉求迹，则毫厘千里，必多迷误。故予特表此义，有如洪涛巨浪中，则在乎牢执舵干；而病值危难处，则在乎专辨虚实。虚实得真，则阴阳标本，万无一失。其或脉有疑似，又必兼症兼理，以察其孰客孰主，孰缓孰急；能知本末先后，是即神之至也矣。

脉贵有神

夫不病之脉，不求其神，而神无不在也。有病之脉，必当求其神之有无。假如浮、沉、迟、数之脉，故为表、里、寒、热也；四者之中，有力无力以分虚实；其虚实之中，贵手有神。有神之脉，如按棉中之砂；无神之脉，竟指下如棉矣。脉如有神，虽困可起，汗攻温清之法，斟酌施用。无神之脉，百无一生，药餌岂可妄投？无论轻重缓急之症，诊候之际，不可大意忽诸！

浮沉迟数

脉有浮沉迟数，诊有提纲大端。浮而无力为虚，有力为邪所搏。浮大伤风兮，浮紧伤寒。浮数虚热兮，浮缓风涎。沉缓大兮，多热；沉迟紧细兮，多寒。沉实须知积滞，沉弦气病奄奄。沉迟有力，疼痛使然。迟弦数弦兮，疟寒疟热之辨。迟滑洪滑兮，胃冷胃热之愆。数而有痛，恐发疮疡，若兼洪滑，热甚宜凉。阴数阴虚必发热，阳数阳强多汗黄。

七情九气

脉有七情之伤，而为九气之列。怒伤于肝者，其脉促，而气上冲；惊伤于胆者，其气乱而脉动掣。过于喜者伤于心，故

脉散而气缓；过于思者伤于脾，故脉短而气结。忧伤于肺兮，脉必涩而气沉；恐伤于肾兮，脉当沉而气怯。若脉促而人气消，因悲伤而人系挈。伤于寒者脉迟，其为人也气收；伤于热者脉数，其为人也气泄。

危机脉象

脉见危机者死，只因指下无神。不问何候，有力为神，按之则隐，可见无根。盖元气之来，力和而缓；邪气之到，力强而峻。弹石硬来即去，解索散乱无绪。屋漏半日而落，雀啄三五而住。鱼翔似有似无，虾游进退难遇。更有鬼贼，虽如平类，土败于木，真弦可畏。是以危机，因无胃气，诸逢此者，见机当避。

《内经》脉义

诊法常以平旦

黄帝问曰：诊法何如？歧伯对曰：诊法常以平旦。阴气未动，阳气未散，饮食未进，经脉未盛，络脉调匀，气血未乱，故乃可诊有过之脉。切脉动静而视精明，察五色，观五脏有余不足，六腑强弱，形之盛衰，以此参伍决死生之分。

呼吸至数

黄帝问曰：平人何如？歧伯对曰：人一呼脉再动，一吸脉亦再动，呼吸定息，脉五动，闰以太息，命曰平人。平人者不病也。常以不病调病人，医不病，故为病人平息以调之为法。人一呼脉一动，一吸脉一动，曰少气。人一呼脉三动，一吸脉三动而躁，尺热曰病温，尺不热脉滑曰病风，脉涩曰痹。人一呼脉四动以上曰死，脉绝不至曰死，乍疏乍数曰死。

七 诊

帝曰：何以知病之所在？歧伯曰：察九候独小者病，独大者病，独疾者病，独迟者病，独热者病，独寒者病，独陷下者病。

脉合四时阴阳规矩

帝曰：脉其四时动奈何？知病之所在奈何？知病之所变奈何？知病乍在内奈何？知病乍在外奈何？请问此五者，可得闻乎？岐伯曰：请言其与天运转大也。万物之外，六合之内，天地之变，阴阳之应，彼春之暖，为夏之暑，彼秋之忿，为冬之怒，四变之动，脉与之上下。以春应中规，夏应中矩，秋应中衡，冬应中权。是故冬至四十五日，阳气微上，阴气微下。夏至四十五日，阴气微上，阳气微下。阴阳有时，与脉为期；期而相失，知脉所分；分之有期，故知死时。微妙在脉，不可不察；察之有纪，从阴阳始；始之有经，从五行生；生之有度，四时为宜。补泻勿失，与天地如一，得一之情，以知死生。是故声合五音，色合五行，脉合阴阳。是故持脉有道，虚静为保。春日浮，如鱼之游在波。夏日在肤，泛泛乎万物有余。秋日下肤，蛰虫将去。冬日在骨，蛰虫周密，君子居室。故曰：知内者按而纪之，知外者终而始之。此六者，持脉之大法。

诸脉证诊法

夫脉者，血之府也。长则气治，短则气病，数则烦心，大则病进，上盛则气高，下盛则气胀，代则气衰，细则气少，涩则心痛。浑浑革至如涌泉，病进而色弊，绵绵其去如弦绝，死。粗大者，阴不足阳有余，为热中也。来疾去徐，上实下虚，为厥颠疾。来徐去疾，上虚下实，为恶风也。故中恶风者，阳气受也。有脉俱沉细数者，少阴厥也。沉细数散者，寒热也。浮而散者为胸仆。诸浮不躁者，皆在阳，则为热；其有躁者

在手。诸细而沉者，皆在阴，则为骨痛；其有静者在足。数动一代者，病在阳之脉也，泄及便脓血。诸过者切之，涩者阳气有余也，滑者阴气有余也。阳气有余为身热无汗，阴气有余为多汗身寒，阴阳有余则无汗而寒。推而外之，内而不外，有心腹积也；推而内之，外而不内，身有热也；推而上之，上而不下，腰足清也；推而下之，下而不上，头项痛也。按之至骨，脉气少者，腰脊痛而身有痹也。

真脏脉见者死

真肝脉至，中外急如循刀刃，责责然，如按琴瑟弦，色青白不泽，毛折乃死。真心脉至，坚而搏，如循薏苡子累累然，色赤黑不泽，毛折乃死。真肺脉至，大而虚，如以毛羽中人肤，色白赤不泽，毛折乃死。真肾脉至，搏而绝，如指弹石辟辟然，色黑黄不泽，毛折乃死。真脾脉至，弱而乍数乍疏，色黄青不泽，毛折乃死。诸真脏脉见者，皆死不治也。黄帝曰：见真脏曰死，何也？岐伯曰：五脏者，皆禀气于胃；胃者，五脏之本也。脏气者，不能自致于手太阴，必因于胃气，乃至于手太阴也。故五脏各以其时，自为而至于手太阴也。故邪气胜者，精气衰也。故病甚者，胃气不能与之俱至于手太阴，故真脏之气独见。独见者，病胜脏也，故曰死。

帝曰：善。

精明五色

夫精明五色者，气之华也。赤欲如白裹朱，不欲如赭；白欲如鹅羽，不欲如盐；青欲如苍壁之泽，不欲如蓝；黄欲如罗裹雄黄，不欲如黄土；黑欲如重漆色，不欲如地苍。五色

精微象见矣，其寿不久也。夫精明者，所以视万物，别白黑，审短长，以长为短，为白为黑，如是则精衰矣。

能合脉色可以万全

夫脉之小大滑涩浮沉，可以指别；五脏之象，可以类推；五脏相音，可以意识；五色微诊，可以目察；能合脉色，可以万全。赤脉之至也，喘而坚，诊曰有积气在中，时害于食，名曰心痹，得之外疾，思虑而心虚，故邪从之。白脉之至也，喘而浮，上虚下实，惊，有积气在胸中，喘而虚，名曰肺痹寒热，得之醉而使内也。青脉之至也，长而左右弹，有积气在心下支胛，名曰肝痹，得之寒湿，与疝同法，腰疼足清头痛；黄脉之至也，大而虚，有积气在腹中。有厥气，名曰厥疝。女子同法，得之疾使四肢汗出当风。黑脉之至也，上坚而大，有积气在小腹与阴，名曰肾痹，得之沐浴清水而卧。

《难经》脉义

寸口动脉

十二经中，皆有动脉，独取寸口，以决五脏六腑死生吉凶之法，何谓也？然：寸口者，脉之大会，手太阴之脉动也。人一呼脉行三寸，一吸脉行三寸，呼吸定息，脉行六寸。人一日一夜，凡一万三千五百息，脉行五十度，周于身。漏水下百刻，荣卫行阳二十五度，行阴亦二十五度，为一周也。故五十度复会于手太阴。寸口者，五脏六腑之所终始，故取法于寸口也。

脉有尺寸

脉有尺寸，何谓也？然：尺寸者，脉之大要会也。从关至尺，是尺内，阴之所治也；从关至鱼际，是寸口内，阳之所治也。故分寸为尺，分尺为寸。故阴得尺中一寸，阳得寸内九分，尺寸终始一寸九分，故曰尺寸也。

脉有太过、不及、阴阳相乘、覆、溢、关、格

脉有太过，有不及，有阴阳相乘，有覆有溢，有关有格，何谓也？然：关之前者，阳之动也。脉当见九分而浮。过者，法曰太过，减者，法曰不及。遂上鱼为溢，为外关内格，此阴乘之脉也。关以后者，阴之动也，脉当见一寸而沉，过者，

法曰太过；减者，法曰不及。遂入尺为覆，为内关外格，此阳乘之脉也。故曰覆溢，是其真脏之脉，人不病而死也。

脉有阴阳之法

脉有阴阳之法，何谓也？然：呼出心与肺，吸入肾与肝，呼吸之间，脾受谷味也。其脉在中。浮者阳也，沉者阴也，故曰阴阳也。心肺俱浮，何以别之？然：浮而大散者，心也；浮而短涩者，肺也。肾肝俱沉，何以别之？然：牢而长者，肝也；按之濡，举指来实者，肾也。脾者中州，故其脉在中，是阴阳之法也。脉有一阴一阳，一阴二阳，一阴三阳；有一阳一阴，一阳二阴，一阳三阴。如此之言，寸口有六脉俱动耶？然此言者，非有六脉俱动也，谓浮沉长短滑涩也。浮者阳也，滑者阳也，长者阳也；沉者阴也，短者阴也，涩者阴也。所谓一阴一阳者，谓脉来沉而滑也；一阴二阳者，谓脉来沉滑而长也；一阴三阳者，谓脉来浮滑而长，时一沉也。所谓一阳一阴者，谓脉来浮而涩也；一阳二阴者，谓脉来长而沉涩也；一阳三阴者，谓脉来沉涩而短，时一浮也。各以其经所在，名病逆顺也。

脉有轻重

脉有轻重，何谓也？然：初持脉，如三菽之重，与皮毛相得者，肺部也；如六菽之重，与血脉相得者，心部也；如九菽之重，与肌肉相得者，脾部也；如十二菽之重，与筋平者，肝部也；按之至骨，举指来疾者，肾部也，故曰轻重也。

脉有阴阳虚实

脉有阴盛阳虚、阳盛阴虚，何谓也？然：浮之损小，沉之实大，故曰阴盛阳虚；沉之损小，浮之实大，故曰阳盛阴虚，是阴阳虚实之意也。

六甲子王脉

《经》言：少阳之至，乍大乍小，乍短乍长；阳明之至，浮大而短；太阳之至，洪大而长；太阴之至，紧大而长；少阴之至，紧细而微；厥阴之至，沉短而敦。此六者是平脉耶，将病脉耶？然：皆王脉也。其气以何月，各王几日，然冬至之后得甲子少阳王，复得甲子阳明王，复得甲子太阳王，复得甲子太阴王，复得甲子少阴王，复得甲子厥阴王。王各六十日，六六三百六十日，以成一岁。此三阴三阳之王时日大要也。

寸口脉平而死

寸口脉平而死者，何谓也？然：诸十二经脉者，皆系于生气之原。所谓生气之原者，谓十二经之根本也，谓肾间动气也。此五脏六腑之本，十二经脉之根，呼吸之门，三焦之原，一名守邪之神。故气者，人之根本也，根绝则茎叶枯矣。寸口脉平而死者，生气独绝于内也。

何以别知脏腑病

何以别知脏腑之病耶？然：数者，腑也，迟者，脏也。数则为热，迟则为寒，诸阳为热，诸阴为寒，故以别知脏腑之

病也。

一脉十变

一脉十变者，何谓也？然：五邪则柔相逢之意也。假令心脉急甚者，肝邪干心也；心脉微急者，胆邪干小肠也；心脉大甚者，心邪自干心也；心脉微大者，小肠邪自干小肠也；心脉缓甚者，脾邪干心也；心脉微缓者，胃邪干小肠也；心脉涩甚者，肺邪干心也；心脉微涩者，大肠邪干小肠也；心脉沉甚者，肾邪干心也；心脉微沉者，膀胱邪干小肠也。五脏各有刚柔邪，故令一脉辄变为十也。

脉不满五十动一止

《经》言：脉不满五十动而一止，一脏无气者，何谓也？然：人吸者随阴入，呼者因阳出，今吸不能至肾，至肝而还，故知一脏无气者，肾气先尽也。

绝脉反实

《经》言：五脏脉已绝于内，用针者反实其外；五脏脉已绝于外，用针者反实其内。内外之绝，何以别之？然：五脏脉已绝于内者，肾肝脉绝于内也，而医反补其心肺；五脏脉已绝于外者，心肺脉绝于外也，而医反补其肾肝。阳绝补阴，阴绝补阳，是谓实实虚虚，损不足而益有余，如此死者，医杀之耳！

脉 色

《经》言：见其色而不得其脉，反得相胜之脉者即死。得

相生之脉者，病即自己。色之与脉，当参相应，为之奈何？然：五脏有五色，皆见于面，亦当与寸口尺内相应。假令色青，其脉当弦而急；色赤，其脉浮大而散；色黄，其脉中缓而大；色白，其脉浮涩而短；色黑，其脉沉濡而滑。此所谓五色之与脉当参相应也。脉数，尺之皮肤亦数；脉急，尺之皮肤亦急；脉缓，尺之皮肤亦缓；脉涩，尺之皮肤亦涩；脉滑，尺之皮肤亦滑。五脏各有声色臭味，当与寸口尺内相应，其不相应者，病也。假令色青，其脉浮涩而短，若大而缓为相胜，浮大而散，若小而滑为相生也。《经》言：知一为下工，知二为中工，知三为上工。上工者十全九，中工者十全八，下工者十全六。此之谓也。

脉有损至

脉有损至，何谓也？然：至之脉，一呼再至曰平，三至曰离经，四至曰夺精，五至曰死，六至曰命绝，此至之脉也。何谓损？一呼一至曰离经，再呼一至曰夺精，三呼一至曰死，四呼一至曰命绝，此损之脉也。至脉从下上，损脉从上下也。损脉之为病奈何？然：一损损于皮毛，皮聚而毛落；二损损于血脉，血脉虚少，不能荣于五脏六腑；三损损于肌肉，肌肉消瘦，饮食不能为肌肤；四损损于筋，筋缓不能自收持；五损损于骨，骨痿不能起于床。反此者至于收病也。从上下者，骨痿不能起于床者死；从下上者，皮聚而毛落者死。治损之法奈何？然：损其肺者益其气，损其心者调其荣卫，损其脾者调其饮食，适其寒温，损其肝者缓其中，损其肾者益其精。此治损之法也。

脉有一呼再至，一吸再至；有一呼三至，一吸三至；有

一呼四至，一吸四至；有一呼五至，一吸五至；有一呼六至，一吸六至；有一呼一至，一吸一至；有再呼一至，再吸一至；有呼吸再至。脉来如此，何以别知其病也？然：脉来一呼再至，一吸再至，不大不小曰平。一呼三至，一吸三至，为适得病，前大后小，即头痛、目眩；前小后大，即胸满、短气。一呼四至，一吸四至，病欲甚，脉洪大者苦烦满，沉细者腹中痛，滑者伤热，涩者中雾露。一呼五至，一吸五至，其人当困，沉细夜加，浮大昼加，不大不小，虽困可治；其有大小者为难治。一呼六至，一吸六至，为死脉也。沉细夜死，浮大昼死。一呼一至，一吸一至，名曰损，人虽能行，犹当着床。所以然者，血气皆不足故也。再呼一至，再吸一至，呼吸再至，名曰无魂；无魂者当死也，人虽能行，名曰行尸。上部有脉，下部无脉，其人当吐，不吐者死。上部无脉，下部有脉，虽困无能有害。所以然者，譬如人之有尺，树之有根，枝叶虽枯槁，根本将自生，脉有根本，人有元气，故知不死。

四时平脉、病脉、死脉

《经》言：春脉弦，夏脉钩，秋脉毛，冬脉石，是王脉耶，将病脉也？然弦、钩、毛、石者，四时之脉也。春脉弦者，肝，东方木也，万物始生，未有枝叶，故其脉之来，濡弱而长，故曰弦。夏脉钩者，心，南方火也，万物之所茂，垂枝布叶，皆下曲如钩，故其脉之来疾去迟，故曰钩。秋脉毛者，肺西方金也，万物之所终，草木花叶，皆秋而落，其枝独在，若毫毛也，故其脉之来轻虚而浮，故曰毛。冬脉石者，肾北方水也，万物之所藏也，盛冬之时，水凝如石，故其脉之来沉濡而滑，故曰石。此四时之脉也。

如有变奈何？然：春脉弦，反者为病。何谓反？然：其气来实强，是谓太过，病在外；气来虚微，是谓不及，病在内。气来厌厌聂聂，如循榆莢曰平；益实而滑，如循长竿曰病；急而劲益强，如新张弓弦曰死。春脉微弦曰平，弦多胃气少曰病，但弦无胃气曰死，春以胃气为本。夏脉钩，反者为病。何谓反？然：其气来实强，是谓太过，病在外；气来虚微，是谓不及，病在内。脉来累累如环，如循琅玕曰平；来而益数如鸡举足者曰病，前曲后踞，如操带钩曰死。夏脉微钩曰平，钩多胃气少曰病；但钩无胃气曰死。夏以胃气为本。秋脉毛，反者为病。何谓反？然：其气来实强，是谓太过，病在外；气来虚微，是谓不及，病在内。其脉来蔼蔼如车盖，按之益大曰平；不上不下，如循鸡羽曰病；按之萧索，如风吹毛曰死。秋脉微毛曰平；毛多胃气少曰病，但毛无胃气曰死。秋以胃气为本。冬脉石，反者为病。何谓反？然：其气来实强，是谓太过，病在外；气来虚微，是谓不及，病在内。脉来上大，下兑滑濡，如雀之啄曰平；啄啄连属，其中微曲曰病；来如解索，去如弹石曰死。冬脉微石曰平，石多胃气少曰病，但石无胃气曰死，冬以胃气为本。

胃者，水谷之海主稟，四时皆以胃气为本。是谓四时之变病，死生之要会也。脾者，中州也，其平和不可得见，衰乃见耳。来如雀之啄，如水之下漏，是脾衰之见也。

五脏脉证

脉有三部九候，有阴阳，有轻重，有六十首，一脉变为四时，离圣久远，各自是其法，何以别之？然：是其病有内外证。其病为之奈何？然：假令得肝脉，其外征：善洁，面

青善怒；其内征：脐左有动气，按之牢若痛；其病：四肢满，闭淋洩便难，转筋。有是者肝也，无是者非也。假令得心脉，其外征：面赤，口干喜笑；其内征：脐上有动气，按之牢若痛，其病：烦心，心痛，掌中热而哕。有是者心也，无是者非也。假令得脾脉，其外征：面黄，善噫，善思，善味；其内征：当脐有动气，按之牢若痛；其病：腹胀满，食不消，体重节痛，怠惰嗜卧，四肢不收，有是者脾也，无是者非也。假令得肺脉，其外征：面白，善嚏，悲愁不乐，欲哭；其内征：脐右有动气，按之牢若痛；其病：喘咳洒淅寒热。有是者肺也，无是者非也。假令得肾脉，其外征：面黑，善恐，欠；其内征：脐下有动气，按之牢若痛；其病：逆气，小腹急痛，泄如下重，足胫寒而逆，有是者肾也，无是者非也。

脉有生死

《经》言：病或有死，或有不治自愈，或连年月不已，其生死存亡，可切脉而知之耶？然：可尽知也。诊病若闭目不欲见人者，脉当得肝脉，强急而长；而反得肺脉，浮短而涩者死也。病若开目而渴心下牢者，脉当得紧实而数；而反得沉涩而微者死也。病若吐血，复衄衄血者，脉当沉细；而反得浮大而牢者死也。病若谵言妄语，身当有热，脉当洪大，而反手足厥逆，脉沉细而微者死也。病若大腹而泄者，脉当微细而涩，反紧大而滑者死也。

三部九候

脉有三部，部有四经，手有太阴、阳明，足有太阳、少阴，为上下部，何谓也？然：手太阴、阳明，金也；足少阴、

太阳，水也。金生水，水流下行而不能上，故在下部也。足厥阴、少阳木也，生手太阳、少阴火，火炎上行而不能下，故为上部。手心主、少阴火，生足太阴脾土；土主中宫，故在中部也。此皆五行子母更相生养者也。

脉有三部九候，各何所主之？然：三部者，寸、关、尺也。九候者，浮、中、沉也。上部法天，主胸以上至头之有疾也；中部法人，主膈以下至脐之有疾也；下部法地，主脐以下至足之有疾也。审而刺之者也。人病有沉滞、久积聚，可切脉而知之耶？然：诊病在右胁有积气，得肺脉结；脉结甚则积甚，结微则气微。诊不得肺脉，而右胁有积气者何也？然：肺脉虽不见，右手脉当沉伏，其外痼疾同法耶？将异也。然：结者，脉来去时一止，无常数，名曰结也。伏者，脉行筋下也。浮者，脉在肉上行也。左右表里，法皆如此。假令脉结伏者，内无积聚；脉浮结者，外无痼疾。有积聚脉不结伏，有痼疾脉不浮结。为脉不应病，病不应脉，是为死病也。

男尺恒虚，女尺恒实

脉有逆顺，男女有恒。而反者，何谓也？然：男子生于寅，寅为木，阳也。女子生于申，申为金，阴也。故男脉在关上，女脉在关下，是以男子尺脉恒弱，女子尺脉恒盛，是其常也。反者，男得女脉，女得男脉也。其为病何如？然：男得女脉为不足，病在内；左得之病在左，右得之病在右，随脉言之也。女得男脉为太过，病在四肢，左得之病在左，右得之病在右，随脉言之；此之谓也。

脉有伏匿

《经》言：脉有伏匿。伏匿于何脏而言伏匿耶？然：谓阴阳更相乘更相伏也。脉居阴部而反阳脉见者，为阳乘阴也，脉虽时沉涩而短，此谓阳中伏阴也。脉居阳部而反阴脉见者，为阴乘阳也，脉虽时浮滑而长，此谓阴中伏阳也。重阳者狂，重阴者癫；脱阳者见鬼，脱阴者目盲。

形病脉不病

《经》言：人形病脉不病曰生，脉病形不病曰死，何谓也？然：人形病脉不病，非有不病者也，谓息数不应脉数也，此大法。

一脉变为二病

《经》言：脉有是动，有所生病，一脉辄变为二病者，何也？然：《经》言是动者气也，所生病者血也。邪在气，气为是动；邪在血，血为所生病。气主响之，血主濡之。气留而不行者，为气先病也；血壅而不濡者，谓血后病也，故先为是动，后所生也。

脉 度

手足三阴三阳，脉之度数，可晓以不？然：手三阳之脉，从手至头长五尺，五六合三丈。手三阴之脉，从手至胸中长三尺五寸；三六一丈八尺，五六三尺，合二丈一尺。足三阳之脉，从足至头长八尺。六八四丈八尺；足三阴之脉，从足至胸长六尺五寸，六六三丈六尺，五六三尺，合三丈九尺。人

两足趺脉，从足至目长七尺五寸，二七一丈四尺，二五一尺，合一丈五尺。督脉任脉，各长四尺五寸，二四八尺，二五一尺，合九尺。凡脉长一十六丈二尺，此所谓十二经脉长短之数也。

经脉十二，络脉十五，何始何穷也？然：经脉者，行血气，通阴阳，以荣于身者也。其始从中焦，注手太阴、阳明，阳明注足阳明、太阴，太阴注手少阴、太阳，太阳注足太阳、少阴，少阴注手心主、少阳，少阳注足少阳、厥阴，厥阴复还注手太阴。别络十五，皆因其原，如环无端，转相灌溉，朝于寸口、人迎，以处百病而决死生也。《经》云：明知终始，阴阳定矣，何谓也？然：终始者，脉之纪也，寸口、人迎，阴阳之气通于朝使，如环无端，故曰始也。终者，三阴三阳之脉绝；绝则死。死各有形，故曰终也。

伤寒有五，其脉不同

伤寒有几？其脉有变不？然：伤寒有五，有中风，有伤寒，有湿温，有热病，有温病，其所苦各不同。中风之脉，阳浮而滑，阴濡而弱；湿温之脉，阳浮而弱，阴小而急；伤寒之脉，阴阳俱盛而紧涩；热病之脉，阴阳俱浮，浮之而滑，沉之散涩；温病之脉，行在诸经，不知何经之动也，各随其经所在而取之。伤寒有汗出而愈，下之而死者；有汗出而死，下之而愈者，何也？然：阳虚阴盛，汗出而愈，下之即死；阳盛阴虚，汗出而死，下之而愈。寒热之病，候之如何也？然：皮寒热者，皮不可近席，毛发焦，鼻槁，不得汗；肌寒热者，皮肤痛，唇舌槁，无汗；骨发寒热者，病无所安，汗注不休，齿本槁痛。

仲景论脉

寸口卫气盛名曰高，营气盛名曰章；高、章相搏名曰纲。卫气弱名曰牖，营气弱名曰卑；牖、卑相搏名曰损。卫气和名曰缓，营气和名曰迟；迟、缓相搏名曰强。

师曰：脉肥人责浮，瘦人责沉。肥人当沉今反浮，瘦人当浮今反沉，故责之。

问曰：东方肝脉，其形何似？师曰：肝者，木也，名厥阴，其脉微弦濡弱而长，是肝脉也；肝病自得濡弱者愈也。假令得纯脉弦者死，何以知之？以其脉如弦直，此是肝脏伤，故知死也。南方心脉，其形何似？师曰：心者，火也，名少阴，其脉洪大而长，是心脉也；心病自得洪大者愈也。西方肺脉，其形何似？师曰：肺者，金也，名太阴，其脉毛浮也，肺病自得此脉，若得迟缓者皆愈，若得数者则剧。何以知之数者？南方火，火克西方金，法当痈肿为难治也。北方肾脉，其形何似？师曰：肾者，水也，名曰少阴，其脉沉滑，是肾脉也；肾病自得沉滑而濡者愈也。

问曰：脉有相乘，有纵，有横，有逆，有顺，何谓也？师曰：水行乘火，金行乘木，名曰纵；火行乘水，木行乘金，名曰横；水行乘金，火行乘木，名曰逆；金行乘水，木行乘火，名曰顺也。

问曰：何以知乘腑，何以知乘脏？师曰：诸阳浮数为乘腑，诸阴迟涩为乘脏也。

问曰：病有洒淅恶寒，而复发热者何？答曰：阴脉不足，阳往从之；阳脉不足，阴往乘之。曰：何谓阳不足？答曰：假令寸口脉微，名曰阳不足，阴气上入阳中，则洒淅恶寒也。曰：何谓阴不足？答曰：尺脉弱者，名曰阴不足，阳气下陷于阴中，则发热也。问曰：脉有阳结、阴结者，何以别之？答曰：其脉浮而数，能食，不大便者，此为实，名曰阳结也，期十七日当剧。其脉沉而迟，不能食，身体重，大便反坚，名曰阴结也，期十四日当剧。

师曰：寸脉下不至关为阳绝，尺脉上不至关为阴绝，此皆不治决死也。若计其余命生死之期，期以月节克之也。

师曰：脉病人不病，名曰行尸，以无王气，卒眩仆不识人者，短命则死。人病脉不病，名曰内虚，以无谷神，虽困无苦。

又未知何脏先受其灾？若汗出发润，喘不休者，此为肺先绝也。脉浮而洪，身汗如油，喘而不休，水浆不下，形体不仁，乍静乍乱，此为命绝也。阳反独留，形体如烟熏，直视摇头者，此心绝也。唇吻反青，四肢热厥者，此肝绝也。环口黎黑，柔汗发黄者，此为脾绝也。溲便失遗，狂言目反直视者，此为肾绝也。

问曰：上工望而知之，中工问而知之，下工脉而知之，厥闻其说。师曰：病家人请云：病人苦发热，身体疼痛，人自卧，师到诊其脉沉而迟者，知其瘥也。何以知之？若表有病者，脉当浮大，今脉反沉迟，故知愈也。

师持脉，病人欠者，无病也；脉之呻者，病也；言迟者，风也；摇头言者，里痛也；行迟者，表强也；坐而伏者，短气也；坐而下一脚者，腰痛也；里实护腹如怀卵物者，心痛

也。

问曰：人恐怖者，其脉何状？师曰：脉形如循丝累累然，其面白，脱色也。人不饮，其脉何类？师曰：脉自涩，唇口干燥也。人愧者，其脉何类？师曰：脉浮而面色乍白乍赤。

问曰：脉有灾怪，何谓也？师曰：假令人病，脉得太阳，与形征相应，因为作汤，比还送汤，如食顷，病人乃大吐，若下利，腹中痛。师曰：我前来不见此症，今乃变异，是名灾怪。又问曰：何缘作此吐利？答曰：或有旧时服药，今乃发作，故名灾怪耳。

问曰：脉有残贼，何谓也？师曰：脉有弦、紧、浮、滑、沉、涩，此六脉，名曰残贼，能为诸脉作病也。

问曰：脉有阴阳，何谓也？答曰：凡脉大浮数动滑，此名阳也；脉沉涩弱弦微，此名阴也。凡阴病见阳脉者生，阳病见阴脉者死。

寸口诸微亡阳，诸濡卫虚，诸弱营虚，诸紧为寒，诸乘寒者则为厥，郁冒不仁，以胃无谷气，脾涩不通，口急不能言，战而栗也。

四言举要

宋南康紫虚隐君崔嘉彦希范著
明蕲州月池子李言闻子都删补

脉乃血脉，气血之先，血之隧道，气息应焉。
其象法地，血之府也，心之合也，皮之部也。
资始于肾，资生于胃，阳中之阴，本乎营卫。
营者阴血，卫者阳气，营行脉中，卫行脉外。
脉不自行，随气而至，气动脉应，阴阳之义。
气如橐龠，血如波澜，血脉气息，上下循环。
十二经中，皆有动脉，惟手太阴，寸口取决。
此经属肺，上系吭嗑，脉之大会，息之出入。
一呼一吸，四至为则，日夜一万，三千五百。
一呼一吸，脉行六寸，日夜八百，十丈为准。
初持脉时，令仰其掌，掌后高骨，是为关上。
关前为阳，关后为阴，阳寸阴尺，先后推寻。
心肝居左，脾肺居右，肾与命门，居两尺部。
魂魄谷神，皆见寸口，左主司官，右主司府。
左大顺男，右大顺女，木命扶命，男左女右。
关前一分，人命之主，左为人迎，右为气口。
神门决断，两在关后，人无二脉，病死不救。
男女脉同，惟尺则异，阳弱阴盛，反此病至。

脉有七诊，曰浮中沉，上下左右，消息求寻。
又有九候，举按轻重，三部浮沉，各候五动。
寸候胸上，关候膈下，尺候于脐，下至脚跟。
左脉候左，右脉候右，病随所在，不病者否。
浮为心肺，沉为肾肝，脾胃中州，浮沉之间。
心脉之浮，浮大而散，肺脉之浮，浮涩则短。
肝脉之沉，沉而长弦，肾脉之沉，沉实而软。
脾胃属土，脉宜缓和，命为相火，左寸同断。
春弦夏洪，秋毛冬石，四季和缓，是谓平脉。
太过实强，病生于外，不及虚微，病生于内。
春得秋脉，死在金日，五脏准此，推之不失。
四时百病，胃气为本，脉贵有神，不可不审。
调停自气，呼吸定息，四至五至，平和之则。
三至为迟，迟则为冷，六至为数，数即热症。
转迟转冷，转数转热，迟数既明，浮沉当别。
浮沉迟数，辨内外因，外因于天，内因于人。
天有阴阳，风雨晦冥，人喜怒忧，思悲恐惊。
外因之浮，则为表症，沉里迟阴，数则阳盛。
内因之浮，虚风所为，沉气迟冷，数热何疑。
浮数表热，沉数里热，浮迟表虚，沉迟冷结。
表里阴阳，风气冷热，辨内外因，脉征参别。
脉理浩繁，总括于四，既得提纲，引伸触类。
浮脉法天，轻手可得，泛泛在上，如水漂木。
有力洪大，来盛去悠，无力虚大，迟而且柔。
虚甚则散，涣漫不收，有边无中，其名曰芤。
浮小为濡，棉浮水面，濡甚则微，不任寻按。

沉脉法地，近于筋骨，深深在下，沉极为伏。
有力为牢，实大弦长，牢甚则实，愠愠而强。
无力为弱，柔小如棉，弱甚则细，如蛛丝然。
迟脉数阴，一息三至，小快于迟，缓才及四。
二损一败，病不可治，两息夺精，脉已无气。
浮大虚散，或见芤革，浮小濡微，沉小细弱。
迟细为涩，往来极难，似止非止，短散两兼。
结则来缓，止而复来，代则来缓，止不能回。
数脉属阳，六至一息，七疾八极，九至为脱。
浮大者洪，沉大牢实，往来流利，是谓之滑。
有力为紧，弹如转索，数见寸口，有止曰促。
数见关中，动脉可候，厥厥摇动，状如小豆。
长则气治，过于本位，长而端直，弦脉应指。
短则气病，不能满部，不见于关，惟尺寸候。
一脉一形，各有主病，数脉相兼，则见诸症。
浮脉主表，里必不足，有力风热，无力血弱。
浮迟风虚，浮数风热，浮紧风寒，浮缓风湿。
浮虚伤暑，浮芤失血，浮洪虚火，浮微劳极。
浮濡阴虚，浮散虚剧，浮弦痰饮，浮滑痰热。
沉脉主里，主寒主积，有力痰食，无力气郁。
沉迟虚寒，沉数热伏，沉紧冷痛，沉缓水蓄。
沉牢痼冷，沉实热极，沉弱阴虚，沉细痹湿。
沉弦饮痛，沈滑宿食，沉浮吐利，阴毒聚积。
迟脉主脏，阳气伏潜，有力为痛，无力虚寒。
数脉主腑，主吐主狂，有力为热，无力为疮。
滑脉主痰，或伤于食，下为畜血，上为吐逆。

涩脉少血，或中寒湿，反胃结肠，自汗厥逆。
弦脉主饮，病属肝胆，弦数多热，弦迟多寒。
浮弦支饮，沉弦悬痛，阳弦头痛，阴弦腹痛。
紧脉主寒，又方诸痛，浮紧表寒，沉紧里痛。
长脉气平，短脉气病，细则气小，大则病进。
浮长风病，沉短宿食，血虚脉虚，气实脉实。
洪脉为热，其阴则虚，细脉为湿，其血则虚。
缓大者风，缓细者湿，缓涩血少，缓滑内热。
濡小阴虚，弱小阳竭，阳竭恶寒，阴虚发热。
阳微恶寒，阴微发热，男微虚损，女微泻血。
阳动汗出，阴动发热，为痛与惊，崩中失血。
虚寒相搏，其名为革，男子失精，女子失血。
阳盛则促，肺痈阳毒，阴盛则结，疝瘕积郁。
代则气衰，或泄脓血，伤寒心悸，女胎三月。
脉之主病，有宜不宜，阴阳顺逆，凶吉可推。
中风浮缓，急实则忌，浮滑中痰，沉迟中气。
尸厥沉滑，卒不知人，入脏身冷，入腑身温。
风伤于卫，浮缓有汗，寒伤于营，浮紧无汗。
暑伤于气，脉虚身热，湿伤于血，脉缓细涩。
伤寒热病，脉喜浮洪，沉微涩少，症反必凶。
汗后脉静，身凉则安，汗后脉躁，热甚必难。
阳病见阴，病必危殆，阴病见阳，虽困无害。
上不至关，阴气已绝，下不至关，阳气已竭。
代脉止歇，脏绝倾危，散脉无根，形损难医。
饮食内伤，气口急滑，劳倦内伤，脾脉大弱。
欲知是气，下手脉沉，沉极则伏，涩弱久深。

火郁多沉，滑痰紧食，气涩血芤，数火细湿。
滑主多痰，弦主留饮，热则滑数，寒则弦紧。
浮滑兼风，沉滑兼气，食伤短疾，湿留濡细。
疟脉自弦，弦数者热，弦迟者寒，代散者折。
泄泻下痢，沉小滑弱，实大浮洪，发热则恶。
呕吐反胃，浮滑者昌，弦数紧涩，结肠者亡。
霍乱之候，脉代勿讶，厥逆迟微，是则可怕。
咳嗽多浮，聚肺关胃，沉紧小危，浮濡易治。
喘息息肩，浮滑者顺，沉涩肢寒，散脉逆症。
病热有火，洪数可医，沉微无火，无根者危。
骨蒸发热，脉数而虚，热而涩小，必殒其躯。
劳极者虚，浮软微弱，土败双弦，火炎急数。
诸病失血，脉必见芤，缓小可喜，数大可忧。
瘀血内蓄，却宜牢大，沉小涩微，反成其害。
遗精白浊，微涩而弱，火盛阴虚，芤涩洪数。
三消之脉，浮大者生，细小微涩，形脱可惊。
小便淋闷，鼻头色黄，涩小无血，数大何妨。
大便燥结，须分气血，阳数而实，阴迟而涩。
癫乃重阴，狂乃重阳，浮洪吉兆，沉急凶殃。
痢脉宜虚，实急者恶，浮阳沉阴，滑痰数热。
喉痹之脉，数热迟寒，缠喉走马，微伏则难。
诸风眩晕，有火有痰，左涩死血，右大虚看。
头痛多弦，浮风紧寒，热洪湿细，缓滑厥痰。
气虚弦软，血虚微涩，肾厥弦坚，真痛短涩。
心腹之痛，其类有九，细迟从吉，浮大延久。
疝气弦急，积聚在里，牢急者生，弱急者死。

腰痛之脉，多沉而弦，兼浮者风，兼紧者寒。
弦滑痰饮，濡细肾著，大乃肾虚，沉实闪肭。
脚气有四，迟寒数热，浮滑者风，濡细者湿。
痿病肺虚，脉多微缓，或涩或紧，或细或濡。
风寒湿气，合而为痹，浮涩而紧，三脉乃备。
五疸实热，脉必洪数，涩微属虚，切忌发渴。
脉得诸沉，责其有水，浮气与风，沉石或里。
沉数为阳，沉迟为阴，浮大出厄，虚小可惊。
胀满脉弦，上制于水，湿热数洪，阴寒迟弱。
浮为虚满，紧则中实，浮大可治，虚小危极。
五脏为积，六腑为聚，实强者生，沉细者死。
中恶腹胀，紧细者生，脉若浮大，邪气已深。
痈疽浮数，恶寒发热，若有痛处，痈疽所发。
脉数发热，而痛者阳，不数不热，不疼阴疮。
未溃痈疽，不怕洪大，已溃痈疽，洪大可怕。
肺痈已成，寸数而实，肺痿之形，数而无力。
肺痈色白，脉宜短涩，不宜浮大，唾糊呕血。
肠痈实热，滑数可知，数而不热，关脉芤虚。
微涩而紧，未脓当下，紧数脓成，切不可下。
妇人之脉，以血为本，血旺易胎，气旺难孕。
少阴动甚，谓之有子，尺脉滑利，妊娠可喜。
滑疾不散，胎必三月，但疾不散，五月可别。
左疾为男，右疾为女，女腹如箕，男腹如釜。
欲产之脉，其至离经，水下乃产，未下勿惊。
新产之脉，缓滑为吉，实大弦牢，有症则逆。
小儿之脉，七至为平，更察色症，与虎口文。

奇经八脉，其诊又别，直上直下，浮则为督。
牢则为冲，紧则任脉，寸左右弹，阳趺可决。
尺左右弹，阴趺可别，关左右弹，带脉当决。
尺外斜上，至寸阴维，尺内斜上，至寸阳维。
督脉为病，脊强癱痹，任脉为病，七疝瘕坚。
冲脉为病，逆气里急，带主带下，脐痛精失。
阳维寒热，目眩僵仆，阴维心痛，胸胁刺筑。
阳趺为病，阳缓阴急，阴趺为病，阴缓阳急。
癱痹瘕疝，寒热恍惚，八脉脉征，各有所属。
平人无脉，移于外络，兄位弟乘，阳溪列缺。
病脉既明，吉凶当别，经脉之外，又有真脉。
肝绝之脉，循刀责责，心绝之脉，转豆躁疾。
脾则雀啄，如屋之漏，如水之流，如杯之覆。
肺绝如毛，无根萧索，麻子动摇，浮波之合。
肾脉将绝，至若省客，来如弹石，去如解索。
命脉将绝，虾游鱼翔，至如涌泉，绝在膀胱。
真脉既形，胃已无气，参察色症，断之以臆。

余闻濒湖脉诀云：五十不止身无病，数内有止皆知定；四十一止一脏绝，四年之后多亡命；三十一止即三年，二十一止二年应；十动一止十年殁，更观气色兼形症；两动一止三四日，三四动止应六七；五六一至七八期，次第推之自无失。

戴同父曰：脉必满五十动出。自《难经》而脉诀五脏歌，皆以五十四动为准，乖于《经》旨。

柳东杨曰：古以动数候脉，是吃紧语，须候五十动，及知五脏缺失。余见今人指到腕臂，即云见了；夫五十动，岂弹指事耶？故学者当诊问症，听声观色，斯备四诊而无失矣。



卷 三

药性撮要必读



药性撮要

寒性赋 改订

诸药赋性，此类最寒。犀角解泻心胃大热，血毒尤要；羚羊能清肺肝之火，邪热甚妙。泽泻，利水通淋，可补阴不足；海藻散癭破气，而治疝何难！闻知菊花能明目，而清头脑之风；射干疗咽闭，而消肺痈之毒。薏苡理脚气，而除风湿，藕节消瘀血，而止吐衄。瓜蒌子，去壳油，入肺定喘，而且宽中；车前子，止泄泻，最利小便，尤能明目。是以黄柏盐炒，能泻膀胱之火；蜜制，以止虚烦之功，生用，则凉肌而消癣。马兜铃蜜制，润肺定喘，止咳消痰。地骨皮，蜜制收汗，酒洗有除蒸退热之效；盐炒能泻肾火，午后之寒。苏薄荷，消风清肿之施，洗目无翳。枳壳力缓，宽肠破气，孕妇气虚皆忌；枳实力猛，开胸利膈，制法俱同炒面。疗渴解表，葛根为先；退热凉肌，柴胡次之。百部酒炒，杀虫止嗽；梔子盐炒，凉心肾而鼻衄最宜。玄参，酒洗，治胸结热，消痈毒而利咽膈；升麻，发散升提，而除热肿疮痍。

尝闻钟乳石，火煅飞用，入肺止嗽，而敛肛门；金箔姜制，镇心安魂。茵陈酒炒，利水以除黄疸；瞿麦治热淋之瘀血。朴硝通大肠，破血而疗痰癖；石膏理头痛，解肌而消烦渴。前胡竹沥制，开胸消痰，而除内外之热邪；滑石煅飞，而

治六腑之涩结。天门冬治嗽，补血降火；麦门冬润肺清心，治烦解渴，用同去心而入诸补药。

又闻除烦温胆，须用竹茹姜制；通秘结导瘀血，必用生大黄。大黄酒制，润肠而破瘀。川黄连姜制以除痢，酒炒而降火，蜜制而厚肠，炮乳而和血，生用则消毒明目。淫羊藿，疗风寒之湿痹；乳制蜜制，而助阳补阴。茅根，止血与吐衄；石苇，通淋于小肠。熟地黄，补血而疗虚损；生地黄，活血而治毒疮。赤芍破血消毒，眼赤堪疗，胎前忌而产后宜；白芍补虚劳，生新血，通经止痛，胎前宜而产后忌。赤芍、白芍，退热凉肌，破血行血，生用尤奇；补血活血，酒炒最宜。

若乃消肿满逐水，用黑丑米炒；除热毒杀虫，用贯众酒蒸。金铃子，去核酒炒，治疝气而补精血；萱草根，治五淋而消乳肿。侧柏叶，生用能治吐血之效，炒黑可治崩漏之疾。香附子，去毛四制，醋炒通经，酒炒活血，盐炒滋阴，童便理气，男女共用，妇人更佳。地肤子，酒炒理膀胱，可洗皮肤之风疮；山豆根，盐浸解热毒，能治咽喉之肿痛。白藓皮，去骨酒炒，消风除湿，能治疮疥而疗癣；旋覆花，酒制明目治头风，生用疗咳嗽痰壅。又况荆芥穗清头目便血，疏风散疮之用；天花粉（即瓜蒌根）生用，疗黄疸毒痢，制明矾消渴解痰之忧。地榆疗崩漏，止血止痢，炒黑最宜。昆布破疝气，散病散瘤，疗伤寒，解虚烦；淡竹叶，生用之功倍，泻伏火，破瘀血。牡丹皮，酒制之用灵。知母去毛，除头眩而止渴；盐制，治白浊而泻膀胱之火；蜜制，消痰嗽，而除骨蒸之热。牡蛎火煅，治遗精崩带，除嗽止涩，而虚汗收；虚而热者，温病伏脉，生用尤奇。川贝母，去心解肺热；米炒，则消痰止嗽。桔梗泔炒，去膈上之痰，能治咽喉之痛。

若夫黄芩退热，尚有二种：枯芩酒炒，以除上焦之火；条芩生用，以止下痢通经之剂。槐花炒黑，专治肠风痔漏；常山制豆汁，理痰结而治湿疟。葶苈子炒过，泻肺喘而通水气。

此六十六种药性之寒，又考《本草》经，以广其所用，治法俱宜细心精制，庶可为济世之要矣。

热性赋 改订

药有热性，又当详审。欲温中以革拨，用发散以生姜。五味子，止嗽痰，且滋肾水；肭肭脐（一名狗肾），疗癆瘵，更壮元阳。原夫川芎三种，各宜酒洗：川芎，治头入肝，祛风湿而补血；西芎色白，行血活血；抚芎肉赤，止血治崩。续断治崩漏，益筋强脚，酒炒尤良；麻黄表汗，以疗喘嗽，去节更佳；麻黄根节，收汗最奇。韭子助阳，盐制酒炒，专治白浊遗精。川乌，制豆水，破积消痰，入骨搜风。天雄、附子，七制散寒，炮豆水以解毒，煮甘草而顺性，蒸面包以去皮，炒盐水以助肾，浸童便以调气，制姜汁以散风温经，制红酒以补血生精。

观夫川椒（川椒一名蜀椒，用宜须去闭口者，恐能杀人。微炒出汗，取红色者更佳。椒目行水，宜分用之，不可混一）去壳，善能达下，消毒温中。干姜性烈，炒黑暖中，而引血归经。葫芦巴酒炒，能治虚冷之疝气；生卷柏，破症瘕，蜜制而通血脉。白术土炒，消痰破痞温胃，兼止吐泻。石菖蒲（每寸长有九节者佳。市肆上有一种九节菖蒲，经未详释）开心气，去毛切片，制用糯米。桑枝开聪明，定心神，散邪气，治耳聋。丁香生研，快脾胃而止吐逆；良姜，止心痛

之攻冲。肉苁蓉，酒洗毒气，补精益肾；石硫黄，入萝卜，制豆汁，暖胃驱虫。胡椒免制，能去痰而除冷；秦椒（即花椒）盐制，除冷痛而消风。吴茱萸生用，疗心腹冷气之症；盐炒，治疝气；姜制，去冷痰之喘嗽；酒炒，散脾胃之风寒；童便炒，治骨节之冷气；醋炒，治月经之疟寒，命门之脉堪补。灵砂，研水飞过，定心脏之怔忡。

盖夫散肾冷，助脾胃，须用萆澄茄；疗心痛，破积聚，宜用醋制蓬莪术。缩砂仁，去壳去膜，老炒盐炒，安胎化酒食，止呕宽中下气。白豆蔻，去壳膜炒面，专治伤寒下痢。疗痢止痛于乳香，须用竹壳焙过。红豆蔻，止吐酸水，去壳且能醒酒。消瘀杀虫于干漆，惟以炒黑制醋为佳。

岂不闻鹿茸生精血，腰脊崩漏之均补，去鹿毛而制酒，焙乳汁以补血。虎骨制酒制麻油，以壮筋骨，寒湿风邪之并驱。黄檀香，治霍乱，而心气之痛愈；鹿角胶，秘精髓，而补腰脊之痛除。消肿益血于米醋，下气散寒用紫苏。扁豆去膜，酒炒以助脾。气酒（即米酒）有行药破血之用，红酒（即糯米酒）有活血温补之功，苦酒（即米醋）有理气壮骨之灵。麝香通关窍，入骨节以消风。葱白带根，退太阳头痛，为通中发散之需。

尝闻五灵脂，醋制治崩漏，理气血之刺痛；麒麟竭（即血竭）止出血，疗金疮之折伤。当归酒洗分三用：头，止血而上行；身，养血而温中；尾，破血而下流。乌贼骨（即海螵蛸），去壳止痛，醋焙且治崩漏之疾，赤白目翳。乌梢蛇，取脐上之无毒，除头以消风，疗去疮疡之风疹；白花蛇，治瘫痪，而除风痒之癩疹。酒制豆制，两蛇俱同。乌药酒炒，消风顺气，除冷之最宜。禹余粮煅用，乃疗下痢崩漏之因。巴

豆去壳油，泻不损人，有消痰破积之功，除冷疏通之义。独活酒洗，消风除湿，疗诸血不论久新。山茱萸（一名枣肉）去核酒制，养肝血而理头眩，遗精梦泄之药。白石英火煨醋制，治咳嗽肺癰吐脓之人，并益妇科。川朴姜制，有温胃除胀之功；代赭石火煨，乃镇肝退逆之剂。是以沉香（有生熟二种），下气止痛，消痰补肾，降痰喘以消风。橘皮去白，盐水姜制，开胃消痰。肉桂行血，而疗心痛，止汗如神；鲫鱼温胃，而治久痢，其功更大。

此六十四种药性之热，皆宗雷公之法制，参考《本草》而取用焉。

温性赋 改订

温药总括，医家素谙。木香生用，止肚痛而理乎滞气；半夏姜制，治呕吐而主乎冷痰。苍术泔浸，燥脾去湿，治目盲出泪；萝卜子，炒去油，下膨胀之气，专解面毒除痰。况夫钟乳粉，补肺气，兼疗肾虚；青盐（即淮盐）免制，治目痛且滋肾水。淮山，制乳汁，固精补肾，而腰湿可治；阿胶，炒蛤粉，能治虚癆痰嗽。制蒲黄而衄痢皆去，兼止崩漏之因。赤石脂，止血生肌；白石脂，理浊治精。阳起石，火煨醋制，暖中宫而壮阳，更疗阳痿。诚以紫苑蜜制，补肺消痰，除癆嗽而止血。防风去芦，以除身上诸风；苍耳子去刺，透脑止滞，而疮癣尽愈。威灵仙酒炒，驱风通气，而治腰要药；细辛，去头风，而疗齿痛。艾叶，醋制安胎，治崩漏而医痢红。羌活，明目治头风，除筋挛肿痛；白芷，去头痛，止崩治肿，疗痔漏疮痛。

若乃红蓝花（产西藏者，曰红花，其力尤胜）通经，治产后恶血之余；刘寄奴散血，疗汤火金疮之用。除风湿之痛，则茵芋叶、芋头；疗肿毒之疮，则骨碎补，以酒炒，功能接骨，金疮杖伤可愈。藿香叶，辟恶气，而霍乱三脘皆通；草果仁，炒过，温脾胃而止呕吐。巴戟天，去心酒制，补肾去风，助阳益精，治五劳七伤散风湿，而脚气水肿可愈。

尝闻款冬花润肺，蜜制消痰嗽以定喘；肉蔻炮面，温胃止泻，除霍乱以助脾。抚芎，走经络之痛。何首乌，切片九制豆汁，可补肝肾，调和气血，涩精气，化虚痰，能消疮痔痈肿，兼止崩带，堪为滋补良药。姜黄，能下气破恶血，杀虫而消肿毒。枸杞，消水肿之施，能行十二经以除湿热。藁本酒炒，善除头风，又为妇人通经之用。仙茅去毛，红酒炒过，主扶男人肾气之衰。独是破故纸四制补命门：蒸乳汁以暖丹田，制米酒以壮元阳，浸童便以缩小便，炒盐水以除寒嗽，而肾冷、腰痛、火衰、泄泻者最宜。杏仁，带皮尖炒研，发散消毒；去皮油能降气行痰，以除喘嗽。小茴盐炒，治疝气肾痛之用；大茴，生用补命门阴肿之需。诃子，去核蜜制，生津止渴，理血开声，兼疗滑泄之病。秦艽酒炒，攻风逐水，拘除肢节之痛。扁槟榔，宽中下气而止痢；尖槟榔，豁痰逐水而杀虫。杜仲姜制，补肾益精，而除腰脊之痛；橘核酒炒，壮腰补肾，而治疝气之癖。

至于紫石英，火煅醋制，暖宫补血，而止崩漏之疾；金樱子，去刺除核，盐制酒炒，分小便而止梦遗之疴；紫苏子，炒，化痰涎而下脏腑之气；淡豆豉，泻肾毒，而发伤寒之表。大蓟破毒疮而止血，止血必须炒黑；小蓟治吐衄而治淋，治淋又当生用。益智子去壳盐炒，补心气命门之不足，治泄精

与小便之频数。火麻仁，润肺，利六腑之燥坚。抑又闻黄蓍生用，能托毒排脓；蜜制，则补虚盗汗收。金狗脊，去毛酒蒸，则强腰脚而壮筋骨。菟丝子，酒炒补肾以明目；马蔺子（一名蠡实）盐制，治疝气而除冷痛。

此五十五种药性之温，皆遵本草之法，合参雷公之制。

平性赋 改订

详论药品，平和性存。以卤砂有烂肉之功，信石（一名砒霜，有红白二种）有劫夺之情，其性强暴，此非平和之药也。就以冰片（一名龙脑）治惊痫痰迷之用，樟脑亦蛀去疮之施。青皮去穰醋炒，破积气而除膨胀，止肚痛而利脾胃。陈皮去白，制法有四：浸童便以调气，制姜汁以消痰，制盐水以开胸，制米酒以清脾，能除痰嗽诸疾。芡实益精，治白浊而补真元。

观夫木贼草去节，生除目翳，黑止崩漏；花蕊石火煨，专治金疮，能止血止痢。石决明火煨，和肝明目，以除内障外障；天麻酒煮姜制，温胃而除头风，保儿童而理五痫。生甘草，和诸药而解毒，蜜制温脾，通经络而和气血；金钗斛（产霍山者最优，曰霍山石斛，其力尤胜，价值极贵。）酒制，平胃气而补肾虚，更治脚弱痹风。

原方商陆，姜制而治肿；覆盆，酒炒以益精。琥珀安魂定神，治五淋而利小便；朱砂除热解肌，镇魂魄而泻心邪。牛膝酒制，强脚补精，壮元阳以疗腰痛；龙骨镇惊，火煨醋注，止自汗而治崩带滑脱。甘松理风气，而止疝痛；蒺藜，去刺酒炒，疗风疮以明目。人参润肺宁心，开脾助胃，退虚热而

收冷汗，通血脉而止渴饮，水泻多服，寒热并用。蒲黄生用，性滑行血，消瘀通经，利小便而祛膀胱之热；炒黑性涩，能止一切血崩，并搏损伤诸肿。

岂不以天南星姜制而除湿痰，生则有毒，又能拔毒；胆南星坠风痰而退惊。京三棱，醋制破积血以除症瘕，通结气而散块疼。皂角去弦蜜制，治风痰甚响应；生研吹鼻，通关开窍之赫灵。桑螵蛸醋煮，通五淋，缩小便，能止遗精之梦泄；白毛鸭，能补阴止嗽，而治水肿胀满甚效。鸭头血，救中恶溺死，可解砒霜丹毒如神。蛤蚧，去头足鳞目，蜜制可补肺定喘，酒炒能助阳益精，治肺痿衄血，而止癆嗽。牛蒡子酒炒，利咽膈，理痰嗽，能散十二经疮疡之毒。全蝎酒洗，以治诸风惊痫。酸枣仁，定心神，以疗怔忡，生食则醒，炒服则眠。

尝闻桑寄生，益血安胎，能补筋骨而散风湿。大腹皮，酒洗毒气，下气行水，能去肿胀。远志去骨，甘草水浸，俱有宁心之妙；木通生用，猪苓去皮，同为利水之资。莲子去皮心，有补脾涩精之用；莲心苦寒，能清心去热之功。没药生肌，有十二经消肿定痛之妙；郁李仁泡去皮，破血润燥，治水肿之疾。白茯苓，去皮木，宁心益智，除惊悸之疴；云茯苓，补虚癆，多益心脾之有准。赤茯苓，除湿热，独利小肠之无穷；茯苓皮，通行水，专治水肿之胀溢。

至于土茯苓，祛热湿，正为外科疮毒之要药，而施治何难？因知麦芽炒赤，有开胃健脾消乳之用。小麦微寒，有养心除烦之功；浮麦炒过，能止虚盗汗收。白附子，豆煮姜炙，去面风之游走。大腹子性涩，功同槟榔，而治水肿。樗根白皮（释名臭椿根皮），醋炙入血分，而治久痢滑精崩带诸症；

椿根白皮（释名香椿根皮），施治虽同，其力逊之，而妇人更佳；桑根白皮，生用蜜炙，泻肺行水，止火嗽而清痰。桃仁去皮尖，破积血能通大肠。神曲，消积滞而进食。五加皮，坚筋骨而立行。柏子仁，炒去油，养心神而有益。

抑又闻安息香，辟邪气，能安神而去祟；冬瓜仁，醒脾胃，补肝肾而明目。白僵蚕，取直者，泔浸姜制，能除痰结，兼理诸风之喉痹。苏百合（产南京者最佳），润肺止嗽，二便皆通；赤小豆，解去热毒，癰疮水肿皆用。枇杷叶去毛，炙蜜与姜，热咳呕逆可医；连翘，排疮脓与肿毒，亦为十二经疮家之圣药。石楠叶酒炒，壮筋骨而除风痹。养脾温胃，须用谷芽；消积杀虫，最宜阿魏。紫河车，初取洗去血筋，先用竹刀削破；初制明矾，次制甘草，三制红酒（即糯米酒），补血补肾，痰火皆除。然而鳖甲，炙醋与童便，治骨蒸而除温疟。龟板醋炙与米酒，补肾阴而疗疟疾。竹沥清淡，治中风与口噤；乌梅和咽，能杀虫而止渴烦。

此七十四种平和之药，俱从《本草》搜求，依雷公精制，庶为得矣。

余读李东垣先生所编雷公炮制药性寒、热、温、平四赋，共二百四十八味，其间不无遗漏，或久传失真，抑残编疑补，两者必居其一。诚恐初学误会，贻害非轻，故凡素所涉历而知之真者，谨为删补，增多十一味，总计二百五十九种，字句颇有出入。其炮制主治，亦非岛三一人之私言，乃采集神农圣经，与各家本草之精英，而参以己意者。学者倘能举隅反三，于有删补之药，推及到炮制之法，识药辨性，

可过半矣。后再另行续编，以扩前闻而诏来哲，愿海内高明之家，各出新知，匡余不逮，实岛三之幸也。

药性四赋续编

续论药性，医家须知。西洋参，性微寒，补肺降火，生津液除烦倦，糯米饭蒸，而入诸补药，为用至广。高丽参，性甘温，补阴清火，制法虽同，其力尤胜。更有辽边参、伪高丽，味甘气薄，力不及尔。防党参生津，虚用以调补，甚为平妥。北沙参，性平淡，能治肺热咳嗽；南沙参，补阴火，施治亦同。空沙参（一名甜桔梗，又名荠苳）性寒能利肺，解百药毒，而消渴咳嗽可医；东洋参（出日本，故名）性平淡，无力之家以代诸参，亦颇有效。又有各种参须，气味尤薄，不过得参之余气，危险之症，断难依赖。近来参类甚多，亦难枚举，惟人参最为可贵，前论已详言之，今不复赘。由此观之，诸参性皆微寒，实属清润之药，每见医家，不论虚实寒热，妄用高丽洋参为首领。李岛三曰：以此惑人，庸甚矣，全不明神农本草之旨，何哉？

夫补益之品，於术之功倍，糯米泔浸，借谷气以和胃；东壁土炒，借土气以助脾，功难尽述，产于於潜者最佳，今甚难得。黄精甘温，九蒸九晒，安五脏填精髓，可除风湿。戴蕤（一名玉竹）蜜炙酒蒸，用代参地，不寒不燥，大有殊功。锁阳甘温滑肠，能兴阳而治痿弱；白芨补肺，逐瘀生新，可敷恶疮痈肿；三七（一种田七）甘温，散瘀定痛，能治金疮血症；丹参气平，生新去瘀，属为妇科要药；苦参大寒，糯米泔浸，泻湿热，除痈肿，专治麻风疥癩。胡黄连苦寒，以

治小儿潮热五疳等症；紫草茸酒炒，凉血活血，利九窍，通二便；白头翁酒炒，泻热凉血，敷秃疮可治热痢。白前去头须，甘草水浸，下痰止嗽，治肺气壅实；白薇，亦去头须酒洗，血热相宜，为正阳明冲任之药也。

尝闻保肺益肾，止血化痰，须用冬虫夏草；除风去痹，利便通经，可服王不留行。延胡索辛温，酒炒活血，醋炒止血，能散上下内外诸痛。锦地罗，浸酒，能解瘴毒山岚；水仙根生用，可治痈疽骨哽。泽兰叶苦甘，通九窍，利关节，破瘀血，消症瘕，若无瘀者不可轻投。马兰生用，其功不异；郁金姜炙，能散肺肝之郁，兼治妇人经脉逆行。东波薏辛香，治胃脘痞满者最宜。蛇床子辛苦，补命门去风湿，煎汤浴止风痒。三奈（一名山奈）辛温，宣中辟恶，能治心腹冷痛。旱莲草酸寒，益血凉血，能黑须发。青箱子苦寒，能除风热，治一切目疾。决明子甘平，泻肝明目，可除青盲内障。沙苑炒用，补肾明目，亦可代茶。茺蔚子（即益草子）微炒，调经明目，治胎产崩带，令人有子。夏枯草微寒，散结消痈而明目。青蒿穗，除骨蒸，能清暑气；紫花地丁，泻热解毒，能疗痈疽瘰癧，其效如神。

马鞭草，苦寒而杀虫，破血通经，而阴肿可愈。灯芯轻通利水，治五淋而消水肿。冬葵子甘寒，行津液下乳滑胎最良。海金沙性寒免炙，泻湿热可通五淋茎痛。大青大寒兮，能解心胃热毒；小青小寒兮，可疗时疾发痧。青黛性凉，能散五脏郁火，兼疗下焦热蓄。淡芦根止呕，专为伤寒烦热之用；豨筴草酒蒸九次，宜去风湿，疗筋骨疮疡之症。木棉子性毒，可治恶疮疥癣；鸡冠花甘凉，赤白带下分用，能止痔漏肠风。雪里青，泻热，治咽喉急闭；万年青，捣汁泻热，解癫犬咬

伤，效验最灵。

抑又闻聪慧先知，久服不老者，莫如耆实，列之上品。芭蕉根，捣汁生用，消一切痈肿热毒，敷用尤奇。苎麻根，捣汁通淋，煎汤可洗肛门肿痛。败酱草，专治痈肿排脓；酸酱草（一名灯笼草）能化痰而清肺。藜芦辛寒，能引吐而杀虫。大戟、芫花与甘遂，性皆苦寒，专治十二经水肿之霸药；续随子（一名千金子）去壳油，能行水，破症瘕，其力亦霸。蓖麻子，善收走，捣烂可敷肿毒，外用颇奏奇功。鹤虱炒过，能杀五脏之虫。山慈菇，性微辛，去毛壳以和醋，能消痈疽疗肿。木鳖子（一名番木别）去壳油，专入外科治疮之用。马前子，去膜，疗喉痹与狗毒；急性子（即凤仙花子），软坚，治难产积块，又能通窍。生烟叶，宣辟秽而杀虫。白藜，生肌止痛，可治痈疽疮肿；蔷薇根，泻湿热，治法尤同。天仙藤（一名青木香）苦寒凉血，治妊娠水肿。薤白（即藇子）下气调中，胸痹堪疗。白芥子（赤白二种）辛温，入肺豁痰，下气而宽中。老生姜，通神明，去秽恶；姜汁开痰，姜皮行水，煨姜止呕而和营卫，最为平妥。马齿苋，泻热散血，可治赤白下痢；生竹笋，甘寒爽胃，消痰而化热。落苏（一名茄子）寒泻，宽肠散血，动风发病，蔬圃中惟此无益。盖瓜类最多，不胜能尽录，总不外清热利水之品，性多寒泻，亦有凉血解毒之功。胡麻甘平，益肝肾而润五脏。黑大豆，补肾而解毒；黄大豆，宽中利大肠；白饭豆，补五脏而调中；绿小豆，清热能除烦。饴糖，甘温，补中益气，润肺化痰。自然铜，火煅醋淬，能续筋骨而散瘀疼。密陀僧有小毒，散肿消积而杀虫。水银劫夺，杀虫堕胎而绝孕，能消五金之毒。银朱有毒，破积滞而祛痰，兼疗疥癣。雄黄辛温，杀百毒可辟

鬼魅。禹余粮入血止分，咳逆下痢血闭。炉甘石，火煅淬童便，治目疾之效灵。

无名异，醋磨，止痛生肌，治金疮肿毒。青礞石，火煅，改顽痰癖结如神。石蟹醋磨，能消青盲目翳。元明粉，泻热润肠而软坚。伏龙肝（即灶心土），调中止血而消肿；松烟墨止血，可点飞尘入目。白燕窝，大养肺阴，化痰止嗽，为癆瘵之妙品。夜明砂（一名天鼠矢），淘净入血分，能去目翳；明月砂（即白兔屎），杀虫治五疳，亦能明目。白丁香（即麻雀屎）微毒，甘草水浸，能消目翳胥肉。牛黄甘凉，清心解热，利痰凉惊，入脏之效无穷。象皮外用，敛金疮长肌肉之功速。熊胆，泻热明目而杀虫，可治惊痫；蝉蜕，去翳足，治小儿惊痫夜啼。水蛭、虻虫去翳足，炒出毒气，功同破血；露蜂房有毒能解毒，敷痈疽瘰癧之用。五倍子敛肺，止嗽化痰而涩汗，洗外疮之效奇。斑蝥大泻，以毒攻毒，内外兼用，能蚀死肌，可拔疗肿。海马性淫补肾，房中方术多用之。龙齿火煅醋淬，镇心安魂，治大人癫疾，小儿惊痫之疴。真珠泻热定惊，可点目去翳，施治功同龙齿。

金汁、人中黄，甘寒入胃，大解五脏实热；童便、人中白，降火清瘀，能助药力通行。秋石补肾水，润三焦，为滋阴降火之药；乳汁润五脏，补血液，可点目疾之需。茜草色赤，行血止血，消瘀通经；凌霄酸寒，破瘀血，除症瘕，女科多用之。使君子去壳膜，治五疳，为小儿诸病要药；紫浮萍辛寒，发汗行水，而去风热。海带、海苔，性皆咸寒，能消癭瘤；马勃辛平，外用敷疮，而内治喉痹。松香甘温，去湿化毒，故外科取用极多。辛夷去皮毛，通九窍，鼻症最宜。

然辛香之品，莫如白檀香，和血定痛，可敷金疮。降真

香，止血生肌，施治俱同。芦荟苦寒，功专清热而杀虫。槐角寒苦，能清肝热，又治痔痢肠风。秦皮性涩，故治崩漏下痢。棕榈性同，烧黑止血。海桐皮入血分，而腰膝顽痹堪疗；夜合和心志，令人欢乐。芫荽辛散，消积化食而杀虫。大风子辛热，去壳去油，有杀虫祛毒之功。楮实酒蒸，能消水肿；蕤仁去皮尖，消风热而通目翳。女贞酒炒，益肝肾而明目；蔓荆子味辛，通九窍而除头脑之风热。木芙蓉，花叶并用，可敷一切痈疽肿毒；枸橘叶辛温解毒，治下痢血滞与排脓。蜜蒙花微寒，润肝明目，能去膜翳；天竺黄，泻热豁痰，功似竹沥。雷丸去黑皮，甘草水浸，能消积而杀虫。

甜杏仁，乃为膏粱之品，不堪入药；而梨之种类甚繁，皆能润肺清痰，产山东省尤胜。柿饼润肺清咳，止呃逆须用柿蒂。姜黄理气，止呕健脾而进食，陈久者良。石榴皮性涩，止血疗久痢脱肛。白果敛肺，去浊痰能定咳喘。胡桃仁去油，利三焦，补命门，壳能敛涩。荔枝核甘温，故治癰疽卵肿；龙眼肉补心脾，疗健忘与怔忡。榧实子去壳膜，疗痔消积与杀虫。枳椇子（一名鸡矩子）止渴除烦，润五脏而解酒毒。落花生润肺补脾，须宜炒过。岩茶叶泻热清神而消食。瓜蒂，甘寒有小毒，可宣涌吐。石莲子苦寒，清心除烦，专治噤口下痢；白莲叶助脾胃而治血衄。荸荠甘寒，泻热消积，功能毁铜。浙贝母（产宁波象山者为胜，故曰象贝）性苦寒，去心炒过，解上焦肺胃之火，疗喉痹与瘰癧，清降之功倍。矿石灰性辛温，治外科一切疮疡恶毒，能消黑子息肉，止金疮出血为最灵。金银花（释名忍冬）性小寒，消热毒，亦为外科内服之要药。化橘红（产岭南署中，惟此一株，甚难得）治痰疾，消油腻谷食，可解蟹毒，能醒酒而宽中。冬桑叶味苦

甘寒，除寒热出汗，治劳热咳嗽，去风蒸通关节，兼洗赤目而消风。罌粟壳，味酸涩而微寒，专止泻痢与脱肛，敛肺涩肠，止心腹筋骨与诸痛。血余（释名乱发）味苦微温，主五淋疗转胞，治小儿斑疹、重舌、燕口、吻疮、惊啼、眩晕、鼻衄，及一切血症，而施治皆同。

总而言之，本编所续，凡一百七十八种，补前人之未详，为后学之阶梯，于世所要用之品，庶几备矣。前赋之作，汇集圣经，不过二百四十八味，厥功甚伟，而炮炙主治，非其所长，亦四性之缺陷也。岛三识学浅陋，兹所续补，搜罗《本草》诸经，研究主治诸法，颇尽详备。有志诸君，若能细心体察推敲，其于医道未尝无小补云。

药性炮制解义

嘉谟曰：制药贵在适中，不及功效难求，太过则气味反失。火制有四：煨、煨、炙、炒也。水制有三：侵、泡、洗也。水火共制有二：蒸、煮也。酒制升提，姜制温散，入盐走肾而软坚，用醋注肝而敛痛。童便制，除劣性而降下；米泔制，去燥性而和中。乳制注枯生血，蜜制甘缓益元。东壁土制，借土气以补中焦；面煨曲制，抑酷性勿伤上膈。乌豆、甘草汤渍，并解毒，致令和平；羊酥、猪脂涂烧，咸渗骨容易脆断。去穰者免胀，抽心者除烦。诸子宜炒，皆因口闭而未发生；诸仁宜碎，恐发生太过而纵其性。此制治各有所宜也。

诸药主病赋

诸药主病，各有不同。中风不语，细辛、皂角，开关取嚏，痰涎壅盛，南星、牛黄，分治为功。钩藤、秦艽，能止手足抽搐；防风、羌活，可治身上诸风。左瘫属血虚，芎、归难免；右痪属气弱，参、术可充。伤寒头痛兮，芎、芷与藁本；感冒身疼兮，羌、独与防风。

尝闻干葛、柴胡，能解表热；黄芩、黄柏，里热堪尝。疏解用荆芥、薄荷，发汗用桂枝、麻黄。表虚地骨与芍药，甚者则用黄耆方。大热谗语，不外三黄、栀子；发狂里实，须

用朴、实、硝、黄。闻之止烦渴，干葛、麦冬、天花粉；理虚烦，竹叶、石膏、酸枣仁。胸隔膨闷，枳壳、桔梗；发黄五疸，梔子、茵陈。儿茶、玄参，消发斑之用；附子、肉桂，回阳气之功。

又闻中湿者，苍术、白术；伤暑者，扁豆、香薷。泻心肺之火，芩、连堪用；清脾胃之热，膏药要需。肾火惟知柏，肝火用柴胡，屈曲之火用梔子，无根之火玄参驱。内伤元气，参、芪、桂、附、炙甘草；脾胃虚弱，苓、术、山药、莲子须。何况消食积，麦芽、神曲；除肉积，草果、山楂。久积，三棱、莪术；酒积，枳椇、葛花。解六郁，香附、苍术之功尚；除湿痰，南星、半夏之堪夸。热嗽，桑、贝；寒嗽，杏、麻；气喘，陈皮、苏子；久嗽，五味、冬花。

又况截疟，常山、草果；呕吐，丁香、藿香；泄泻，诃子、肉蔻；里急，木香、槟榔最妙。初痢宜下，硝、黄可用；久痢气虚，苓、术堪尝。吐酸，神曲、吴茱、苍术；顺气，乌药、香附、沉香。且夫除胀满，腹皮、砂仁、厚朴；积在右为食伤，香附、枳实可攻；积在左为死血，桃仁、红花可破。消水肿，猪苓、泽泻、木通。芎、归、芍、地，补血之品；参苓、术、草，补气之雄。破血归尾最妙，提气升麻甚工。止吐衄，京墨、侧柏、蕲艾、生莲叶；除血淋，梔子、琥珀、滑石、小木通。

若谓定神者，茯神、远志、辰砂；消毒者，银翘、皂刺、土茯。腰痛兮，杜仲、破纸；脚弱兮，木瓜、牛膝。除目障，谷精、木贼、及蒙花；疗腹疼，白芍、五灵、延胡索。茴香、川楝子，疝气堪医；青皮、龙胆草，胁疼可卜。桂枝治痹疼神功，竹茹止虚烦甚速。盖以除结核，莫如夏枯草；疗咽痛，

孰若山豆根。治遗精，龙牡、莲须、芡实子；医便血，地榆、槐花、黄连吞。妇人难产，归、芎、血余、龟板入；恶露不行，芎、归、姜、草、桃仁存。经闭者，桃仁、红花兼苏木；安胎者，白术、砂仁、条芩尊。

尝谓绿豆、甘草，可解砒霜之毒；水银、轻粉，能杀疮疥之虫。犀角、羚羊，清肺之热；牛膝、薏苡，理脚气之功。藕节去热而止吐衄，菊花明目而清头风。金箔镇心安魄，薄荷散肿消风，牵牛胀满可却，茅根血淋可通。白癣皮疗足顽痹，荆芥穗活血疏风。葶苈，泻肺喘利水；槐花，治痔痢肠风。是以五加、续断，益筋强脚；仙茅、枸杞，补元兴阳。胡椒去痰除冷，生姜止呕散寒，鹿茸生精补血，虎骨壮筋助阳，川椒温中达下，麝香开窍通关。酒有行药助气之力，葱为通中发汗之强。蕲蛇，理瘫痪风癰；川乌，搜筋骨痹顽。萝卜、腹皮，功专消肿；姜汁、竹沥，最能除痰。

且夫紫苑、阿胶，止血疗嗽；菟丝、苁蓉，补肾添精。灵仙、走马胎，风气可用；石斛、苍耳子，瘰癧堪烹。首乌，益精黑发；蒲黄，补肾调经。若以决明治眼，天麻去风，巴戟天可补肾治疝，尖槟榔能下气杀虫。桑寄生理脚气软弱，白附子去头面游风。连翘，排疮脓肿毒；石楠，治筋弱痹风。紫河车大补气血，乌红枣脾胃和中。浮麦收冷汗，乌梅止咽虫。莲子清心醒脾胃，桃仁破血通肠风。益智止小便之频数；麻仁利六腑之燥风。知母、丹皮，治骨蒸之热；滑石、瞿麦，通五淋之功。

总而言之，急则治其标，缓则治其本，虚则补其母，实则泻其子，又在学者之善用焉。

药性相反相忌歌

相忌者，言两不可合也；相反者，言忌彼之毒也。

详言药性相忌反，君须切记知原因。
人参芍药与沙参，细辛玄参性苦辛苦。
丹苦二参并前药，[1] 一见藜芦便杀人。[2]
及菝两般并半夏，[3] 更同贝母与萎仁。[4]
莫见乌头与附子，诸般相反害非轻。
大戟芫花遂海藻，[5] 性违甘草莫相亲。[6]
绿豆解毒反樗子，夏蒲同反羊肉珍。[7]
乌枣黄连与桔梗，性反猪肉不相均。
荆芥又为鱼蟹反，[8] 砒霜磁石畏水银。
蜂蜜忌同葱薤蒜，数者合烹能杀身。
葱鱼二味忌乌枣，芫鳖同煎毒绝伦。
石脂忌桂茯忌醋，[9] 犀角忌盐气不纯。
榴柿桑皮益母草，[10] 铁铜皆忌不亲邻。
丁沉肉桂槟榔子，性属刚干忌火薪。
详陈忌反诸般药，以便学医作问津。
治症苟能按脉法，变通调制效如神。

注：

[1] 非独此五参，即高丽参、洋参、党参等同反。

[2] 以上诸药皆反藜芦，不可同用。

[3] 即白及、白菝。

[4] 即川贝、浙贝、瓜蒌仁同反乌头、附子。

[5] 即甘遂、海带、海苔、海藻同例。

[6] 以上诸药同反甘草，不可同用。

[7] 半夏、菖蒲同反羊肉。

[8] 诸鱼同例。

[9] 赤白石脂忌肉桂，茯苓忌酸醋。

[10] 即石榴、柿干。

药性相畏相恶歌

相畏者，言受彼之制也；相恶者，言夺我之能也。

硫磺原是火之莹，	牙硝一见便相争。
巴豆性刚最为上，	斑蝥大黄不顺情。
大黄性下藜芦逆，	势如强寇遇雄兵。
丁香勿与郁金见，	附子畏于紫石英。
绿豆羊血畏砒石，	最贵人参畏五灵。
紫苏川椒畏牛膝，	远志畏草不相宁。
丹参之性畏巴戟，	羌花赤石莫同烹。
常山又忌葱茶叶，	杏仁白及畏相迎。
石膏川椒畏龙骨，	丹参贝母畏同行。
秦艽贝母畏相见，	秦艽又畏牛乳清。
黄芪性畏玄参见，	紫苑茵陈畏合合。
丹参巴戟性相畏，	相畏归蒲宜细衡。[1]
黄连性畏冬花膝，[2]	胶畏大黄味不清。[3]
胆草白及畏桔梗，	牡丹黄芩畏要明。
相畏相忌尤相助，	半夏畏姜姜制平。
葱蒜术参恶乳石，	石膏乌头恶蔓荆。
参类前胡恶皂角，	沙参龟板性争腾。
杞桔防风恶枣肉，	雷丸干葛尤相惊。
干姜草薢两般药，	同恶防风相抗衡。

牡蛎麻黄两味药， 矾石恶同如炭冰。
若非妙达精微者， 忌知相克能相生。
畏恶之中兼忌反， 学医用药要详评。

注：

[1] 当归性畏菖蒲。

[2] 即牛膝。

[3] 胶，即阿胶。

妊娠服药禁忌歌

妊娠禁忌诸般药，俱载本草药性中。
硼砂干漆蟹爪甲，乌头附子与天雄。
斑蝥牛膝牡丹桂，水银枳实与蜈蚣。
大戟芫花海带藻，三棱蝉蜕与桃红。
一切硝石冬葵子，甘遂牵牛与木通。
南星半夏蓖麻子，瞿麦丹风与大风。[1]
巴豆大黄皂角子，郁金水蛭与虻虫。
麝香贯众瓜蒌子，乳香血竭与然铜。
三七泽兰大小蓟，茜草槟榔与杏同。
留行蒲黄芭蕉笋，姜炭麦芽与术蓬。
茄子寄奴白兔屎，苏木朱砂性亦冲。
诸般险恶损胎药，不可轻投而乱攻。
临症若能遵法治，调和禁忌有神工。
雷敦先生卅八味，搜罗增补敢夸功。

注：

[1] 即大风子。

余阅东垣先生所著十八反、十九畏及妊娠服药禁忌等歌，反复详考，缺点颇多，恐医者误用，为害不浅。故搜罗《本草》，采摘诸药，增补纂辑，集韵成歌，以便学者记诵，而知药有反忌畏恶之情，颇为详备。不见夫胡洽百病方乎？其治痰癖也，则用十枣汤加甘草；李东垣治瘰癧结核、马刀，则

海藻、甘草并用。朱丹溪治癆瘵，莲子饮且与芫花同行。仲景治心下留饮，亦甘遂与甘草并需。凡此皆取其相反以立功。余所谓畏、恶、反、忌云者，非谓其禁用也。要之，医理精微，神而化之，是在学者达者，随时变通，因症投药，随时皆可立效，亦不可拘执常法云尔。

治症用药大纲歌

虚者治宜用补养，[1] 壮人清热兼消风。[2]
外感须当疏发药，[3] 内伤切要补中宫。[4]
阳症发狂承气下，[5] 阴寒久冷用温中。[6]
暑伤吐泻香薷散，[7] 下痢肠风解毒雄。[8]
时疾尤宜解毒法，[9] 伤寒温病治非同。[10]
伤寒脉紧麻黄剂，[11] 温病尺强小便红。[12]
七情诸病宜开郁，[13] 虚症五劳不可攻。[14]
治疟除痰病必愈，[15] 四时不正藿香冲。[16]
治肿最宜利小便，[17] 治痰清血有奇功。[18]
镇惊治痢降痰气，[19] 治血气调为上工。[20]
女科六合逍遥例，[21] 小儿补土兼驱虫。[22]
胎前虽冷欲凉血，[23] 产后有热须归芎。[24]
病药切要分明辨， 加减临时在变通。
此为治症大纲领， 能参色脉效无穷。

注：

- [1] 阳虚，如保元、十全之类；阴虚，如六味，八味之类。
- [2] 如甘露饮之类。
- [3] 如九味羌活汤、香苏饮之类。
- [4] 如真武汤、参苓白术散之类。
- [5] 如阳明症用三承气汤之类。
- [6] 如理中汤、六君子汤之类。

- [7] 如香薷饮与清暑益气汤之类。
- [8] 如木香槟榔丸加银花之类。
- [9] 如银翘散、荆防败毒散之类。
- [10] 温病初伤从太阳用桂枝汤。
- [11] 无汗，用麻黄汤；有汗，用桂枝汤。
- [12] 温病尺脉热小便赤为别。
- [13] 如越鞠丸、六郁汤之类。
- [14] 阴虚劳伤不可用攻下之剂。
- [15] 如小柴胡汤、平胃散、二陈汤之类。
- [16] 如霍香正气散之类。
- [17] 如五苓散、实脾饮之类。
- [18] 如苏子降气汤、二陈汤之类。
- [19] 如青州白丸子、龙齿、朱砂之类。
- [20] 如补中益气汤、归脾汤之类。
- [21] 如海藏六合汤、逍遥散之类。
- [22] 如参苓白术散、肥儿糕之类。
- [23] 如生四物加黄芩、白术之类。
- [24] 如生花汤、芎归汤之类。

疗 病 式

夫医家欲疗病，必先察其源，先后病机，五脏未虚，六腑未竭，血脉未乱，精神未散，服药必活。若病已成，可得半愈；病势已过，命将难痊，此疗病之式也。

三不治，六不治

仓公有言曰：病不肯服药，一死也；信巫不信医，二死也；轻身薄命，不能将慎，三死也。

扁鹊曰：病有六不治：骄恣不论于理，一不治也；轻身重财，二不治也；衣食不能适，三不治也；阴阳并藏气不定，四不治也；形羸不能服药，五不治也；信巫不信医，六不治也。有此一者，则重难治也。

药性十论

药性五色五味属五脏论

夫药色青味酸者属木而入肝，色赤味苦者属火而入心，色黄味甘者属土而入脾，色白味辛者属金而入肺，色黑味咸者属水而入肾。此五色五味属五脏之义也。

至于酸者，能涩能收；苦者，能泻能燥能坚；甘者，能

补能和能缓；辛者，能散能润能横行；咸者，能下能软坚；淡者，能利窍能渗泄。此五味之能，附明于此也。

药性阴阳论

夫药有寒、热、温、凉之气，酸、苦、辛、咸、甘、淡之味。气无形而升故为阳，味有质而降故为阴。气厚者，为纯阳；气薄者，为阳中之阴。味厚者，为纯阴；味薄者，为阴中之阳。气薄者，能发泄于表；厚者，能发热。味厚者，能泄于下；薄者，能通利。辛甘发散为阳，酸苦涌泄为阴；咸味涌泄为阴，淡味渗泄为阳；轻清升浮为阳，重浊沉降为阴。清阳出上窍，谓耳、目、口、鼻是也；浊阴出下窍，谓前后二阴是也。清阳发腠理，浊阴走五脏；清阳实四肢，浊阴归六腑。此药性阴阳之义也。

药性升降浮沉论

夫药性轻虚者，浮而升；重实者，沉而降。味薄者，升而生，故象春也；气薄者，降而收，故象秋也；气厚者，浮而长，故象夏也；味厚者，沉而藏，故象冬也；味平者，淡而成，故象土也。气厚味薄者，浮而升；味厚气薄者，沉而降。气味俱薄者，可升可降。酸咸无升辛甘无降。寒者无浮，热者无沉。此升降沉浮之义也。

药性相从论

夫质之轻者，上入心肺；重者，下入肝肾。中空者，能发表；内实者，主攻里。枝者，达四肢；皮者，达皮肤；为心为干者，内行脏腑。性枯燥者，入气分；性润泽者，入血

分。此上下内外，各以其类而相从也。

药性分配脏腑五行四时论

夫天有五行之分，地有五方之别，人有五脏六腑之称，药有五色、五味、五气之用。且分配而论之，凡药色青、味酸、气臊者属木，皆入足厥阴肝、足少阳胆经，应东方甲乙木，于时为春。色赤、味苦、气焦者属火，皆入手少阴心、手太阳小肠经，应南方丙丁火，于时为夏。色黄、味甘、气香者属土，皆入足太阴脾、足阳明胃经，应中央戊己土，于四时相兼。色白、味辛、气腥者属金，皆入手太阴肺、手阳明大肠经，应西方庚辛金，于时为秋。色黑、味咸、气腐者属水，皆入足少阴肾、足太阳膀胱经，应北方壬癸水，于时为冬。凡一脏配一腑，腑皆属阳，故为甲丙戊庚壬；脏皆属阴，故为乙丁己辛癸。十二经中，惟手厥阴心包络、手少阳三焦经无所主，其经通于足厥阴、少阳。厥阴主血，诸药入厥阴血分者，并入心包络。少阳主气，诸气入胆经气分者，并入三焦。命门相火，散行于胆与三焦心包络，故入命门者并入三焦。此药性入诸经之部，分配五行四时可知也。

五行相生子母相应论

人之五脏应五行，金、木、水、火、土，子母相生也。《经》曰：虚则补其母，实则泻其子。又曰：子能令母实。如肾为肝母，心为肝子，故入肝者并入肾与心。肝为心母，脾为心子，故入心者并入肝与脾。心为脾母，肺为脾子，故入脾者并入心与肺。脾为肺母，肾为肺子，故入肺者并入脾与肾。肺为肾母，肝为肾子，故入肾者并入肺与肝。此五行相

生、子母相应之义也。

五脏补泻五行相克合论

五脏者，肝、心、脾、肺、肾也。肝苦急，急食甘以缓之；肝欲散，急食辛以散之，用辛补以酸泻。心苦缓，急食酸以收之；心欲软，急食咸以软之，用咸补以甘泻。脾苦湿，急食苦以燥之；脾欲缓，急食甘以缓之，用甘补以苦泻。肺苦气上逆，急食苦以泄之；肺欲收，急食酸以收之，用酸补以辛泻。肾苦燥，急食辛以润之，开腠理致津液，以辛能通气也；肾欲坚，急食苦以坚之，用苦补以咸泻。此五脏补泻之义也。

夫相克者，即五行相制之理也。故酸伤筋，而辛能胜酸；辛为金味，故能胜木之酸也。苦伤气，而咸能胜苦；咸为水味，故能胜火之苦也。甘伤肉，而酸能胜甘，酸为木味，故能胜土之甘也。辛伤皮毛，而苦能胜辛，苦为火味，故能胜金之辛也。咸伤血，而甘能胜咸；甘为土味，故能胜水之咸也。此五味相胜、五行相克之义也。

五病所禁五味所伤合论

五病所禁者：如辛走气，故气病勿多食辛，多食则令人洞心；洞心者，心若空也。咸走血，故血病勿多食咸，多食则令人作渴；作渴者，血受伤也。苦走骨，故骨病勿多食苦，多食则令人变呕，骨重难举；性苦者，沉降而阴也。甘走肉，故肉病勿多食甘，多食则令人挽心；挽心者，心闷也。酸走筋，故病勿多食酸，多食则令人癰闭；癰闭者，小便不利也。

五味所伤者：如咸伤心，人多食咸，则脉凝涩而色变；水

能克火也。苦伤肺，人多食苦，则皮槁而毛拔；火能克金也。辛伤肝，人多食辛，则筋急而爪枯；金能克木也。酸伤脾，人多食酸，则肉胝皱而唇揭；木能克土也。甘伤肾，人多食甘，则骨痛而发落；土能克水也。

此五病所禁、五味所伤之义也。

五运六淫主治论

五运者，司天在泉之岁运也。六淫者，风、寒、热、湿、燥、火所化也。主治者，辛、凉、甘、热、咸、寒、温、冷、酸、苦之性也。

且分而论之。

厥阴司天，风淫所胜，平以辛凉，佐以甘苦，以甘缓之，以辛散之；盖风为木气，以金能胜木。太阳在泉，寒淫于内，治以甘热，佐以苦辛，以咸泻之，以辛润之，以苦坚之；盖寒为水气，以土能制水。少阴在泉，热淫于内，治以咸寒，佐以甘苦，以酸收之，以苦发之；盖热为火气，以水能胜火。太阴司天，湿淫所胜，平以苦热，佐以酸淡，以苦燥之，以淡泄之；盖湿为土气，以木能克土。阳明司天，燥淫所胜，平以苦温，佐以甘辛，以苦下之；盖燥为金气，以火能胜金。少阳司天，火淫所胜，平以咸冷，佐以苦辛，以酸收之，以苦发之，亦以水而济相火也。

李时珍曰：司天主上半年，天气司之，故六淫谓之所胜，上淫于下也，故曰平之；在泉主下半年，地气司之，故六淫谓之于内，外淫于内也，故曰治之。

此五运六淫，分配主治，各有所从也。

药品陈久精新论

夫药有宜陈久者，有宜精新者。如南星、半夏、麻黄、木贼、棕榈、芫花、枳实、枳壳、荆芥、槐花、香橼、橘皮、佛手、柑皮，与山茱萸、吴茱萸、熟地黄、燕窝、蛤蚧、壁土、秋石、金汁、气酒、酱、醋、石灰、姜、芥、艾叶、茶、墨、蒸饼、诸曲、诸胶之类，皆以陈久者为佳，或取其烈性减，或取其火气脱。舍此而外，余则俱宜精新，若陈腐而欠详明，则气味不全，非特无效，反为有害。唐耿伟诗云：“朽药误新方”，正谓此也。

此药品有新陈不同，学者宜详审而用焉。

编辑者：续论药性一篇，附于李东垣所辑寒、热、温、平、四赋之后，详言寒、热、温、平之性，皆世所要用之品。至炮制解义、诸药主病赋，及反忌畏恶、妊娠禁用、治症大纲等歌，与疗病式、三不治六不治，并脏腑相属、药性相从、阴阳表里、升降浮沉、五行相生、子母相应、五脏补泻、五病所禁、五味所伤、五运六淫、主治等篇，逐节详明，辞简意周，几无遗义，诚发前人所未发，于学者或不无小补云云。



卷 四

验方撮要必读



妇人调经症

门人问曰：女人肾气天癸，与男人同否？医者辄云男女同，可以实指其所在乎？

李岛三曰：《经》言：女子七岁肾气盛，齿更发长，二七而天癸至，任脉通，太冲脉盛，月事以时下，故能有子。

再问曰：月事何以独见于妇人，详言其故。

余曰：男子属阳，气多血少；女子属阴，血多气少，故男之血生于心，纳于肝，以次入肾而变为精。女子之血亦生于心，由心经胞络下注肝肾，其余者注胞络，而为月事，王冰所谓阴盛海满而出血者是也。

门人问曰：妇人月事，有调有不调者，何也？愿闻其说。

曰：冲为血海，任主胞胎，手太阳小肠之经也。此二经相为表里，主上为乳汁，下为月水；是月水乃经络之余。若平人冷热调和，气血不伤，则冲任二脉气盛，太阳、少阴所主之血宣流，依时而下，三旬一见，有似月盈则亏之义，故曰月事。若劳伤血气，寒湿乖适，经脉则虚，虚则邪气乘之。邪客于血，或寒或湿，寒则血结，湿则血消，此月事因之而不调，即《经》所谓月事不来，胞脉闭者是也。

门人问曰：经候不调之症，有经闭不通者，有经绝不行者，有终身不月者，有先后期、乍行乍止、血鲜血淡、疼痛带浊之不同，愿闻调治之法。

曰：经闭不通者，因瘀血内积，时常作痛，致闭不通；此

症易治，不过一驱逐之功耳。经绝不行者，有因心事不遂，致心血亏欠，故乏血以归肝，而出纳之令枯竭；有相火妄动，煎熬真阴，熏蒸血海，名曰血枯；此症劳病多主之。有二阳之病发心脾，男子不得隐曲，女子不月者。二阳胃与大肠也，胃主纳食，大肠主运化。《经》曰：食气入胃，浊气归心，淫精于脉。饮入于胃，游溢精气，上输于脾。今脾胃既病，则不运不化，心脾何所资乎？心脾无资，则男不生精，女不生血，故在男子有不得隐曲，在女子则月事不行；此即经绝之候。又脾与胃为表里，久则传入于脾为风消；风消则消铄羸瘦，以脾主肌肉故也。肺与大肠为表里，久则延入于脾，为喘息奔急，以肺主气故也；兼入心，则二脏二腑俱病，故曰“死不治”。女子终身不月者，必便血，盖胃上口曰贲门，与心相连，血错经而妄行，不入肝而入胃脘，不出幽门达小肠阑门，以次传入大肠；此秘验也。经水先期，多属血热，宜四物汤，用生地，加丹皮、芩、连、香附。血色鲜红，更主热盛，所谓热则流通，上项药，倍生地、丹皮、芩连、白芍。过期多是血少，宜四物汤，倍熟地、当归、苓术、炙草、红花少许。过期色淡者，属血虚挟痰，宜二陈汤，加芎、归、白芍、香附、阿胶。血紫者，气之热；血黑者，热之甚；血成块者，气之滞，多作腹痛紫黑，宜四物汤，用生地，加香附、芩、连、丹皮、玄胡、蒲黄；血块用归尾、芎、芍、五灵脂、三棱、莪术、香附、桃仁、红花；腹痛甚者，加乳香、没药，劫而止之。

门人问曰：妇人经行未尽，而乍止者，何也？愿闻其主治之法。

曰：有三义。有暴怒郁结所致，气滞不行，宜芎、归、香

附、玄胡、红花、炒白芍、丹皮、乌药、木香之类以行之。有形寒饮冷，以致经血凝滞，宜前项药中，加砂仁、炒干姜，消息之。有伤寒，经水适来适断，热入血室，往来寒热，似疟非疟；或昼则明了，夜则谵语，如见鬼状，俱用小柴胡汤，和解之。有将行作痛，属气血实，一云气之滞，俱用生地、川芎、归尾、黄连、香附、桃仁、红花、玄胡、丹皮、莪术、白芷。行后，绵绵作痛，属气血虚，亦用四物汤，倍归身、阿胶、熟地，加参、术、红花、炙草以补之。有血行气滞，致行未尽者，宜上项药选用，仍用木香、槟榔、玄胡、香附、乌药、莪术以行之。有兼经行带下赤白者，属湿热，宜用四物合二陈汤，或二妙散主之。李岛三曰：凡治妇女病，首重调经，调经大旨，不外乎此。善学者，临症察脉，而详究之，思过半矣。

门人问曰：妇人经闭不调，何以知之？愿闻其说。

曰：妇人尺脉常盛，而右手脉大，皆其常也。寸关脉调如故，右肾脉微涩与浮；或肝脉沉急；或尺脉滑，而断续不匀；或脉来至状若琴弦，若小腹痛，此皆经闭不调之候，显如易见也。

门人问曰：妇人居经，月事三月一下，其脉何状？愿闻脉候之故。

曰：妇人少阴与尺脉微而迟涩，微则无精，迟则阴中寒，涩则血不来，此为居经之脉也。

门人问曰：妇人无子与绝产，何从而知？愿闻其故。

曰：妇人尺脉微弱而涩，少腹冷恶寒，年少得之为无子，年大得之为绝产，此脉经之明训也。

门人问曰：妇人经行有异否？愿闻其说。

曰：妇女二七天癸至，七七天癸竭。行早者性机巧，行迟者性鲁钝。通行则阴阳和合始能生子，行年十四岁，当时二十岁。不行命如风烛，有病发则死。间有不死者，百中无一，亦令一生多病，未尝一日安裕，然有四季行亦可。又有一年行一次者，亦不甚佳。或一生不循正道而行者，晚年有癖矣，则难治。

门人伯雄问曰：经候脉症既得闻命矣，今愿闻调经之法。

余曰：诸家调经之说，是非参半，而虞天民辑《苍生司命》载调经一条，深合鄙意，与余参考诸家治法，并经验诸方，今录于后。

调 经 方

四物汤 乃妇人调经总司之要药，照后随症增减治之。

熟地黄一钱五分 当归身二钱 川芎一钱五分 生白芍一钱五分

水煎服。若月水不来，虚中有热者，加黄芩、梔子。月事先期，属血热者，用生地，加丹皮、芩、连、香附，肥人加没药。月事过期，属血少者，倍归、地加参、术，兼痰药。过期色紫黑，成块作痛，属血热者，加黄连、香附。血结而经闭者，加桃仁、红花。妇人体瘦，子宫无血，精气不聚，令人无子，加养血滋阴药。月事临行作痛，属血实，一云瘀血郁滞，加桃仁、香附、黄连、红花，或加玄胡、莪术、木香；发热加柴胡、黄芩，和解之。

李岛三曰：以上增添诸法，此不外见症治症，大略而言，要在参诊脉症，因病施药，更为得当。

四物合二陈汤 治妇人经行兼带下白沫，属痰湿者主之。

熟地一钱五分 白芍二钱，酒炒 川芎钱半 当归二钱 甘草一钱 茯苓三钱 半夏二钱 陈皮钱半

水煎，服四剂，痰消而经调矣。

李岛三曰：四物补血调经，二陈利湿行痰，凡妇人血虚痰多兼带下者，服此汤大有效力。

四物合二妙散 治妇人经行兼带下赤白，属湿热者主之。

熟地二钱 白芍二钱 生用 当归二钱 川芎一钱五分 苍术一钱五分 黄柏一钱五分

水煎，空心服三四剂，湿退带止而经调矣。

李岛三曰：四物补血调经，二妙清热除湿，凡妇人血虚兼赤白带下者，服此汤大有神效。

补血通经汤 治血虚，月经过期不行；或适来适止，结块疼痛，眩晕食少，此乃血虚致经断太早；或数月不来，腹中瘀血不散，常时攻心作痛等症。

熟地二钱 白芍二钱，酒炒 当归二钱 川芎钱半，酒炒 香附钱半，醋炒 杜仲二钱，姜炙 桃仁钱半，去尖 红花一钱 木通钱半 甘草五分 苏木钱半 莪术钱半，醋炙 玄胡钱半，醋炒

水煎，服三剂，瘀散而经调矣。

李岛三曰：四物补血活血，桃、红、苏、术破血行血，玄胡、香附顺气止痛，杜仲、甘草补肾调中，配制得法，治血虚经闭者，服之屡见效验。

凉血调经汤 治体壮有火，月经先期而行，脉象洪大实数者，皆主之。

生地三钱 白芍二钱 川芎钱半 当归二钱 香附二钱，醋炙 甘草八分 阿胶钱半，后下 艾叶钱半，醋炙 黄连八分，乳炮 黄芩钱半 黄柏钱半 梔子二钱，生用 知母钱半，盐炒

水煎，服二贴，热退经亦调矣。

李岛三曰：此方是妇宝汤 合黄连解毒汤，加知母、甘草，性多寒凉，非独治月经先期得效，而血热妄行，逆经吐血咯血者，更为得宜。非证实脉实，三焦无实热者，不可轻投。

固经丸 治经多、崩漏不止、色黑者，属热，阴虚，不能制胞络之火。此丸滋阴固经带涩。共研末酒泛为丸，空心，每吞三钱，米汤送下，甚效。

制龟板五钱 椿白皮二钱，炒 条黄芩二钱 香附二钱，酒炒
黄柏二钱，酒炒 白芍二钱，酒炒

或水煎，服三剂，亦效。

李岛三曰：此为滋阴固涩之药，为丸更效。

胶艾汤 治劳伤气血，冲任虚损，月水过多，淋漓不止，或胎动漏血等症。

阿胶二钱，后下 艾叶钱半，醋炙 熟地二钱 川芎钱半 白芍二钱，酒炒 当归二钱 甘草一钱，炙

一方加地榆、黄芪；气郁不舒，加香附，方名“妇宝丹”。

水煎，服三剂，而经止矣。

李岛三曰：此方治胎动血漏，屡试屡验。并治妇人忽然血崩，脉沉肢冷者，加附子二钱，二服而愈，诚女科之圣药也。

经验没药散 治经闭，腹中结痛，服之，经行痛止。

制没药三钱 光桃仁二钱 西红花一钱
为末，调酒送下。

李岛三曰：药简效速，去瘀最灵，然不可多服，慎之。

补益调经汤 治经水行后作痛，腰背腿膝酸疼，气血两虚故也。行尽时服之。

人参一钱，高丽，洋参可代 茯苓三钱 白术二钱 甘草一钱，炙
熟地二钱 当归二钱 川芎二钱 杜仲三钱，姜汁炙

水煎，服三剂，气血充而酸疼除矣。

清热行经汤 治经水来时，成片成块，热极所致。行一日间服一二贴。

生地三钱 白芍二钱 黄芩钱半 丹皮钱半 玄胡钱半，醋炙
红花钱半 蒲黄钱半 桃仁钱半 甘草五分

水煎，服三贴，热清瘀散而经调矣。

乌药汤 治妇人血海疼痛，甚效。

香附二钱 当归二钱 木香八分 甘草五分 乌药二钱五分
水煎服。

养血调经丸 治妇人体瘦血枯，湿热者宜常服。

生地一两 当归一两 益母八钱 川芎七钱 阿胶七钱 黄芩
七钱 苍术七钱 白术七钱 赤芍五钱 丹皮五钱 黄柏五钱 人参
五钱，或用高丽，洋参一两代

上药为末，密丸，米汤送下。

逍遥散 解郁调经，为妇科治郁之总方也。

柴胡钱半 茯苓二钱 白术钱半 甘草五分 白芍二钱 当归
二钱 薄荷三分 生姜三片

水煎服。加丹皮、梔子，名八味逍遥散，治肝伤血少。

李岛三曰：如人多病郁，致经不调。此方专治肝郁，而诸郁皆解；郁解而经调矣。

温经汤 治妇人年五十，所病下利，数十日不止，暮即发热，小腹里急腹满，手掌烦热，唇口干燥，此属带下。曾

经半产，瘀血在小腹不去，何以知之？其征唇口干燥，故知之；当以此汤主之。

人参一钱，或用高丽，洋参代，加重 当归二钱，酒洗 川芎二钱
白芍二钱，酒炒 桂枝二钱 阿胶二钱，后下 丹皮二钱 甘草二钱，炙
半夏一钱五分 麦冬三钱 吴茱萸泡淡，二钱；冬月三钱 生姜三钱
水煎，温服，至愈为止。亦主妇人小腹寒，久不受胎，兼治崩中出血，或月水来多，及至期不来等症，甚效。

李岛三曰：余用此方治愈经病者多矣！非独治妇人年过五十之经病得效，而年上三十之妇人，气血两虚，冲任失调，半产经多，内有久寒等患，经服此汤，见效而受孕者亦不少。此汤妙在气血双补，温中散寒，化旧生新，能通能止，小腹寒而不受孕者，并能治之，统治带下三十六病，其妙处不可言矣！

调经十八秘方

秘方一 治妇人经水不调，行时腹痛，体壮者服之甚验。

归尾钱半 陈皮钱半 茯苓二钱 香附二钱 赤芍二钱 玄黄二钱
条芩钱半 丹皮一钱 乌药钱半 生地二钱

水煎，服三贴，经行而痛止矣。

秘方二 治经水行而作痛，血凝气滞故也。未行三日前，服至行时为度。

香附三钱，醋炒 白芍二钱，酒炒 丹皮钱半 川芎钱半 玄胡钱半
乌药钱半 桃仁钱半 当归二钱

水煎，温服。

秘方三 治经水行后腹痛，腰背腿皆疼，气血两虚故也。

候经水行尽时服之。

熟地二钱五分 当归三钱 茯苓二钱 杜仲二钱，姜炙 白术二钱 川芎一钱 炙草八分 人参五分，用洋参钱半代

水煎，温服。

秘方四 治经水行五六日不止者，血虚有热故也。

茯苓二钱 黄芩钱半 熟地二钱 黄连一钱，乳炮 生地二钱 黄芪钱半 蒲黄钱半，炒黑 当归二钱 甘草七分，炙 人参八分，用洋参钱半可代

水煎服。

秘方五 治经水来多，虚弱无力，腰背腿膝酸疼，饮食减少。

熟地二钱 生地钱半 当归二钱 麦冬钱半 黄芩一钱 甘草五分 白术二钱 黄芪钱半 五味十粒 人参五分，用洋参钱半可代

水煎服。

秘方六 治经水来少，血虚气弱故也。

熟地钱半 当归二钱 白术二钱 黄芪钱半 茯苓二钱 白芍钱半 陈皮钱半 川芎一钱 炙草八分 人参八分，用洋参钱半可代

水煎服。

秘方七 治经水来如桃花色，血虚胃弱，行后服三五剂，兼治经水色淡，甚效。

熟地钱半 当归二钱 白芍钱半，酒炒 茯苓二钱 神曲钱半 陈皮钱半 川芎八分 砂仁八分 炙草一钱

水煎，温服。

秘方八 治经水紫色，行二日后，服四剂，甚验。

生地二钱 条芩二钱 白芍钱半 荆芥钱半，炒 山梔二钱，炒 蒲黄一钱，炒 红花七分 甘草五分 蔓荆子钱半

水煎，空心服。

秘方九 治经行感风伏热，成片成块，脐腹结痛，行二日，间服至愈。

香附二钱 桂枝钱半 乌药钱半 玄胡二钱 桃仁钱半 陈皮一钱 紫苏钱半 当归一钱 川芎一钱 丹皮八分 甘草四分 五灵脂钱半

水煎，加生姜三片，热服。

秘方十 治经水过期，气寒不行者，至期服至经行。

干姜钱半，炮 当归三钱 川芎钱半 陈皮钱半 玄胡一钱 桃仁一钱 乌药八分 丹皮五分 甘草五分 肉桂三分，冲

水煎，温服。

秘方十一 治经水过期，血少不行者，至期服至行经。

香附二钱 当归三钱 川芎钱半 熟地钱半 茯苓二钱 陈皮钱半 炙草五分 人参八分，用洋参钱半代之

水煎，温服。

秘方十二 治气逆过期，至期服至经行。

香附三钱 当归二钱 乌药钱半 川芎钱半 桃仁一钱 玄胡钱半 陈皮钱半 茯苓二钱 木香七分 甘草四分

水煎，温服。

秘方十三 治气虚不及期而行，行后服三五剂。

人参八分，用洋参钱半代之 茯苓二钱 白术二钱 炙草一钱 条黄芩钱半 熟地二钱 生地钱半 黄芪二钱

水煎，温服。

秘方十四 治经水不行，腹微痛，服至经行。

香附二钱 当归三钱 抚芎钱半 丹皮八分 牛膝钱半 桃仁钱半 玄胡一钱 乌药七分 甘草四分

水煎，空心服。

秘方十五 治妇人、室女经闭不行，将成癆病，憎寒发热等症。切不宜峻服补药，此方最良。

马鞭穗二钱 荆芥穗二钱 当归钱半 赤芍钱半 蕲艾梗一钱
川芎八分 丹皮五分 枳壳七分 乌梅三粒 肉桂二分

水煎服。

秘方十六 治妇人年五十后，行经不止，作败血论。

茜根二钱 苏木钱半 生地三钱 条芩钱半 阿胶钱半 侧柏叶二钱，炒黑 胎发一团，烧灰存性，或妇人乱发亦可

水一盅半，煎七分，将发灰投入，空心温服，服至六剂而愈。

秘方十七 治妇人经行，遍身肢节筋骨疼痛，甚效。

肉桂五分 当归二钱 玄胡钱半，醋炙

上为末，好酒调下二服；或蜜为丸，酒吞三钱亦可。酒随量饮下，或三味各等分末，调下三钱，亦效。

秘方十八 治经水不调，乍多乍少，或行或止，或腰膝疼痛，或小腹饱闷，寒热往来，不思饮食，骨蒸烦热，遍身作痛，手足酸软，困倦无力而不受孕者，此丸主之，极其神效。

熟地三两 当归四两 川芎三两 茯苓三两 白术三两 木香七钱 香附十两，酒醋浸 砂仁二两 蕲艾三两，醋炒 丹皮二两 牛膝三两 酒洗 地骨三两，酒洗 枳实一两五钱 条芩三两 玄胡二两，醋炒 杜仲三两，姜炙

共研末，蜜为丸，如梧子大，空心吞六七十丸，米汤送下。

李岛三曰：此载调经诸法，共计一十八方，余家藏成效

之秘方也。未敢妄为立汤以名方，不过便于医家参考、病者检查，倘能依法施治，因症投药，随在皆可取效，诚为妇科调经之验方也。

种 子

门人吴子问曰：种子之法，可得闻乎？

李岛三曰：《经》云：男女媾精，万物化生，则偏阴不生，偏阳不长，理有必然者也。然夫妇交媾，而不适其会，亦偏阴偏阳之谓也。则以无子而诿于天命，岂不泥乎。间有资药饵，多峻补，治不得法，又可惜也。盖种子之法有四端：一曰择地，二曰养种，三曰乘时，四曰投虚。地者，则母子血也。种者则父之精也。时者，则精血交感之会也。虚者，则去旧生新之初也。余闻之祖父曰：母不受胎者，气盛血衰故也。衰由伤于寒热，感于七情，气凝血滞荣卫不和，以致经水前后多少，谓之阴失其道。何以能受孕乎？父不种子者，气虚精弱故也。弱由过于色欲，伤乎五脏；脏皆有精，而藏于肾。肾经既弱，譬之射者力微，矢枉不能中的，谓之阳失其道。何以能种子乎？故调经养精之道所宜讲也。抑妇人无子，皆由经水不调。经水所以不调者，皆由内有七情之伤，外有六淫之感，或气血偏胜，或阴阳相乘所致。种子之道，宜先调经。调经之法，前论已详言矣。若经水既调，身无他病，而亦不受孕者，有二义：一则身体过于肥盛，脂满子宫而不纳精也；前人有启宫丸一方最效。一则身体过于羸瘦，子宫无

血，而精不聚也。景岳有育麟珠，与余经验种子济阴丹二方极验。其于生女不生男者，系以男人督脉不足，阳不胜阴。宜遵修园之法，令其男人以鹿茸四具、人参一斤、远志四两、菟丝子半斤，醇酒为丸，服之得效。或服杨氏之还少丹，与五子衍宗丸亦效。诚精血盛矣，又必待时而动，乘虚而入。如月经一来，即记其时，算至三十时辰，则秽气涤净，新血初萌，虚之时也，乘而投之，定能成孕，信不诬也。如恐情窦不开，阴阳背驰，则有外法种子广嗣丸，纳之户内，以动其欲，庶子宫开，两情美，真元媾合，如鱼得水，虽素不受孕者，亦孕矣。此法历试屡验，百发百中者也，岂谬言哉！所谓得其要者，一言而尽，他书皆繁而无当也。呜呼！始而无子者，非天也，人自戕其天也。已而有子者，亦非天也，人定可以胜天也。

启宫丸 治妇人身体过于肥盛，脂满子宫而不纳精者。宜于经水未来半月之前，先服此丸一料，及经来丸完，脂消经净，乘虚交也，便验，诚种子之仙方也。

半夏制 苍术泔浸 香附各四两，童便浸醋炒 六神曲炒 川茯苓生研 陈皮各二两 川芎三两 酒炒

蒸饼为丸，如梧子大，每服三钱，用酒送下。若脾虚者，苍术易作白术，更效。

李岛三曰：此丸功在行痰消脂，服之甚效。若体肥血虚痰多者，余以四物二陈汤治之，亦效。

四物二陈汤 见上妇人调经症。

育麟珠 治妇人气血俱虚，经脉不调，或断续，或带浊，或腹痛，或腰酸，或饮食不甘，瘦弱不孕，服一二斤，即可受胎。凡种子诸方，无以佳此。

人参 白术土炒 茯苓 白芍酒炒，各二两 川芎 甘草各一两 当归 熟地另捣 菟丝子制，各四两 杜仲酒炒 鹿角霜各二两火煨 川椒二两，炒

上为末，炼蜜为丸，如弹子大，每空心嚼服一二丸，温汤送下；或为小丸，吞服亦可。

经验种子济阴丹 专治妇人气血两虚，血海空疏，子宫寒冷，带下崩漏，腹痛腰酸，瘦弱不孕，或产后失调，隔久不孕等症；即无病者用此方种子，屡试屡验。

洋参一两，人参更胜 茯苓两半，乳汁拌 白术两半，土炒 甘草一两，炙 熟地一两，另捣 当归二两，酒洗 川芎两半，酒炒 白芍两半酒炒 陈皮一两，四制 阿胶一两，蒲黄炒珠 艾叶一两，醋炙 杜仲二两，姜汁炙 续断二两，酒炒 菟丝子四两，酒炒 菟蔚子两半炒 鹿角霜二两，火煨，鹿茸更胜 香附子四两，去毛，用童便、盐水、姜汁各制一次，晒干

上药共研极细末，炼蜜为小丸，每早晚，空心各吞三钱，用米汤或滚汤送下。

如血热经早者，再加丹皮、益母草二味，各五钱。如素寒经迟腹痛者，再入吴茱萸、小茴、干姜、肉桂等味，轻重量加。若无他症，宜照原方，幸勿更易。

李岛三曰：余家藏此方，记其神效。后余自行施用，见服此丸得效而受孕者多矣。此方功在八珍，气血双补，用在余药，调经种子。以异功四君，能补气调气；以妇宝四物，能补血调经；以杜仲、续断、角霜，能补冲任、督等脉；以菟丝子、菟蔚子，能启宫种子，俾使气充血旺经调，焉有不受孕乎！余内室初年，气血调和，连产数女，后因外科病久，耗损经脉，气血两虚，隔七载而不孕，经乖几乎绝产。嗣检出

此方，精制丸药一料，与内室吞服，未几受孕，果获弄璋之庆，非虚言也。近有洋汾乡陈石之妻，年四十余，始终不孕，向余索方，服此丸，亦产一女。陈奇之，传之乡人，效验尤多，故敢公之于世。用者若能细心精制，依法吞服，无不应验如神。此方效力，比前方之育麟珠有过无不及也。

（外用）种子广嗣丸 岛三新增此方，乃论中所谓外法种子广嗣丸，纳妇人户内，以动其欲者也。

油沉香一钱 公丁香一钱 吴茱萸一钱，生用 官肉桂一钱，去皮 鲜白及一钱 蛇床子二钱 木鳖子二钱，去壳油 苦杏仁二钱，去皮油 春砂仁二钱 北细辛二钱半 真海马二钱半 洋烟泡一钱五分

上药十二味，共研极细末，炼蜜为小丸，如绿豆大。用法：候妇人月经去净后，临媾合时，先用一二丸放掌心中，以口津糊化，纳入妇人户内。或先一小时，干纳一二丸，药力迅速，须臾情动，媾之便能成孕。此丸历试屡验，百发百中者也。妙在启宫种子，不伤身体，诚为男女爱情之媒介，种子广嗣之灵丹也。

胎 前 论

俗语云：条芩、白术，乃为安胎之圣药。愚谓不然。王海藏云：胎前气血和平，则百病不生。若气旺而热，热则耗气血，而胎不安，当清热养血为主。若起居饮食，调摄得宜，绝嗜欲，安养胎气，虽感别症，以安胎为主。又云：安胎之法有二：如母病以致胎动者，但疗母病，则胎自安；或胎气

不固，或有触动，以致母病者，宜安胎，则母自愈。汪石山云：凡胎前总以养血，健脾、清热、疏气为主；吾乡称为女科之最上者，父子相传，不外此说。而更深一步者，赵养葵云：胎茎之系于脾，犹钟之系于梁也；若栋梁不固，栋梁亦挠，必使肾中和暖，然后胎有生气，日长而无陨坠之虞，何必定以条芩、白术为哉。以上四节，简易效灵，以便个中施治，无须矜奇立异，惊世骇俗为也。

胎前效方

——妊妇患伤寒杂病，俱以生四物汤为主。如无汗，加麻黄、细辛；有汗加桂枝、甘草；寒热往来，加柴胡、黄芩；鼻干不眠，加升麻、葛根；至大黄，芒硝、干姜、附子，俱可随症加入，古人有六合四物汤，论之详矣。

——妊妇胎动，恐服药有碍，用灶中黄土研末，以冷水和匀，涂于心下及脐下寸半，干则易之，甚效。

——受孕二三月必呕恶，以月水不通，阳明之气壅盛上僭，至四五月自愈。如病甚者，用六君子汤（即参、苓、术、草、陈、夏），加砂仁以和之；方中半夏，得参、术能安胎健胃，不必顾忌。

——胎前下血，名曰胎漏，因气虚不能摄血故也。宜服补中益气汤（方见产后），甚效。如恼怒伤肝，宜加味逍遥散（见上调经），加生地主之。

——胎动不安，由血虚不能养胎也，宜用四物汤去川芎，加白术、杜仲。若有火者，加黄芩；如腹痛时多寒者，加川椒，服之甚效。川椒一味，今人罕用，参考《金匱》，用以养

胎，医家须知。

——堕胎症屡患者，必应期而堕，总属气血大虚。余昔惑于丹溪之说，以条芩、白术为安胎圣药，尝见一妇人患小产，四年中连服此药，五次皆堕。后有老医，用四物汤加真鹿胶、补骨脂、菟丝子、杜仲、续断，服之而安。余始悟命门为人立命之本，在女子为系胞之所，必用温药热药始效。明赵献可著《医贯》用六味、八味地黄丸加艾叶、阿胶，大有灼见。如不受温热剂者，以杜仲八两，糯米汤泡炒勿焦；直桑寄生、人参（西洋参、高丽参可代）、五味子各四两，共为末；以黄芪一斤，白术、乌枣各六两，煮膏和药末为小丸，每吞四钱，米汤送下，一日两服，大有神效。

六味地黄丸加胶艾汤 治妇人命门火衰，屡患堕胎者，服之极其效验。

熟地二钱 茯苓三钱 山药三钱 茺莢钱半 丹皮七分 泽泻钱半 阿胶钱半 艾叶一钱，醋炙

水煎，服四五贴。去胶、艾，加附子、肉桂，名八味地黄丸。

子 肿

怀孕数月，面目肢体虚胀如水肿。胎中挟湿，水与血搏，湿气流溢，故令面目肢体浮肿，亦名胎水。原因烦渴引饮过多，或泄泻损伤脾胃，不能制水，五六个月多有之。宜服加减五皮散，甚效。

加减五皮散 治妊娠水肿，屡试神效。

老陈皮二钱 茯苓皮五钱 生姜皮钱半 冬白术土炒三钱 大腹皮二钱

共研为末，用米汤冲服；水煎服亦可，恐生水气，力不及散。《指迷》方，有桑白无白术。

子 嗽

怀孕数月，咳嗽不止，微喘足肿，宜服加味二陈汤，或紫苑汤主之，立效。

加味二陈汤 治妊娠咳嗽，微喘足肿，甚效。

茯苓三钱 陈皮二钱 法夏钱半 甘草一钱，炙 阿胶钱半 麦冬钱半 桑白二钱 五味九粒 炮姜五分 细辛八分

水煎，服三贴而嗽止矣。

紫苑汤 治子嗽，同上方参用。

紫苑二钱，蜜炙 天冬钱半 桔梗五分 甘草五分，炙 桑白一钱 杏仁钱半，去尖 竹茹钱半

水煎，入白蜜一匙，温服得效。

子 悬

妊娠数月，胎气不和，凑上胸腹，冲痛头眩，心腹疼痛，腰肋酸痛，上焦胀闷，由下焦气实，相火炽盛，举胎而上，上逼心胸故也。宜服紫苏饮，甚效。

紫苏饮 治妊娠胎气冲上心胸腹痛，甚效。

紫苏梗钱半 当归一钱，去尾 川芎五分 白芍钱半 陈皮钱半 甘草五分，炙 人参五分 腹皮钱半，洗 生姜二片

水煎，空心服三四贴，而胎自安。如心腹痛甚者，加木香、延胡各三分，得效。

子 痢

怀孕数月后，忽然中风，痰涎潮壅，倒仆神昏，目吊口噤，角弓反张。宜羚羊角散主之。

羚羊角散 治妊娠中风，四肢抽搐，甚效。

羚羊一钱 独活七分 防风七分 茯神二钱 川芎五分 当归一钱 枣仁五分 杏仁八分，去尖 薏仁钱半 甘草四分 茄皮七分 生姜二片

水煎，温服立愈。

子 气

妇人冲脉素盛，感受风寒，因怀孕而足肿，喘闷妨食，甚则脚指流出黄水；原非水也。宜天仙藤散主之。

天仙藤散 治妊娠两足浮肿，脚指出水，甚效。

天仙藤即青木香，微炒，二钱 香附钱半 乌药一钱 陈皮钱半 甘草五分，炙

共为细末，用淡盐汤化服。甚者加紫苏叶、广木香，各五分，生姜三片，水煎，服三贴，亦效。

子 烦

怀孕数月，心惊胆怯，终夜烦闷，胎至四五个月，相火用事；或盛夏君火大行，俱能乘肺，烦燥胎动不安；亦有停痰积饮，滞于胸膈，致令烦燥者。宜竹叶汤主之。

竹叶汤 治妊娠烦燥，心惊胆怯，夜寐不安，甚效。

淡竹叶三钱 麦冬二钱 茯苓二钱 黄芩钱半 人参五分，洋参一钱可代

水煎服。

一方无人参，有防风。如有痰加竹沥；如相火盛者，加黄柏、知母，各五分；如君火盛者，加黄连一钱；如心神不安者，加朱砂七分，冲服。切不可作虚烦，用梔豉汤等法，以动胎气。

子 淋

怀孕心烦闷乱，小便淋涩，膀胱小肠虚热也。虚则不能制水，热则不能通利，故淋。益心与小肠相表里，故烦闷。亦有因房劳，内伤胞门所致。若冲任虚者，宜八珍汤，或肾气丸，先以灯草汤主之。

灯草汤 治妊娠心烦闷乱，小便淋涩，甚效。

灯草五钱 细辛二钱 当归钱半 木通三钱 滑石三钱 甘草一钱，用梢 麦冬三钱 人参一钱，西洋参钱半可代

水煎，空心服三四贴愈。

转 胞

怀孕转胞者，因胎为胞逼，压在一边，胞系转戾急痛，卒然不得小便，或闭也。由气血虚弱，痰涎壅滞所致。宜参术饮主之。

参术饮 治妊娠转胞，卒然不得小便，甚效。

人参一钱 白术二钱，土炒 半夏八分 陈皮钱半 甘草八分，炙 熟地钱半 川芎七分 白芍钱半 当归一钱 生姜二片

水煎，空心服。此方即八珍汤。除茯苓，加陈皮、半夏，以除痰也。

李岛三曰：愚尝治此症，亦有属湿热者，附方于后，以

便参考。

转胞木通汤 治怀孕转胞，卒然不得小便，几乎点滴不通，脉象急实，症属湿热者，服此汤甚效。

冬葵子二钱，炒 木通三钱 梔子三钱 滑石三钱
水煎服。

又外法验方：上药另取一贴，共研细末，用田螺一撮，捣成膏，或用葱汁，调贴脐中，小便即通。

束胎饮 治妊娠七八个月后，腹觉过大，使胎气敛束易产，产母体质壮者宜之。

白术二钱 茯苓三钱 陈皮二钱 条芩钱半，夏月加倍 紫苏梗一钱

水煎，服四五剂，其胎自束。若肚腹膨胀者，可加大腹皮二钱，得效。

保 产

神效保产方 一名保生无忧散，一名无忧易生散，一名开骨散，即潮州十三太保汤。

山阴胡公云：此方家传数十代，并无产危小产之患，有胎即能安胎，临产即能催生。怀孕者不拘月数，偶伤胎气，腰酸腹痛，一服即安。见红欲小产者，一服亦安，再服全愈。十月满足，临盆十分危艰者，一服即下。而横生逆养，至七八日不下，与婴儿死于腹中，命在须臾者，一服即下。再怀孕者，于七个月服起，七月服一剂，八月服二剂，九月服三剂，十月服三剂，临产服一剂，其效如神。

川芎钱半 酒炒 当归钱半，去尾 川贝一钱，去心 黄芪八分 荆芥八分 艾叶七分，醋炙 菟丝子一钱 枳壳六分，麸炒 川朴七

分，姜炙 羌活五分 白芍钱半，冬减 甘草五分 生姜二片

水煎，预服者空心。如临产及胎动不安，并势欲小产者，皆临时热服。如人素虚，加人参一钱，或西洋参钱半代，服之亦效。

愚按：此方自昔迄今，天下人皆遵为金科玉律，为世所要用之剂，若无歌诀，恐难记忆，是以爰歌于后，以便广传。

无忧散用芍归芎，菟贝艾芪枳朴同，

甘草生姜羌芥穗，十三太保此方雄。

难产

临产加味芎归汤，一名开骨散，专治孕妇临盆，或难产，一服易生，百试百验，万应万灵，真神方也。

败龟板二两，醋炙，捣碎 全当归一两 川芎七钱 血余三钱，即妇人乱发焙存性

水三小碗，煎碗半；渣水二碗，煎一碗，一服立效。

李岛三曰：妊娠满月，腹痛腰酸，见红下者，一服立产。若胎动试痛，未见红者，不可轻投。无论新产旧产，体质弱壮，须照原方，幸勿更易，方为得效。愚见孕妇临盆，经服此方者，无一难产。吾潮人，周姓之妇，旅沪数载，两产皆请西医手术，以致子死母险。至己未岁，该妇又再临产，周向余索方，一服获效，子母无恙。继有蔡仁大号经理之妻，素患难产，服此亦见奇效。厥后该号邻居宁波人贺姓之妇，难产数天，命在须臾，蔡闻之，传此方一服，数分钟间，果然孩儿即下，子母双全。凡孕妇临盆难产，与不难产，经服此方易生者亦难枚举。恨无歌诀，恐难记忆，爰歌于后，以便广传，则幸甚焉。

临产芎归汤第一，当归一两川芎七，
二两龟板发三钱，万试万灵无一失。

育嬰戒杀论

——島三新訂

外于地球之上，动植诸物，有灵与无灵，有知觉与无知觉，皆天地生之也。所以天地有好生之德，古训昭然。圣人闻其声，不忍食其肉，旨哉言乎。乃世人每行一事，辄行宰杀，滔滔皆是，习俗使然，无足怪也。至于育嬰宴客，宰杀生灵，不思草木亦上天生命，故云栖大师言，生子不宜杀生，良有以也。夫麟趾呈祥，喜何如之！正宜广种福田，普行善举，反以杀生造孽，善果方结，恶因即造，可乎哉？或曰：生男喜事也，蠡斯衍庆，承先有赖，贺客盈庭，可不肴酒陈列，以宴嘉宾！島三曰：育嬰戒杀，古圣后贤论之详矣，然喜于无形者，则喜无穷；喜于有形者，则喜有限，体天地生物之心，作福田之基础，不但寿域同登，亦凤毛济美矣。我愿世之育嬰好杀者，勿以斯言为河汉。

产后诸脉症治法

《金匱要略》云：新产妇人有三病：一曰病痉。病痉者，发热恶寒，或口眼歪斜，角弓反张等症，此是气血大虚使然，参、芪、归、术、炙甘草、陈皮、肉桂、炒黑干姜、熟地，大剂温补。左手脉不足，补血药重；右手脉不足，补气药重。切不可用小续命，发表之剂，作中风治。二曰病郁冒。郁冒者，或浴身沐发，离褥太早，致感风寒湿气而然，宜参、术、归、芍为君，加荆芥、紫苏、防风、羌活等药选用。切不可大发表，致损元气。郁冒者清魂散，加归身、陈皮。三曰大便难。大便难者，以气血虚，亡津液，故肠胃燥涩也，虽至七日不解无防。治宜八珍，去芍药，倍归尾、地黄，使之渐润流通。切禁疏利之药。惟血气未大虚者，方可少服麻仁丸。一法用芝麻一撮，捣碎入煎药内，服之即流利也。

产后恶寒发热腹痛者，当去恶血。有恶血腹必满；若腹不满者，非恶血也。治血刺痛，用当归乃和血之法。若因积血而刺痛者，宜桃仁、红花、当归头之类。恶露不尽，小腹作痛，名儿枕痛，用附、桂、五灵脂、红花、炒蒲黄、当归、白术、干姜、玄胡索有验；或用醋炒桃仁、白芍、甘草、粟壳、香附者，酸以收之之义也。

新产后十日内，禁用白芍，其酸寒能伐发生之气也。产后补虚，用参、芪、归、术、陈皮。炙甘草、川芎；如发热，加茯苓淡渗之，其热自除。重则用干姜。夫大热而用干姜，何

也？盖此热非有余之邪热，乃阴虚生内热耳。干姜能入肺分，利肺气，又能入肝分，引众药生血，然必与补阴药同用者，此造化之妙，非知者不中以语此也。

产后症候多端，或乍寒乍热，似疟非疟；或大热头疼体痛，如伤寒状；或卒中口噤，如痉如痫；或左瘫右痪，角弓反张；或亡言见鬼，心神恍惚；或耳目口鼻，忽觉黑气，如烟熏之状；或腹中作痛，绵绵不已。以上诸症，若非恶露未尽，即是劳伤气血大虚之症。

丹溪曰：凡产前当清热养血为主，产后宜大补气血为要，虽有杂症，以末治之，此确论也。虽然亦有妇人，体原壮盛，产后血犹未虚耗者，亦不可纯用温补重剂，善治者诊脉察候，合宜而行，斯得之矣。

《金匱要略》曰：新产妇人有三病：一者病痉，二者病郁冒，三者大便难云云。盖以亡津液胃燥，故大便难。产后郁冒，其脉微弱，呕不能食，大便反坚，但头汗出；所以然者，血虚而厥，厥而必冒，冒家欲解，必大汗出；以血虚下厥，孤阳上出，故头汗出。所以产妇喜汗出者，亡血阴虚，阳气独盛，故当汗出，阴阳乃复。大便坚，呕不能食，小柴胡汤主之。病解能食，七八日而更发热者，此为胃热气实，宜承气汤主之。妇人产后七八日，无太阳症，小腹坚痛，此为恶露不尽。四五日不大便，趺阳脉微实，再倍发热，日晡时，烦躁谵语，不能食者，利之即愈，宜承气汤，以热在里，结在膀胱也。

丹溪曰：产前脉细小，产后脉洪数，皆死。又曰：产前脉当洪数，既产，而洪数如故，岂得不死？此亦大概言之。尝见产后亦有脉洪数而生者。

新产伤阴，出血不止，两尺脉不能上关者死。

产后诸症验方

生化汤 专为产后去旧生新之总剂。

川芎二钱 当归三钱 桃仁二十四粒 炮姜八分 甘草一钱，炙水煎服。

如恶露不行，加红花一钱。如伤风口噤发痉，加荆芥穗三钱，益母草三钱，服一贴立愈。此系古法。若胞衣不下，愚用此方，加牛膝三钱，赤芍二钱，冬葵子钱半，水煎服一贴立下，屡试神效。

方 歌

产后方名生化汤，芎归炙草桃仁姜，
重加童便无灰酒，去瘀生新效验彰。

胞衣不下外法诸方

令产妇用自己头发尾塞含口中，打一恶心，即下。

又方：用灶心内红土调水，厚敷脐眼内，再用甘草五钱，煎汤服之，即下。

又方：用蓖麻子四十九粒，或与产妇年纪同数，去壳捣烂，涂两足心，须臾胞衣即下，立时洗净。若忘却洗去，则小肠坠出，速将蓖麻子洗去，急贴头发内顶心，缩回其肠；俟肠缩入，仍将顶心蓖麻子洗去，平稳神效。

严氏清魂散 治产后血晕，不省人事，大有奇效。

泽兰叶二钱 人参一钱，洋参钱半可代 荆芥穗三钱 川芎二钱 炙甘草钱半

水煎，加酒少数；或童便一杯，更妙，温汤灌下。又用破漆器烧烟熏之，再置醋炭冲口鼻立醒，更服此药。

姜枣米花汤 自制。治产后旬日内，感伤风寒，恶寒微热，头眩，周身酸痛，脉浮，不论有汗无汗等症，一服即解。此经验秘方也。

老生姜三钱 大乌枣十二枚 糯米花一撮，农家用糯粟自炒去壳，或茶食店有之。

姜、枣水煎，冲米花一碗，热服，盖被取微汗，即愈。

华佗愈风汤 治产后中风口噤，牙关紧急，手足瘈瘲，角弓反张；或产后血晕，不省人事等症，屡试神效。

荆芥穗三钱，炒 大当归三钱

水煎，入童便一杯，或黑豆汁，撬开牙关灌之，立愈。

失笑散 治产后心腹疼痛命危，及儿枕作痛，甚效。

生蒲黄三钱 五灵脂二钱

二味为末，白滚汤调下，痛止。

三圣散 治产后儿枕痛，甚效。

大当归三钱 玄胡索钱半 南肉桂八分，去皮

三味为末，白滚水或米汤调下，立刻痛止。

独参汤 治产后血晕，不省人事，或劳役太过，忽然乳汁如涌，及吐酸神昏，甚效。

人参五钱，如无，即用高丽参或西洋参加重可代

水一碗，煎半碗，温服。如身热气急者，加童便一盅。如身寒气弱者，加附子三钱，极验。

黄芪汤 治产后虚汗不止，甚效。

生黄芪三钱 牡蛎粉三钱 白术二钱 防风一钱 炙甘草钱半 熟地钱半 茯苓二钱 麦冬钱半 乌枣三枚

水煎服汗止。

麻仁丸 治产后体壮，大便秘结不通，其效。

西洋参一钱 麻仁二钱，研 枳壳钱半，炒 大黄八分，酒炙 当归二钱

上药共为末，蜜糊为小丸，白汤送下三四钱，以便通为止，或用水煎服，亦效。

苁蓉佛手散 治产后血虚，大便不通，奇效。

肉苁蓉三钱 当归身二钱 川芎钱半

水煎，入酒半杯，空心温服二三贴，而便自通矣。

黑神散 治难产，经日而胎死腹中者，法认产妇舌头青黑者为验。

熟地二钱 蒲黄二钱，炒 炮姜钱半 当归二钱 白芍钱半 肉桂一钱 甘草三分，炙 黑豆三合，炒焦去皮

水酒各半煎，和童便连服三剂，死胎即下。

按：此方消瘀下胎，并治胞衣不下，难产血晕，儿枕疼痛，如见鬼神，谵言妄语等症，亦效。

二苓二术汤 治产后泄泻，神方。

川茯苓三钱 赤茯苓三钱 冬白术二钱，土炒 茅苍术钱半

水煎，服二剂而泻自止。如腹结痛者，是瘀血积在脾胃，加桃仁钱半，一服立愈。

朴硝平胃散 治死胎不下。其症十指甲与舌头色青，眼闭，甚者口中作屎臭，服此汤，一贴即下。

朴硝五钱，后下 厚朴二钱，去皮 苍术二钱，泔浸 青皮二钱，醋炒 甘草五分

水酒各半煎，入朴硝再煎三五沸，作二次，空心温服，须臾其胎即下。若非死胎，不必用朴硝。如骨缝未开者，加川

芎二钱，得效。

猪肾汤 治产后虚羸喘乏，乍寒乍热，病如疟状，名曰褥劳，甚效。

猪肾一只，切片 糯米一合，炒 人参一钱 当归三钱 淡豉三钱
葱白五根，留须

水煎，服一剂为止。

加减生化汤 治产后旬日内外，赤白下痢，里急后重，脐腹结痛，呕逆腹胀等症，甚效。

川芎二钱 当归三钱 桃仁钱半，去皮 甘草一钱 陈皮钱半
木香一钱 茯苓二钱 砂仁八分 枳壳七分，炒

水煎，服一二剂痢止。如夏月，加黄连五分，立愈。

消导生化汤 治产后伤食，或完谷不化，照方加减，一服即愈。

川芎钱半 当归二钱 黑姜七分 炙草五分 肉蔻钱半 山药钱半

水煎服。如伤面食，加神曲、麦芽各一钱；伤肉食，加草果、山楂；伤水果生冷，加吴茱萸一钱，肉桂三分；日少血痛者，加桃仁一钱；日多虚痛者，加人参、白术各钱半；若血虚身热，切不可用黄连、芩、藜等药。

产后补养诸方

当归黄芪汤 治产后旬日过，恶露去净，失血过多，气血两虚，腰酸身热，手足无力，自汗气乏，为补养之神剂。

生黄芪五钱 大当归三钱 炒白芍钱半 煨姜三片

水煎服。此方主以当归之益血，倍用黄芪之轻清走表，佐

以芍药之敛阴，再加煨姜，以和营卫，俾气充血旺，而汗自止。勿信以产后，不可用白芍为误。

当归生姜羊肉汤 为产后补养之良法，并治产后旬日过，发热气短，自汗盗汗，腹痛不休，名曰蓐劳症，及寒疝，腹中疼痛等症，皆效。

当归一两 生姜一两五钱 羊肉五两

水五碗同煎取汤，不时量服，以多为贵。

庚申春，潮人旅沪陈玉翁之妻，因产后瘀血未尽，新血未生，发热气乏。某医认作外感治之。发热较甚，延余一诊，脉象虚大。余曰：此系血虚发热，非外感，乃蓐劳症也。宜补养气血，散寒为主，遂立此方一服，热减。后次再加鹿茸、黄芪各五钱，连服四五剂，热瘥而体益壮，诚验方也。

产后十补汤 自制。此方专为产后旬日过，无病者补益之总剂。

洋参二钱 於术二钱 炮姜一钱 炙草钱半 当归三钱 黄芪二钱 杜仲三钱 续断二钱 熟地钱半 茯苓二钱

水煎服，多多益善。如大便涩结者，加苡蓉三钱。如赤白带下者，加红花二钱。此汗多者，加牡蛎粉三钱，麻黄根钱半。如咳嗽胸闷者，加杏仁钱半，桔梗钱半。若惊悸，加酸枣仁钱半，柏子仁钱半。随症加减，服之立愈。倘无他症，须照原方，服之得效。

归芪雄鸡汤 自制。为产后补养之便剂。

黄芪五钱 当归二钱 雄鸡一只。以童子鸡能初啼者可用，有白毛乌骨者更胜。杀，去毛与肠什试净，勿令过水，切碎。

用糯米酒泥作汤，隔水，鸡药合炖，吹去油，温服。连食三四鸡，自然气旺血充，大有效力。此余家藏之验方也。

产后乳症诸方

七孔猪蹄汤 治产后气血两虚，乳汁不通，最效。

黄芪一两 当归三钱 葱白七根，连须 白芷二钱 猪前蹄一对，
选蹄后有七孔者最宜。

上药与猪蹄合煎汤一大碗，吹去油沫，服之，复睡数分钟，乳汁即通。或未见效，再进一服，乳当如涌。如新产无乳者，免用猪蹄，以前药加西红花四五分，以消恶露，水酒各半煎，一服，乳汁即通。

催乳二通汤 自制。治产后气盛，乳汁不通，奇效。

通草二钱 木通钱半 瞿麦一钱 柴胡五分 花粉钱半 桔梗一钱 青皮一钱 白芷钱半 赤芍一钱 连翘钱半 甘草五分

水煎，饭后服，宜二三剂。自己按摩两乳数百下，乳汁自通。

消乳仙方 治产后气盛，无儿吃乳，乳房作胀，痛不可忍，憎寒壮热，一服立消。

麦芽二三两，炒焦

水煎服，乳汁自消。此乃耗散其气故也。

瓜蒌子散 治妇人乳发痈疽，初起红肿，痛不可忍等症，甚效。

蒺藜仁二钱，去壳 乳香钱半，制 没药二钱，制 归尾二钱 甘草五分

水酒合煎，饭后服，连服二三剂而愈。

金银花汤 治妇人乳发疮疡，红肿疼痛；与上方间服，并一切乳症。

银花二钱 花粉二钱 皂刺钱半 归尾钱半 白芷钱半 象贝二钱 姜仁钱半 山甲二钱，炒

水酒各半煎，温服。

乳症外贴验方 生葱连须叶一握，捣烂炒热，封摊乳上，用火斗熨之，无论何症，须臾汗出，立消。

妇人前阴症验方

加减补中益气汤 治产后恶露去尽，气血两虚，或取重物，致胞宫坠下，久不收缩者，屡试神效。

西洋参钱半 黄芪二钱，炙 白术二钱，土炒 当归钱半 甘草钱半，炙 黑地榆三钱 陈皮钱半 升麻钱半，蜜炙 川芎钱半 生姜三片 乌枣三枚

水煎，空心服。四五剂而胞宫收缩。

又附外用验方：

生葱一握，连根叶煎，熏洗数次，缓缓托上而睡，数日可愈。

以上二方，并治久痢脱肛者，经验奇效。

龙胆泻肝汤 治妇女体壮，阴户舒出一物，如蛇形，长约数寸，闷痛重坠，小便涩痛。原因湿热相搏，肝火炽热所致，名曰阴挺。

胆草二钱 栀子二钱 黄芩钱半 柴胡钱半 生地三钱 车前二钱 木通三钱 泽泻二钱 归尾钱半 甘草七分

水煎，服三贴即愈。

按：此方宜于南省，不利于北方。愚所治愈者，皆属证实脉实；非湿热者，不可轻投。若因气血虚脱而坠者，宜服

加減補中益氣湯與歸脾湯，更效。

婦人前陰症秘方

婦人陰瘡秘方 自制。治婦女陰戶生瘡，悶痛作癢，氣血兩虛，兼濕熱所致者，皆效。

熟地二錢 黃芪錢半 茯苓二錢 陳皮錢半 當歸錢半 花粉二錢 黃連八分 銀花二錢 防風錢半 荊芥錢半 甘草五分 烏棗三枚

水煎，服六七劑而瘡自愈。

陰瘡散 治婦女陰戶生瘡，爛或不爛，悶痛作癢，與上方合治甚效。

雄黃精三錢 黑蒲黃二錢 真輕粉一錢，微炒 正麝香一分 冰片三分

共研細末，用烏棗肉槌成藥條，如筆管大，長約五寸，外加絲棉包裹，插入陰戶內，一日一換。內服婦人陰瘡秘方，七日而愈。此余家藏之秘方也。

婦人下疳病秘方 治婦人因生產努力太過，致陰戶兩旁垂下；或經年月久不收上者。須令彼家看皮是紫色者可治，如色白者不治。

黃芪二錢 茯苓二錢 白朮二錢 山藥二錢 生地三錢 白芍錢半 香附錢半 升麻二錢 丹皮錢半

水煎，空心服四五劑，即愈。若從濕熱所化，小便短澀者，間服龍胆瀉肝湯二三劑，亦效。爰歌于后，以便記憶。

疳病須看紫白分，茯苓香附地黃溫，

升麻黃芪丹皮瀝，白芍水煎食遠吞。

下疳病外洗方 治妇人下疳病，及阴挺久不收缩者，屡试神效。

木棉花根三两，切片 臭椿根一两 蛇床子两半 荆芥穗五钱
防风五钱 葱白连根一握 明矾三钱，后下

水煎，熏洗，以手缓缓托上，用布缚紧，上床仰睡，即收。

五倍子汤 治产后阴户肿痛，数日不闭，洗之立愈。

五倍子一两，一名文蛤 浮小麦五钱 朴硝二钱 后下葱白根一握 白矾三钱，后下

水煎，熏洗。又用桃仁去皮尖研烂敷之，立愈。

加味归脾汤 治妇人阴户痛痒，流出黄水，浸淫不休，甚效。并治思虑伤脾，久痢下血，或健忘怔忡，大便不调，必脾疼痛，疝利郁结等症，以此汤调养最宜。

人参一钱 茯神三钱 白术二钱，土炒 甘草一钱，炙 枣仁钱半
远志钱半 黄芪二钱，炙 当归钱半 龙眼肉二钱 木香七分 丹皮钱半 山栀钱半 柴胡一钱 白芍二钱

加姜、枣，水煎。服四五剂，阴户痛痒自愈。外用妇人下疳病秘方熏洗，亦效。

按：此方治阴户痛痒甚效。若治余症，内去丹皮、山栀、柴胡、白芍。

经验小儿科验方

初生小儿封脐散 预防脐风，甚效。

真麝香一分，枯矾五钱，硼砂钱半，火煨 朱砂钱半 冰片二分

上药共研细末。凡婴儿初生下地，转脐好洗净后，用此散掺脐带下腹周围。每日换尿布时，仍掺此药。完此一料，永无脐风等患，屡试灵验，幸勿轻视。

按：潮州习俗，信用“封脐膏”一块，以封小儿脐带。究不知“封脐膏”是何药物，所制尤无定方，多由药店渔利伪制，每致误人性命，愚甚悯焉。遂录此方广传，万无一失，亦免受药店渔利者所误。

预防婴儿痘疮验方 治婴孩初生两日内，未吃乳之前，先滴服此汤，或免痘疮等患。

大黄三分 黄连三分 银花七分 甘草二分

水煎。先用朱砂末擦小儿口内，继服此汤一剂，屡试神效。

脐风撮口方 凡脐风撮口者，多由小儿初生，脐带露风所致。急视牙根并上颚，有白泡子，用青布裹纸擦破，用生葱捣烂敷脐上。春夏加鲜艾叶，和葱捣敷。如脐旁皮破处，以绢裹之。宜预备宣风散，服之甚效。

宣风散

全蝎二十一个，去头足，洗净焙乾 真麝香五厘

二味，研极细末和匀，每服二分五厘，用金银花煎汤送下，一二次神效。

小儿疳积仙方 治小儿一切疳积，肚腹胀大，面黄瘦弱，虫积腹痛。一服虫除，继服肥儿糕，甚效。

真麝香五分 雄黄精三钱 胆星二钱 全蝎一钱，去头足 僵蚕一钱五分，姜汁制 巴豆霜一名江子仁，取壳与心膜，用纸包压去油，净霜五分

上药各秤净末和匀，用神曲五钱，煎汤泛药末为小丸，如绿豆大，每吞一丸，吞至大便泄泻为止。

愚按：此丸专治小儿一切疳积等症，大有效力。继用后方肥儿糕，调养最宜。凡服此丸见效者多矣！

经验肥儿糕良方 专治小儿一切疳积等症。经服前方得效后，大便不实，肌肉瘦削，面色痿白，夜寐盗汗，一切虚症，用此方补养极效。

山楂二钱 茯苓二钱 白术二钱，土炒 扁豆一钱，炒 陈皮钱半
山药二钱 莲子二钱，去心 砂仁八分 薏苡二钱，炒 桔梗五分
甘草五分，炙 乌枣三枚

上药合五帖作一料，共研细末，和糯米粉，加赤沙糖少许，做成糕，蒸熟令儿吃，甚效。如疳积日久，午后发生潮热者，依此方加胡黄连一钱，用水煎服，亦效。

消疳无价散 治小儿疳积百症，并治疳眼。

石决明一两半，火煨 炉甘石五钱，火煨 滑石五钱 雄黄三钱
朱砂五钱 冰片五分 海螵蛸五钱，去壳，火煨，醋注

共为细末，量儿大小，或三分，或五、六、七分，用不落水鸡肝一具，竹刀切片，上开下连，掺药散在内，将箬包好入砂锅内，米泔水半碗，重汤煮熟，连汤食尽。眼盲者服四五服即愈。

新加鸡肝散 专治小儿疳积伤眼，两眼生翳，昏不见物，甚至障瞎，目多流泪，屡试神验，万应万灵。

石决明一两九孔者，火煨，注重便 炉甘石六钱，煨 赤石脂五钱，煨
海螵蛸四钱，去壳，火煨，醋注 朱砂五钱，水飞不见火 雄黄精四钱
滑活石八钱 鸡内金三钱，焙 夜明砂三钱

共研细末，每岁用一分至二分，用不落水鲜鸡肝一具，竹

刀切开，掺药散在内，箬包扎紧，入砂锅内，米泔水煮熟食之。极重者，三四服即愈。此药忌见铜铁锡器，犯之无效。

小儿夜多遗尿方

桑螵蛸七个 嫩桑枝一尺，切片

水煎，服三四次，即愈。

小儿肠头脱下方 一名脱肛。

鳖甲一具，烧存性。研末，和香油调敷数次，立愈。

小儿口内生痘方

活鲫鱼一尾，煨存性 冰片二分 硼砂一分，煨

共研细末，擦口内，即愈。

又外法，方用吴茱萸二钱研末，调冷水，敷两足心，日易数次，亦效。

小儿癩疮方 无论头面初发，或破烂，暑天尤多，擦之皆效。

水银五钱 松香钱半 青黛钱半 牙硝钱半 铜青二钱，一名铜绿 银纸灰二钱，即北省长锭灰

共研细末，香油调敷。凡初发者即消，已破者收口，极效。

小儿头上秃疮方 一名蛀毛癣，一名臭头烂。

水龙骨三钱，火煨 白头翁三钱，烧灰 三仙丹一钱 生石膏三钱 松香二钱 硫磺二钱 牛皮烟钱半 蜜陀僧二钱 明矾钱半 水银三钱

共研细末，调香油，令小儿剃头发后，擦之即愈。

小儿生胎毒方 凡小儿发生胎毒，无论头项胸背手足，忽

然红肿，乍生寒热，疼痛呼号，种种恶症，用此方治之，立见奇效。

芙蓉花叶干者一两，生者捣汁和药更妙 五倍子一两 木鳖子七钱，去壳 生牡蛎粉七钱 生南星一两 土贝母七钱 风化硝五钱
共研细末，用茅根、薄荷煎汤，调药敷之，即消。

小儿阴户肿痛方

生葱连须叶三根 生乳香二钱
共捣烂擦之，立消。甚者，再擦即愈。

小儿头面耳目疮疮下疳诸般恶症方

樟脑二两 铜青一两 轻粉一两 枫子肉一两 蛇床子二两
寒水石一两五钱 雄黄一两五钱 黄丹一两五钱
硫磺豆腐制，一两五钱 枯矾二两 冰片少许
共研细末，香油调擦，立愈。

小儿黄水疮方 无论头面遍身，发生水流皆效。

石膏三钱，煨 龙骨三钱，煨 松香二钱 白矾三钱，煨 铅粉二钱

共研细末。疮湿者，干擦；疮干者，用香油调擦，神效。

小儿白秃头癞疮 俗称痢痢头，同治。

百草霜一两，烧山草者佳 雄黄一两 胆矾六钱 轻粉一钱
榆树皮三钱 川椒一钱，炒 松香二钱

共研细末，猪胆汁调。剃头后，用豆腐泔水洗之，待干，以药擦之。两日易药，一月即愈。

六气验方录

六气者，风、寒、暑、湿、燥、火是也。编辑者临症以来经验诸方，真正伤寒者十得一二，必究心仲景方；病六气者十居八九，所治愈诸症，效验诸方，摘发亦难枚举。因篇幅有限，不得尽录，按每气仅撮验方三则，以作初学之阶梯，非治六气诸方已尽于此也。恐浅学者未知六气为何物，举一反三，亦临症之一助也乎。

风症验方

岛侍诊先君时，见先君治风中六经，每用此方，辄获奇效。余亦尝用此方，治愈多人。盖此方为中风首方，故凡六经中风，口眼歪斜，半身不遂，语言蹇涩，及刚柔二痉，气血两虚，筋骨拘挛，角弓反张，周身酸痛，久年风积等症，大有效力，屡试神验；若诸汗者，切不可轻用。

小续命汤

人參一钱 麻黄七分 桂枝一钱 白芍钱半 杏仁二钱 防风钱半 防己钱半 川芎钱半 附子七分，炮 黄芩一钱 甘草五分，炙

水煎服。

按：此方为六经中风之总剂，加减如下：

太阳中风者，无汗恶寒，加麻黄、防风、杏仁一倍，名麻黄续命汤。

太阳中风者，有汗恶风，加桂枝、白芍、杏仁一倍，名桂枝续命汤。

阳明中风，无汗身热不恶寒，加甘草、石膏、知母，名白虎续命汤。

阳明中风，有汗身热不恶风，加桂枝、黄芩、葛根，名葛根续命汤。

太阴中风，无汗身凉，加附子、干姜、甘草，名附子续命汤。

少阴中风，有汗不热，加桂枝、附子、甘草，名桂附续命汤。

少阴厥阴，或肢节挛痛，或麻木不仁，宜羌活连翘续命汤。新加依此条，用秦艽易连翘，屡效。

三化汤 治中风邪气内实，二便阻隔。余曾用此方治胸膈窒塞，痞满胀痛，痛连心背，甚奇效。

川厚朴钱半 枳实钱半 大黄一钱 羌活二钱

水煎服，微利为度。

大秦艽汤 治中风，外无六经形症，内无便溺阻隔，血弱不能养筋，故手足不能运动，舌强不能言语，宜养血而筋自荣。余曾用此方治风火暴发，头痛便赤，手足筋急，即吾潮俗呼“风火乱筋症”。此方搜风、活血、降火，用之大有奇效。

秦艽二钱 羌活钱半 独活钱半 防风钱半 川芎二钱 白芷钱半 细辛八分 生地三钱 熟地钱半 石膏三钱 煅 当归钱半 白芍二钱 赤茯苓二钱 甘草五分 白术二钱，湿盛易苍术

黄芩钱半

水煎服。如胸膈痞满者，加枳实钱半。

寒症验方

回阳救急汤 治寒气直中三阴，肢厥神昏，乃伏阴吐泻，一切脱阳急症，服之真有起死回生之功也。

人参钱半 茯苓三钱 冬术三钱 甘草一钱，炙 陈皮钱半
半夏钱半 肉桂五分，冬倍 附子钱半，炮 干姜钱半 五味九粒
(加) 麝香三厘，或胆汁数点

水煎热服。

如夏月伏阴吐泻，加扁豆、木瓜各三钱。

民国癸丑，吾潮乡镇疫气流行，吐泻大作，染者十莫救一，服寒凉者，即日立毙。时见疫症初发，忽然大泻不止，饮冷即吐，大汗大喘，手足冰冷，十指螺陷（俗名凹螺痧，即西医名虎列拉症），舌缩声哑，唇吊齿焦，面青厥逆，脉息几绝，半日即死，医家束手，坐以待毙。

余目击心伤，细心体察，研究脉症。夫时毒厉气，必应司天，癸丑太阴湿土，气化运行，后天太阳寒水，湿寒合德，挟中运之火流行，气交阳光不治，疫气乃行。故凡人之脾胃虚者，乃应其厉气，毒从口鼻而入，病从寒湿所化，故吐泻作矣。治者，参合色脉，可全万一，症属阴寒，非回阳之法莫能挽救。时适潮阳港头乡副板贡刘家驹之夫人，传染此症，前医误投寒凉，致气息奄奄，已备死具，似万无生理。延余诊治，握其手，厥如冰冷；诊其脉，沉细将绝，惟两尺殊觉微动，命六之火未灭，始知被前医投寒所误。症从三阴直中，

脾肾之气暴脱，急用回阳救急汤，取三剂合一服，浓煎灌下；外用艾火灸脐下气海、关元两穴。再用老姜、生葱各一斤，捣烂酒炒热，先取麝香、硫磺各等分，填脐内，放热姜葱于脐上；另用布包姜葱，遍体熨擦，冷则再炒。须臾，手足微温，脉息渐回，转危为安，连服三服，即愈。

继有该症邻居刘木珠、刘阿河及同乡之张木林、张阿江等，同染此症，命在须臾，亦将各备死具，遂延余诊治。余切其脉，症与刘夫人同，随照前方、前法治之，亦奏奇效。其余愈此症者，竟难枚举。厥后，凡吾潮乡镇发生此症者，多传此方，与姜、葱、艾等法，治之全活甚众，时人称为吐泻神方，尽有起死回生之功，诚济世之良方也。

新加理中汤 治足太阴厥逆中气虚寒，大便不实，呕利腹痛，兼素体脏寒，脉沉无力者，甚效。

人参一钱 冬术三钱，土炒 干姜钱半，炮 甘草一钱，炙 附子钱半，炮 陈皮钱半 吴茱萸八分，炮 肉桂三分，冬倍 当归钱半 川厚朴八分

水煎服。

普邑在城，方奎君素性脏寒，久患泻痢，半载不休，时时腹痛，呕吐痰沫，面青唇白，脉沉细无力，饮食不易消化，肢肉削瘦，阴寒已极。余制新加味理中汤，连服三十剂而愈。

新加四神汤 治肾虚命门火衰，不能生脾土，致五更泄泻者，甚效。

故纸二钱，酒炒 吴茱萸钱半，炮 肉豆蔻三钱，麸煨 五味子钱半 乌枣十二枚 生姜三钱 诃子三钱，去核

水煎，空心温服。

潮阳郑鼎隆翁，年近七旬，旅沪三十余载，素禀脏寒、肾

虚，命门火衰，不能生土，故合夜鸡鸣至平旦，阳分将交时，必泄泻大作。前医用理中、六君等剂，屡投无效。延余诊治，见脉沉细微弦，面色黧黑，饮食如常，病则在肾；肾虚不能制水，水行大肠，故泻。余立四神丸，加诃子三钱，令作汤煎，连服五剂，即愈。编辑者前侍诊于先君时，每见脏寒年高洞泄，服温补无效者，用此方屡获灵验。

暑症验方

新加香薷饮 治夏月伤暑，头痛肢倦无汗者，甚效。并治手太阴暑温，无汗心烦咽痛者主之。

香薷穗二钱 扁豆皮三钱，花佳 川朴二钱 银花三钱 连翘二钱

水煎，取二杯，先服一杯得汗，止后杯；不汗，再服。服尽不汗，再取一剂煎服，以汗出暑解即愈。

编辑者每治夏月伏暑诸症，用此方加减出入，无不着手取效。如中暑热盛，口渴心烦者，加黄连一钱。若伤暑湿盛泄泻者，去黄连，另加赤茯苓三钱，木瓜二钱，甘草八分，水煎服，得效。

藿薷汤 治夏月多食生冷，内伤脾胃，外伏暑邪，头眩肢倦，霍乱吐泻，腹痛恶寒等症，服之，屡试屡验。若暑月伏阴在内，吐泻肢冷者，须用回阳法，此方不可轻投。

藿香二钱 腹皮二钱 紫苏钱半 陈皮钱半 赤茯苓三钱 苍术二钱，泔浸 川朴二钱 半夏钱半 白芷一钱 桔梗八分 甘草七分 香薷二钱 扁豆三钱

水煎，温服，汗出泻止，即愈；不愈再服。

按：此方专为暑月伤食伏暑而设，用之极效。除暑令而外，去扁豆、香薷，加姜、枣，专治四时不正之气。

清暑益气汤 治炎暑，太阳中暍，发热恶寒，身重而疼痛，其脉弦细或芤燥。若发其汗，则恶寒甚，数下则淋甚，可与此汤，即愈。此辛甘化汤，酸甘化阴之复法也。症因暑而伤风露之邪，手太阳标症也，切不可与伤寒太阳同例。汤内诸药，功在补肺生津，清热燥湿，非发汗剂所可比拟也。

人参一钱 黄芪一钱 当归一钱 麦冬钱半 五味七粒 陈皮钱半 青皮二钱 神曲一钱 葛根二钱 苍术钱半 白术二钱 升麻钱半 泽泻二钱 甘草一钱，炙黄柏二钱 （加）姜二片
（加）枣三枚

水煎服。

岛三本乡一农人，年四十，禀素薄弱。暑天耕种，劳役过度，喜用冷粥供餐，脾胃受伤，忽然吐泻大作，身热气高，汗多心烦，大渴，体倦神昏，脉虚。前医用藿香正气散一剂，症反剧。延余诊治，见脉弦细而迟，外恶寒而内吐酸，汗多气乏，此正太阳中暍，两感症也。即与清暑益气汤，三剂愈。

湿症验方

羌活胜湿汤 治湿气在表，上焦尤甚，头面目手足微胀，腰痛肢酸，或皮肤隐疮发痒等症，服行水渗湿药无效者，以此治之，屡奏奇功。

羌活钱半 独活钱半 川芎钱半 甘草七分，炙 蔓荆二钱 藁本二钱 防风钱半

酒水各半，煎，温服。如内有寒湿，加附子、防已得效。

若风湿周身酸痛者，除去独活、芎、蔓、草，加升麻、苍术，名羌活除湿汤。

岛三前往南洋暹罗治症，见该国地处热带，热甚则水气上腾，且人以饮寒浴冷为例。所患诸症，病湿者，十居八九，面目微胀，手足腰痛肢酸，六脉怠缓，舌白厚。余用羌活胜湿汤治之，屡效。后回国，尝往潮阳海门镇治症。见海门地近海滨，人多以渔为业，但海滨地卑，所患多属水湿，而湿性脚气独多。时用羌活除湿汤，亦极见效。近岁来沪，地多风寒，患者身痛肢疼，多属皮肤湿症，遂用羌活胜湿汤，亦无不着手取效。总而言之，地有南北之异，而用药亦当随时随地所宜。语云：医者欲活泼泼地，如珠走盘，勿执成见，则无往而不利矣。

加味肾着汤 治寒湿腰痛，如带五千钱，下焦寒甚，并腿膝酸疼，此带脉为病，名曰肾着；此方极效。

茯苓四钱 白术三钱 干姜钱半 甘草钱半，炙 故纸钱半
杜仲二钱 独活钱半 海桐皮二钱 川牛膝钱半

胡芦巴钱半

水煎服。

潮阳和平乡，范姓男，年近五十，素体肾亏，久患寒湿腰痛重着，步履艰难，遍请中西医，治疗反复。延余诊治，见脉怠缓，两尺沉弱，小便不禁，遇寒益剧，病湿在肾。余制加味肾着汤，连服十剂而愈。

甘露消毒丹 治热湿病从火化者，发热目黄，胸满丹疹泄泻，效验如神。但须察其舌色淡白，或舌心干焦，湿邪犹在气分者，投之无不痊愈；若邪深已入营者，当用神犀丹。方见《医效秘传》，学者参考原书可也。

飞滑石十五两 枯黄芩十两 石菖蒲六两 茵陈十一两 藿香四两 川贝母五两 白蔻仁四两 建神曲二两 连翘四两 薄荷四两 射干四两 木通五两

上为细末，每服三钱至四钱。

编辑者所录湿症验方三则，以羌活胜湿汤，治湿在上焦，重用风药，取风能胜湿之义；以羌活除湿汤，治湿在中焦，重用升麻、苍术，取升清燥湿之义；以加味肾着汤，治湿在下焦，重用温化，取热能散寒、温能胜湿之义；以甘露消毒丹，治显在三焦，症从火化，重用芳香逐秽，寒凉泻火，通窍利水，消毒清痰，取能活络渗湿之义。以上三则，乃素所治湿症验之方。至于五苓散、五皮饮、大桔皮汤、茵陈蒿汤等剂，亦治湿之要方。总之，湿症繁杂，病有阴阳寒热之分，药有温凉补泻之别，治者若能参合四诊，按症立方，倘有不愈之症者，吾不信也。

燥症验方

加味泻白散 治立秋以后，燥气内伏，暑热刑金，肺火炎上，喘咳气急，咽焦或痛，小便赤涩，脉实带数，舌苔鲜红者，甚效。此泻肺诸方之准绳也。

桑白皮三钱 地骨皮二钱 甘草一钱 粳米百粒 生知母二钱 条黄芩钱半 白前钱半，去须

水煎，饭后服。如气虚自汗，痰多者去生知母、条黄芩、白前，加西洋参、茯苓，甚效。要在方中粳米，能和中清肺，以防桑皮、地骨之苦降。今人用泻白散者，绝不用粳米，何哉？

按：吴菊通论泻白散，不可妄用，谓此方治热病后，与小儿痘后，外感已尽，其气不得归元。咳嗽上气者，可服，若兼一毫外感风寒风湿者，切不可服，恐桑皮、地骨引邪入肝肾之阴，而咳嗽永不愈矣。吴氏所论，极有高见，用者真之。愚亦深服其说，故特采录，以便参考云云。

清燥救肺汤 主治诸气愤郁，诸痿喘呕与秋燥发咳者最宜。

人参一钱 桑叶二钱 石膏三钱 甘草一钱 杏仁二钱 阿胶一钱，后下 麦冬钱半 枇杷叶二钱，去毛黑芝麻钱半

水煎，热服。如痰多，加川贝；血枯，加生地；热甚，加犀角，羚羊，量症加减，服之神效。

按：此方治秋分以后，燥气刑金，肺燥而咳，头重津焦，喘满气急，便赤肠枯，脉息微虚，或痰带血丝者，极效。若素性脏燥，肺枯干咳者，宜服琼玉膏，一二斤至验。按：琼玉膏，沪上洋药铺各有制备，取用极便。盖沪上洋药铺，不独琼玉膏有备，而丸散膏丹，皆能推陈致新，应有尽有。予旅沪数载，偶治肠燥干咳之人，每服此膏，屡获奇效。吾潮药铺，用药过简，而饮片虽然完备，至丸散膏丹，全无研及，是以医家少用；或者有疾，骤然依方炮制，临时取服，殊火毒未退，不特服之无效，而反助燥气尤烈，良可叹耶！

炙甘草汤 治燥金为病，并虚劳脏燥，肺痿痰咳，为调养之剂，屡获奇效。仲景治伤寒，脉结代心动悸，及肺痿多睡。《千金翼》治虚癆，《宝鉴》治呃逆，《外台》治肺痿，诸家主治，各有灼见，卓然成家。但此方不尽润燥，因治燥症成效，治法可知，故特撮录。然切庵润燥，推此方为首剂，用者自知。盖东垣所云：燥者，指肺与大肠，为燥金之谓也。

人參一錢 生薑一錢 桂枝錢半 麥冬二錢 生地三錢 火麻二錢 阿膠錢半，蛤粉炒 甘草二錢，炙 烏棗三枚

水酒各半煎，溫服。

古埕姚姓男，年四十二，患脏燥发咳，肢肉瘦削，夜寐怔忡，骨蒸潮热，便数肠枯，种种形症，几成癆瘵。延余诊治，脉见右手芤滑，余经阴数，舌干无液，症属太阴肺痿。余初与紫苑汤服十剂，痰咳骨蒸霍然，余症未减。遂令渠自制新鲜紫河车，依法炮制，连服五具，血旺气充，脉缓，诸疾减息。继用炙甘草汤调养，连服三十剂，应手而愈。

火症验方

三石大承气汤 治热毒传入阳明，胃府痞满，躁实坚结，凡杂症三焦，大热大实，脉息急实数，舌黑苔者，皆须以此下之，药力迅速；否则，不可轻用。

石膏三钱 滑石三钱 寒水石三钱 大黄三钱 川朴钱半 枳实钱半 芒硝钱半，冲

水一小碗半，煎一小碗，热服。

大承气汤 治伤寒热邪传里。须看热气浅深，方可用药，大承气汤最紧，小承气汤次之，调胃承气汤又次之，大柴胡汤又次之，盖恐硝黄性燥，切不可轻用。

大黄三钱 川朴钱半 枳实钱半 芒硝钱半，冲
水煎服。

杨姓男，年三十一，立秋后，燥气内伏，暑热刑金，喘咳连声，呕呃频仍，五六日不便，脉急实，舌焦黄。余制大承气汤，加桑白皮、括萎仁各三钱，一服泻下黑粪，喘咳呕

呃霍然。此肺胃与大肠合病，即釜下抽薪之法也。至桃仁承气汤，专为热结下焦，膀胱蓄血而设，用者须知。

犀角地黄汤 主治血衄便血，妇人血崩，赤淋实热等症。

山犀角钱半 生地三钱 白芍二钱半 丹皮二钱半

水煎服。

按：此汤虽曰清火，而实滋阴之剂。余每取治热入血室，血不荣经，胃热而吐血、咯血，屡获奇效。

凉膈散 泻膈上实热，三焦六经诸火之准绳也。

芒硝钱半，冲 大黄三钱 山栀二钱 连翘三钱 黄芩二钱

甘草七分 竹叶二钱 薄荷四分

生蜜一匙，水煎服。

按：此方治三焦六经诸火之通剂。如阳明内热，大便自通者，去硝黄，加石膏、滑石各三钱，名二石凉膈散。如内热盛，外恶寒，头重肢酸，大便自利者，减去二石，加荆芥、防风各钱半，名荆防凉膈散。临症者，须当参合色脉，随症加减，治之必效。

按：张洁古治膈上有热，用凉膈散，减硝黄，加桔梗，使诸药缓缓而下，留连膈上，其法颇超。

棉阳谷饶埠，富商张顶四翁，年七十一，素患寒积，常用六君子汤为饮剂。时值夏月，暑热内蕴，三焦伏火，头重肢热，心烦腹满，大便秘结，延该埠某医诊治。某医不辨脉色，以张翁素禀脏寒，不加细究，竟用理中、真武等剂，遂致唇焦舌黑，神昏面赤，谵言妄语，四肢作厥，不省人事。某医见其肢厥，尤以为寒甚，再用四逆、回阳等剂，致两目直视，一息仅存，汤药不入口者三日。该埠名医咸云不治，已备死具。时有亲眷张科翁介绍，延余诊治。余诊其脉，沉实

数极，伏而无伦，两便皆秘，舌黑苔如芒刺，兼之四肢作厥，此阳极似阴、厥深热深之症也。再被前医误投热剂，不特胃津受伤，且心液尽耗，正所谓抱薪救火也。余急令病家，先取金汁灌下，即立三石大承气汤，加犀角，日服三剂，病遂转机，体温脉出。惟两便未通，遂用大承气合犀角地黄汤，加紫雪丹服一剂，大泻黑粪盈盆，小便如血，脉息反洪，重按实数，始能语言。继用二石凉膈散，服三剂，火热退清。后用人参养荣归脾等汤，调养全愈。然不独热病见痊，而旧时寒积，亦随此而消灭。由此可知，寒因热用，热因寒用，临症者宜随时变通，因病施药，切不可拘执常法云。

杂症验方录

黄连汤 仲景用此汤，治胸中有热而欲呕，胃中有寒而作痛；或丹田有热，胸中有寒者，亦用此汤。

黄连一钱 干姜钱半 炮 半夏钱半 人参一钱，或用高丽、洋参可代 甘草一钱，炙 桂枝钱半 乌枣三枚

水一杯，煎六分，温服。

按：仲圣立此方，功在升降阴阳，取和解之意。编辑者用此汤，再加吴茱萸以散寒，良姜止心痛，砂仁温胃止呕，取治男妇久患肝胃气与关膈作痛，呕吐酸水，色如胆汁，痛连胁背者，屡试屡验（即吾潮所谓鸡嘴口风症），治之成效，此岛三家传之验方也。

半夏泻心汤 仲景用此汤，治伤寒下之早。胸满而不痛为痞，身寒而呕，饮食不下，非柴胡症，凡用泻心者，多属下，非传经热邪也，用者须知。

半夏二钱 黄连一钱 黄芩钱半 干姜钱半 甘草一钱，炙
人参一钱，或用高丽、洋参可代 乌枣三枚

水一杯，煎六分，温服。

按：仲圣立此方，治胸下虚痞，功在泻心。编辑者用此汤，再加枳实以消痞，竹茹活络，香附调气开郁，主治男妇胸膈痞满窒塞，饮食不下，或呕或不呕，时发时止，虚而挟实者最宜，屡试屡验（俗谓关格病，有似膈食之状）。或者主治此方，与前方黄连汤间服必效；此亦岛三家传之秘方也。

枳梗二陈加赭石杏仁汤 治气盛之人，湿痰为患，咳嗽气急，胸膈膨闷，或痰嗽年久，痞呕胁痛等症，极效。

枳壳钱半 桔梗钱半 茯苓三钱 陈皮二钱 半夏钱半 甘草一钱 杏仁二钱 代赭石三钱

水一杯半，煎八分，温服。

按：此方二陈利气消痰，再加枳壳、桔梗，能开胸利膈，以赭石镇纳肝气，以杏仁能泄肺邪而止嗽，见效甚速，安有不愈之病乎？此方乃先君自制经验肘后方也。

神效红白痢疾散 治湿热毒，红白下痢，脐腹结痛，里急后重，红白混下，昼夜无度，脉症稍实者，百发百中，万应万灵，真痢症神方也。

土茯苓四两，黑存性 生地炭二两 山楂灰一两五钱 金银花三两，微炒 川射干二两 广木香五钱 生甘草一两 陈枳壳七钱，炒

上药共研细末收贮，每次用药散五钱，加红糖或白蜜，用滚水冲服，日服数次，以痢止为度。

按：此方药多凉血、清热、解毒，所治热痢，见效于东南，不宜于西北。盖西北天寒地冻，痢症较少，遇有下痢，多

由泄泻后混合而成。脾气已虚，治宜温化，或脉症稍实者，间服此散，必效。

余前往南洋，见南洋各岛地居热带，热毒熏蒸，兼人多饮冷，湿热相搏，而红白下痢交作。吾华侨人士旅居海外者，最多此症。语云：无毒不成痢，此之谓也。余初用黄芩汤、香连丸等剂，治之无效。是以潜心研究，参考脉症，再仿海外老医，多用凉血解毒、清热行滞为主，遂制此散，着手取效。时见红白下痢等症，服此散而愈者，效如桴鼓，种种应验，非篇幅中所能殚述，成效卓著，传播海外。近来，南洋药铺多依此法而制备，以便病家利用，故曰神效红白痢疾散，诚验方也。

噤口痢神方 即仓禀汤。治热邪下痢，误服攻下等剂，反邪内陷，变成噤口痢症，头痛身热，及毒气上冲心胃，食入即吐者，此方极效。

陈仓米五钱 人参一钱 茯苓二钱 甘草五分 前胡钱半
北柴胡一钱 独活一钱 羌活钱半 枳壳钱半 桔梗八分 川芎一钱 生姜三片

水二杯，煎八分，热服取微汗。

沪北新闻鼎丰当店内，黄水君，年四十，忽感热邪痢症，外邪未解，某医误用承气攻下等剂，致热邪内陷，下痢无度，身热神昏，饮食即吐，点水不下，似乎命险。延余诊治，见表症未解，误下所致，遂立仓禀汤，服二剂，病即转机，继用连理汤（即理中汤加黄连），调治而愈；此屡次应验神方也。

秘传黄痧症验方 即黄疸症。此方专治五疸，无论阴阳寒热，久年坏症，腹胀肢瘦，口渴便赤，面目及周身皮如橘色，屡试屡验。

茵陈五钱 赤茯苓五钱 白术三钱 猪苓三钱 泽泻三钱 橘皮三钱 青皮二钱 瞿麦三钱 木香二钱 神曲二钱 肉桂一钱五分 莲子二钱 厚朴二钱 沉香二钱 淮山三钱 栀子二钱 黄柏二钱 糯米半合，炒 针砂三钱 皂矾二钱五分 飞面二两，炒或赤面亦好 乌枣肉四两

上药共研细末，捣赤面、乌枣为小丸，每吞五钱，米汤送下。

编辑者家传此方，记主治疸症，无论新旧，五疸吃之皆效。余初疑似，不敢轻用，厥后，适治疸症，反复无效，故检出此方，依法炼丸，令病家吞服，未几，疸症霍然。始悟止方，药多健脾，降气和中，清热渗湿，佐以针砂、皂矾，能消陈积之气；再加赤面、乌枣，炼药为丸，以和脾胃，配制得法，服之得效。此方功在丸药，不宜汤煎，恐皂矾味劣，不易入口；并使诸药留连，缓缓而下，用者须知。

天雄散 治阳虚亡血失精之神剂。

天雄五钱，炮 白术一两五钱 桂枝一两五钱 龙骨八钱，火煨 共研细末，每服二钱，日三服。治亡血，宜作散；治失精，宜汤煎。

余堂叔进源，年四十五，素禀阳虚，七情偏盛，心劳过度，时在冬月，忽然亡血，吐血盈盈，大吐不止，面白肢厥，额心微汗，倒卧气粗，脉息几绝。家人忽略，遂取回生散，和童便付饮，药随血逆而出，气息奄奄，一息仅存。适余外出治症归回，见脉症险恶，势防阳脱，非术附莫救。急到天雄散灌下，随灌随吐，须臾血止。遂用附子理中汤，连服十数剂，渐见气平神安。后用六君子汤，加桂附归芪，调养数十剂，始能安痊而复元。此余自行实验，屡次应效之良方也。

疔疮症验方 治一切疔疮初发，不论红白紫黑，发无定处，服之皆效。又试验疗法，令患者吃生黄豆，口内不知味腥者，便是疔发；若知腥味，非疔也。

白菊花四两 生甘草二两

水煎频饮，小儿半剂。

外贴验方：蓖麻子二粒，生乳香一钱，锤冷饭贴之，立愈。

又方：活蚯蚓一条，锤槟榔灰贴之，亦效。

又方：蜚子二粒，去壳，黑存性，蓖麻子五粒，银朱一钱，共锤烂贴之，亦效。

又方：牛屎龟（即半天雷）一只，锤黄糖贴之，亦效；鼻疔最验。

月云疽验方 一方湿癣，一名顽癣。面部周身发无定处，乡人最多此症。

锡粉五钱，一名铁锈 轻粉一钱 樟脑一钱 黄柏二钱 朴硝二钱 大风子二钱，存性 明矾三钱 胆矾二钱 川椒钱半 雄黄二钱 芫花二钱，微炒 硫磺三钱 白芷二钱 三仙丹一钱，一名小升丹，一名黄降丹 砒霜八分，即信石

共研细末，用老姜蘸白醋，和药散擦患处，效。

治疯狗咬伤验方 此方田余杭临安池君，派人往萧山来府求方，蒙子久先生将其祖传经验灵方抄示，再由余杭段废坡、王舜廷、叶倚春、张荇青四君，刊登《沪杭日报》，以广流传，并收回从前刊送之龙虎降毒丹；因该丹未臻完善，即附登广告声明。

正（陕甘）麝香须当门子八钱五分，产锦州者力薄，不可用 西牛黄八钱五分 大冰片一两零五分 真珍珠一两零五分 制炉甘石二两一钱 飞月石即硼砂，二两一钱 上腰黄即雄黄精，五两三钱二分 火硝即

白牙硝，一两零四分

各药秤准，共研极细末，试放舌上无灰为要，用玻璃瓶收贮，勿泄气。每用二分，点擦患者内眼角，男左女右，忌房事，忌食发物及锣声、麻席等项。

余适阅沪上新闻报纸，登载此方，见其所述之效，有如置邮，故特采录，以公同好。余前屡见乡邻受癫狗咬毒而毙者，死状极惨，是以刊方合药施救万一。其所制诸药，皆属喉科珍品，以余验之，此散兼可吹治喉症，谅必见效。

島三笔述

今之世界，战争剧烈之世界也。有形兵战外，各界战争比比皆是。盖优胜劣败，在现代天演公例，已成为不易之论。故生存于今之世者，实有不得不战、不得不争者存焉。

就医学一端言之，夫西医进步之速，中医进步之迟，何也。推其原因，在乎教育普及与不能普及耳。盖西医由普通而入专门，藉科学器械的发明，穷理与实验互相因果。且注重科学为立国根本，医校林立，竟加奖励以博士、硕士、学士等学位，故其进步之速，实由于此。吾国医学，发明最早，远在五千年之前，时至今日，有传无教，仅案头抄方，即悬壶市上。昔圣先贤之遗书，概未研及，且雅为饰词，不曰古方不合今用，则曰尽信书不如无书。呜呼！医学之所以不明者，此也。

島三少治举子业，适科举既罢，随侍诊于先君之前，即

萌提倡医学之念，及出而临症，此念旋起旋落，循环不已。而屡编屡止者，则以医学关乎人身性命，稍一不慎，遗祸无穷也。岁戊午，挟术游申江，见世界潮流之趋向，此志益坚。无如人事倥偬，行与志违，然此志无时或息也。次年春，从者慕我虚声，竟来就学。吾即以先君授业者授吾徒。吾徒苦其随讲随忘，因编成是书，名曰《撮要医学必读》，俾吾徒为诵习之本，可免随忘之苦，非敢自谓提倡医学之念已尽于此也。然愿学者苟进而求学理于《内》《难》《灵》《素》诸书，探药性于《神农本草经》、时珍《纲目》，研六气于《伤寒》，究杂症于《金匱》，索脉候于叔和、濒湖之脉学，加以博览群籍，如东垣《十书》、丹溪《心法》等，或补阳，或滋阴，或泻火，或逐邪诸说，及吴、叶^①之温热，葛可久之《十药神书》，再加发明，熟夫古，通夫今，由普通而入专门，以期教育普及，则吾国医学不难一跃而驾乎东西洋之上也。吾愿后之学者，勿疑吾言，共存战胜之心，则吾国医学前途之幸，亦下走所馨香而祝之也。

① 指请医学家吴鞠通，著《温病条辨》；叶天士，著《温热论》。

《中医必读》增辑

小 引

吾家行医，世代相承。高祖李子铭，曾祖李和声，名医于世，有口皆碑。传到祖父李岛三，继承祖考医学，精治内外伤全科，尤擅奇难杂症。他从青年时期，即挟术海外，遍历南洋诸岛，即东南亚各国考察行医，所到之处，活人无数，受到华侨人士的赞扬和敬仰，影响颇著。后回国，在广东、福建、江苏、浙江、山西和上海各地，一面行医，一面挖掘祖国医学宝库，学识日广，黄术益精，被誉为“大国手”。他在受聘担任上海广济医院中医科主任期间，刀圭所投，着手回春，并不断总结丰富的实践经验，著书授徒，所编《医学必读》（今名《中医必读》）便是。该书既遵古经，阐发微旨，对祖国医学理论有所贡献，又是多年经验的总结，为后学之入门捷径，病家之无言良医。

先父李少三，自幼善承家学，存心济人，并深造于上海新中国医学院。毕业后，任上海中国国医院医师，悬壶沪淞，医名亦著。在祖父编著《医学必读》一书时，他全力协同校订。该书既成，他的医术因而大进，精治内外全科，更擅惊风。所著《儿科惊风概论》即其心得也。

开山为继承先辈医学事业，自幼即立志岐黄，刻苦奋竦，跟随祖父、父亲学医学药。每有疑难之症，先辈必阐蕴发微以授之，言传身教，临证实践，再加博览家中所藏医经文史，因而医理医术颇有长进。余少年行医，内外全科，迄今已数

十载矣。为继承先志，充实《中医必读》内容，特将先父李少三所著《儿科惊风概论》，及余多年积累的治症经验《儿科诸症》、《奇难杂症》和家藏医案，作为增辑，如有益于医者与病家，则幸甚焉。

李开山


——于汕头德兴路 97 号 2 楼医寓

卷一

儿科惊风概论

李少三 著

李 新 李森泰 校
李立新 李伟新



一、绪 论

夫幼科一道，自古以来，皆认为百倍难于成人者，何也？以人之初生，其骨气未成，形声未正，悲啼喜笑，变态无常。此气血未充，脏腑未坚之故。是以徐灵胎有言曰：“小儿体属纯阳，脏腑未充。”以未充之体质，处地气交之中，裸母或有疏忽，感受风寒，不能自道病苦；即能道之，亦惆怅而莫可准耳。种种隐奥，难而且繁，故世人称之为“哑科”也。

然而，小儿无七情之所伤，病虽复杂难治，却逃不出脏腑气血；症情多怪，怪不过寒热虚实；病纵难知，瞒不过颜色苗窍；症或难辨，总不脱五色之分；诊断准确，对症下药，自不难迎刃而解。惟此非普通医生所可道，必赖之专门技术也。

近世所谓幼科专家者流，每见小儿有发热、四肢抽搐、角弓反张、撮口弄舌等状，并不察其为外感内伤、寒热虚实，概以“惊风”名之；又将“急”“慢”两字驾驭其上，名为急、慢惊风。然惊风之谬传，由来已久，不知起自何代，亦不知以何根据而稽考。惋近治儿科者，竟动言少儿多惊风，而临床茫然莫辨，一见有可疑似之处，则开口惊风、闭口惊风，甚至以一药统治。如药肆中所售之“小儿回春丹”、“保婴丹”、“镇惊丹”等，仿单内开明，并治小儿急慢惊风、发搐癰疽、内外天吊、伤寒邪热、斑疹烦燥、痰喘气急、五疳痰厥等症，不一而足，写得天花乱坠，原不过推广销路而已。

独怪无知之时医，一见小儿发热、气急烦燥等象，甚至于尚未见有手足抽掣之状，动辄“回春丹”、“保婴丹”，以为预防惊风。岂知此等药猛烈万分，安可滥投！似此自欺欺人，实属大谬，危险殊甚！

夫小儿初生，以及幼童阴气未足，性属纯阳，易致生热。热甚生痰、生风、生惊，亦所恒有；腠理不密，易受寒邪。寒邪中人，先入太阳经。盖太阳之脉起于目内眦、上额交颠，还出别下项、夹背抵腰中，是以病则筋脉牵掣动，遂有抽掣搐搦；世之妄称惊风者，即此也。

兹引先哲陈修园云：“小儿病，多伤寒，稚阳体，邪易干，凡发热，太阳观；热未已，变多端，太阳外，仔细看，遵法治，危而安。”由斯可以证明，小儿稚阳，腠理不密，风邪之易干也。风为百病之长，古有明训。又见其汗出不止，神昏不醒，便以“慢惊”名之。病家缺乏常识，受其蛊惑，购以“回春丹”治之，以为万无一误，安知轻者变重，重者竟呜呼哀哉，而名登鬼录，此是谁之过欤？果谁为之耶？以孩提娇嫩之躯，遭此无妄之灾，宁不哀乎？噫！不死于病，而死于药；不死于药，而死于医；不死于医，而死于惊风之咎耳！

夫病万变药亦万变，为医者若墨守绳规，病变而药不变，向之寿民，今为殇子矣，良用惻惻，奚后辈主人翁之不幸若是耶！余不敏，能无感乎？今将付梓之期，爰将一得之论，草作斯篇，但学识谫陋，谬误之处，在所不免，尚希海内高明予以指疵斧正，则幸甚焉。

二、定 名

惊风之立名，其初不过就其病状，信手拈取。而后人竞于惊啼悲哭，名之为惊；目痉斜视，亦名之为惊；谵语闷乱，名之为惊；手足抽掣，亦名之为惊；痰壅喘急，名之为惊；角弓反张，亦名之为惊。其症既非尽因惊而得，亦悉非由风而来，以其形之似惊，而状之如动风者，则概以惊风名之。然惊风之名，不见于古，迨至近世，其说始盛。后之穿凿附会者，既未探其病理，亦未能定一范围，徒广增名目，如“畜惊”、“人惊”、“蛇惊”、“天吊惊”、“四足惊”、“天雷惊”，等等，多至七十二种之名，以炫世而欺人，巧立疗法，而狂药乱投，陷小儿无知于非命，良可叹也。

其实，即以所谓手足抽搐、角弓反张之惊风而论，亦只有虚、实二种而已。实者，即急惊；虚者，即慢惊也。其他如惊之状，则凡小儿发热之甚者，或发热过久者（过久、热极，皆能化火上蒸脑部，而现神经症状），不论何病皆每每见之。若果悉以惊风名之，则百病皆为惊风矣！此“惊风”二字之所以不可不辨也。

考古之痉病，即今之所谓惊风也。刚即急，柔即慢，时贤多有此说，非敢独创新论，矜奇立异。查今之所谓惊风者，其症状多与西国之脑脊髓膜炎同，是惊风即脑脊髓膜炎也。然脑脊髓膜炎，大人亦能感染，此稍异耳。西国以细菌为病源，而我国则以六气为病因。惊风之称，据细菌学则名实不相符。

然苟骤以废除，则不能得诊断之标的，更无法以施治矣。且惊风之名，治用已久，以便易于认识起见，姑仍其名。兹别为急惊风，慢惊风二种，分述于后，附骥落俗之讥，在所不计焉。

三、急 惊

原因：小儿脏腑薄弱，气血未充，内因饮食之所伤，外受时邪之所侵，正气偶衰，邪从虚袭，初由口鼻而潜入，继由经络以传布，病势鸱张，热自内生；热甚侵肝，肝升风动，于是发为惊状；此惊风之起因也。惊风之作，既由肝升风动，故其势剽疾。筋受熏灼，则骤见四肢瘈瘲，抽搐无定；风循脊背，则骤见角弓反张，脊硬项强；风升颠顶，则骤见头痛如劈，目痉神昏；痰随风升，则骤见喘息不匀，喉中鸣响也。至于今日所谓流行性脑脊髓膜炎者，其病死亡甚速，因时岁不正，时邪必盛，一经感染，不易施治，此惊风之最重症者也。

病理：小儿为纯阳之体，诸邪感受，化热至速。且小儿又多血气未充，肝虚易为邪乘，以此二因，可见急惊之病理。痰率为肝升太过，肺失清降，古人所谓“木旺无制，金气不伸”也。因肝升太过，故热势上炎，病多面红目赤，下肢反冷；因肺失清降之职，致关窍不通，邪无出路，郁久化火，上侵脑经，中烁肺胃。当其初起之时，邪循太阳之经，故多恶寒项强，寒热无汗。继则由少阳而转属阳明，或直传阳明之

经，故由发热恶寒而渐见壮热；或辄见壮热不清之症，此时虽有汗出，邪已内传。故患是症者，恒多有汗热不退者。邪既内传，肝升风动，轻者痰升呕吐，肺胃受病；重者神志昏聩，神明为蒙。是以患是症者，常见发热而渴，有痰及神昏不语之象也。至于头痛项强，角弓反张，四肢抽掣，目窜或痉，因太阳经脉所属，由目内眦上额交颠，从颠入络脑，还出别下项，循肩转内，挟脊抵腰中；入络肾下属膀胱，循髀外下至踝，终足小指。此诸症状之所以叠现也。剧者太阳之本病未除，邪反愈趋愈深，热势不退，伤津烁液，致令神气不续，至于虚脱而死；轻者邪从汗解，热从溲泄，则霍然而愈，此其大概也。

症状：初起有恶寒发热之象，继则四肢忽然抽掣，牙关紧闭，项背强硬，再而壮热无汗，面红目赤，痰升气促；甚则头痛如劈，起卧不宁，角弓反张，手足厥冷，间兼呕吐，或泄泻，或大便坚结，或小溲不利。其最重者，状见目睛直视不能瞬，手足挛急，头反折，口噤不开，多属棘手之候。

治疗：昔贤有言：“小儿急惊属肝木风痰有余之症，宜平肝镇心，驱风消痰，降火势，清内热。”此廖廖数字，足以言尽急惊之治法。惟病有深浅，治有先后，初起宜发表以祛邪，寒重则辛以兼温。继则热势内炽，宜内清外澈，表里并治。重症神昏痉厥，宜平肝镇心；危症邪深津耗，宜解毒生津，此其大概也。

兹再将一般治法分述于下：

一、初起表邪颇重，形寒热不壮，手足抽掣，项强或头痛，舌苔薄白者，宜葛根汤。

二、初起发热恶寒，惊风烦闷，痰热作搐者，宜参苏饮。

三、惊风一二日，寒微热甚者，宜葛根汤去麻黄、生姜之辛温，易豆豉、葱白之辛凉；肝胆热甚，心肺受灼者，加黄芩；热而作呕者，加竹茹、黄连；湿滞身重者，加苍术、茯苓以渗湿。

四、惊风形寒壮热，便阻腹胀，抽掣口噤，表里俱实者（此症甚少），宜防风通圣散。寒热如疟者，宜达原饮；疫疠之气流行颇盛者，酌加玉枢丹。

五、惊风数日，壮热欲狂，大便秘结者，宜调胃承气汤；热盛口渴，灼筋成痉，不宜遽下者，宜葛根、白虎合治之。

六、惊风发表祛邪无效，其人血虚内寒者，手足厥冷，脉搏迟细，宜仲圣当归四逆汤。其人体质实者，汗出不解，内热仍蒸，宜葛根汤、白虎汤合治之。

七、惊风角弓反张，神识时明时昧者，宜梔豉汤中加开郁发表之剂。热重者，再加清热之剂。

八、惊风昏厥者，宜辛凉解表，清凉退热，加羚羊角，以平肝镇心；痰多者，加鲜菖蒲、竹茹；便坚者，加瓜蒌；血热者，加鲜生地、犀角；邪重热盛者，开泄，如至宝丹、紫雪丹之类，以及解毒，如元参、板蓝根、菊花之类，均可随症酌量加入。

九、抽掣略减，神识略清者，宜天麻、钩藤，以熄风平肝镇痉；生地、丹皮，以养血清热；羚羊、白芍，以清热舒筋；元参、麦冬，以养阴退火。余如石决明、西洋参、知母、石斛等，皆可随症酌加。

十、病后余邪不清，血中有热，朝凉夜热者，宜青蒿鳖甲汤清之。其有急惊重症，侥幸得愈，往往筋络偏废，或变成痴呆者，终身不治。

至于用药大体，初起不可轻用走窜开泄之剂，以过耗之。病之中驱期，不可过用消导攻下之剂。病后，则不可过服滋腻之剂。此其大略也。此外，病情复杂，殊难拘一定之治法，全赖有道之士，临床诊断，生心化裁，神而明之。

现将急惊要方列下：

葛根汤：葛根，麻黄，桂枝，白芍，甘草，生姜。

参苏饮：人参，紫苏，干葛，前胡，半夏，赤苓，枳壳，陈皮，桔梗，甘草，生姜，大枣。

防风通圣散：防风，川芎，当归，白芍麸炒，大黄，薄荷，麻黄，连翘，芒硝，石膏，黄芩，桔梗，滑石，甘草，荆芥，白术，栀子，加葱白，生姜。

达原饮：黄芩，甘草，白芍，厚朴，草果，知母，槟榔，加生姜，大枣。桂枝、柴胡、葛根、豆豉、葱白等，量症酌加。

调胃承气汤：大黄，甘草，芒硝。

白虎汤：石膏，知母，甘草，粳米。

梔豉汤：梔子，豆豉。

青蒿鳖甲汤：青蒿，鳖甲，生地，知母，丹皮。

礞石滚痰丸：青礞石煅飞，沉香；黄芩，大黄。共研细末，水泛丸如梧子大，每服三钱。

已风丹：天竺黄，防风，钩藤，白僵蚕，白附子各五钱。共研细末，炼蜜为丸，每服一二丸，祛诸风退热。

玉枢丹：山慈菇，五倍子各二两，大戟一两，千金子一两，去油洗净末，蚤休，雄黄各五钱，麝香二钱。共研末，每服三分。治一切喉毒时痧时疫。

至宝丹：犀角，朱砂，玳瑁，琥珀，麝香，龙脑，金箔，

安息香，西牛黄。治中风卒倒，中恶气绝，痰饮不语，神魂恍惚，头目昏眩，睡眠不安，唇口干燥，伤寒谵语，心肺积热，伏热呕吐，邪气攻心，大肠风秘，血气不通，寒热交错，中热疫毒，山岚瘴毒，水毒蛊毒，中一切物毒，妇人难产闷乱，胎死不下，产后血晕，口鼻出血，恶血攻心，气喘吐逆，小儿诸痫，急惊心热，卒中客忤，烦躁不眠，风延搐搦。

紫雪丹：石膏，寒水石，磁石，滑石，犀角，羚羊，青木鱼，沉香，元参，升麻，丁香，甘草，朴硝，硝石，金箔。治烦热不解，口舌生疮，狂越躁乱，瘴毒，一切实火闭结，小儿惊痫百病，解热药毒发。

通天散：以手点姜汁，蘸药少许擦牙。

神效搐鼻散：少许，吹入鼻中。治番痧臭毒，腹痛如绞，气闭神昏。

嚏惊散：治急救卒死。每次用如一豆许，以管子吹入鼻孔，立醒。

四、慢 惊

原因：凡小儿或因久疟久痢，痘后疹后；或因寒食积滞，过于攻伐伤脾；或因禀赋本虚，误用凉药；或因急惊攻降太甚；或因失于调理，虚极生风，皆能致此。江笔花曰：“欲所称为慢惊风者，脾虚生风也。小儿或吐或泻，久则脾虚，肝木乘之，面色青白，手足微搐，是内风侮土，非外风也。阳衰神怠，气息短促，是中气脱乏，非惊吓也。”于此可见慢惊

之原因，全由内虚，与急惊之为实症者，迥然不同矣。

病理：既知慢惊之原因，又与急惊一虚一实，居于极相反对之地位，明于此，则慢惊之病理不言而喻矣。然大要言之，慢惊之病理，不外乎脾阳不运，心肝交疲，神衰气怯，内虚生风诸端而已。慢惊之为患，不在病邪之内侵，而在正气之微弱也。其间症状虽与急惊有疑似者，然虚实竟属不同。例如：急惊之口噤咬牙，为关窍不通，故搐鼻不易有嚏，而嚏出则其噤可减；慢惊之口噤咬牙，为阳衰阴潜，故其噤时而自松，并非关窍不通，搐鼻常能喷嚏。又如急惊之角弓反张，因邪循脊项故反折，痉急而有力；慢惊之角弓反张，因脊髓亏乏，故牵引柔弱而无力。由是视之，慢惊之病理，总离不了一“虚”字耳。

症状：初起多因吐泻之后，发热不退，睡卧不宁，渐见头昏脑胀，四肢抽掣；继则神昏气喘，眼翻惊搐，或乍寒乍热，或二便青白，甚至口噤咬牙，角弓反张，腹中气响，喉内痰声漉漉，口唇虽开裂出血，而口中气冷，目光昏暗。重者面有额汗，四肢冰冷，或摇头吐舌，或眼合不开，或睡着露睛。若见身冷黏汗，直卧如尸，喘嗽头软，背直口噤，头摇唇缩，气粗喉响，面无润泽之色，皆不治。此其症状之一斑也。

治法：慢惊不但与急惊寒热悬殊，且攻补亦随之迥然各异。大概初起之时，症状尚未尽显，而仅见吐泻，时作惊状，治应和脾镇肝为主，宜惺惺散。或吐泻不止，脾困不食，津液化涎，痰声漉漉者，宜汤氏醒脾散。惟全蝎、蜈蚣、冰麝、金石诸药，则切宜慎用；其有势急不得不然者，则一用即止。随用四君子汤、理中汤之类，为其调治。痰声不降，虚实参

半者，先用隐君礞石滚痰丸，以治其标；次则仍以四君子汤加减治之。慢惊病进，现虚寒或假热之症象者，宜逐寒荡惊汤，甚者加味理中地黄汤。慢惊不已，脾土虚寒，阳气衰微者，宜六君子汤加炮姜木香，或加附子以回阳。痰盛者，宜青州白丸子。元气亏损，或至昏聩者，可急灸百会穴，或用海藏返魂丹。然近世小儿禀赋薄弱，体质日脆，倘遇慢惊，不治于先，则多不救耳。

现将慢惊要方列下：

惺惺散 每服二钱，加生姜、大枣，清水煎服。治小儿吐泻脾弱，内虚生惊。

醒脾散：治吐泻不止，痰作惊风，脾困不食。

四君子汤：人参；茯苓，甘草，白术。

理中汤：人参、甘草、白术，干姜。

逐寒荡惊汤：伏龙肝，丁香，炮姜，胡椒，肉桂各一钱。治因风热不退，及吐泻而成者。总属阴虚阳越，必成慢惊，非感风寒可比，故不宜发散。治当培元固本，引火归元，先用辛热冲开寒疾，再进温补。

加味理中地黄汤：熟地，白术，党参，当归，炙黄芪，破故纸，酸枣仁，枸杞子、炮姜，山茱萸，炙草，玉桂，加生姜，红枣，胡桃肉，灶心土。煎水煮药，加附子煎水搀入。治泄泻不止。一二剂后，去当归，加丁香；大热不退，加白芍。

六君子汤：人参，茯苓，白术，炙草，陈皮，半夏。

青州白丸子：半夏七两，天南星三两，白附子二两，川乌头五钱，去皮脐。诸药生研为末，以绢袋盛之，于井水内摆出粉，以尽为度。如法晒露，为丸如绿豆大；每服二十丸，姜汤送下。治风痰壅盛，呕吐涎沫，口眼歪斜，手足瘫痪，妇人血风，小

儿惊风，痰盛泄泻。惊风每服四五丸，薄荷煎汤送下。

返魂丹：乌犀，水银，天麻，槟榔，僵蚕，硫黄，白附子，川乌，独活，干蝎，草薢，肉桂，细辛，防风，天南星，阿胶，霍香，乌蛇，沉香，羌活，白花蛇，麻黄，半夏，羚羊角，陈皮，天竺黄，木香，人参，干姜，茯苓，蔓荆子，晚蚕沙，败龟板，藁本，桑螵蛸，白芷，何首乌，虎骨，缩砂仁，枳壳，丁香，厚朴，蝉衣，川芎，附子，石斛，肉豆蔻，龙脑，雄黄，朱砂，膩粉，麝香，乌鸡，狐肝。治小儿癫痫，潮发癰疽，口眼相引，项背强直，牙关紧急，及诸病久虚，生风多睡者。

五、结 论

急慢惊风之原因、病理、症状、治法等，既如上述，然不过言其梗要而已。此外。现症不一，变症亦多，有兼因必有兼象，殊难罄述。然綜上以观，惊风固为二种。急惊者，即《金匱》之刚痉；慢惊者，即《金匱》之柔痉也。惟世俗所称之惊风，犹不止此，其余果何以名之耶？名之曰“类惊风”可耳。因其症状虽略同，而实则不同，原因亦异，治法自有差别。此非余特创此名，不过以资分别，而便于认识也。夫类惊者，有因热而惊者，因痰而惊者，因食而惊者，因暑而惊者，因恐而惊者。因泄泻而惊者，各有其原因之不同，他日有暇，当再为详述，兹不赘。

小儿当惊风搐搦之时，切不可把持不令动，宜放卧床上，

任其动作。卧室须安静，勿高声怪叫，致令惊怖；看护人外，禁闲人在房出入；床脚可垫毛毡，免使震动，方为适宜。患者头部可贴冰囊，食物宜取流动性，家人看护须要周到。如在哺乳期内，乳母当绝对慎口，以免服药无效；否则，虽仲圣再世，亦无法以施治矣。

兹篇所述，不及余所欲言者十之二三，只因时间短迫，未克畅言，寥草斯文，以备塞责耳。

卷 二

儿科诸症

李开山 著

李 新 李森泰 校
李立新 李伟新



一、 儿科验方秘方

1. 幼儿伤风感冒验方

冬桑叶 8克 杭菊花 8克 钩藤钩 3克 生石膏 10克
信前胡 5克 广陈皮 5克 北杏仁 5克 生甘草 3克
水煎服，每日 1 剂，连服自愈。

2. 小儿麻疹验方

小儿麻疹开始发烧或感冒之状，注意眼睛有轻泪汗状而含油光滑，继而背胸有红斑数点，或带咳嗽，即是麻疹出现，治宜透表清宣法。

麻黄 1克 北杏仁 5克 粉葛根 8克 生甘草 3克 赤芍药（去根） 5克 赤连翘 5克 条黄芩 8克 鲜芦根 10克
生石膏 10克 钩藤钩 2克 桑枝片 10克 肥知母 10克 羚羊丝 1克

水煎服，每日 1 剂，连服可愈。

3. 小儿肚痛肠胃病验方

小儿因饮食不节，油腻积滞肠胃；或食寒冷食物，致伤肠胃，引起肚腹疼痛之病，有消化不良现象。治宜温胃舒肠止痛法。

川厚朴 10克 川黄连 5克 广木香 5克 生甘草 3克

炒谷芽 10 克 干白芍 5 克 干山楂 5 克

水煎服，每日 1 剂，3 剂可愈。

4. 小儿肝炎（黄疸肝炎）验方

患黄疸肝炎，乃因肝胆两经郁瘀，致胆素泛于周身，目白带黄色；重则全身发紫黄色于皮肤外表。治宜清肝却黄法。

溪黄草 15 克 黑栀子 10 克 条黄芩 10 克 竹柴胡 5 克
天花粉 15 克 广青皮 3 克 小木通 5 克 生薏米 10 克
赤芍药 8 克 牡丹皮 3 克 粉甘草 5 克 金钱草 5 克
水煎服，每日 1 剂，连服至全愈。

5. 小儿气喘病验方

小儿因元气先天不足，身体虚弱，易外感气喘，长期患病变成慢性支气管炎。治此病应固本补原之法。

高丽参 2 克 百部 5 克 北杏仁 5 克 甜桔梗 3 克 天
门冬 5 克 川茯苓 5 克 广陈皮 3 克 炙甘草 3 克
水煎服，日服 1 剂。

6. 幼儿夜眠啼哭验方

乳婴幼儿夜啼，睡而不静，多因心经火气上升于脑神经引起。余治此症都以退心之火，清脑之热，患儿自能心安脑静，睡眠正常，啼哭亦止矣。

金蝉衣 5 个 钩藤钩 3 克 丁苡 3 克 生甘草 2 克 赤
金箔 1 张 生石膏 5 克 甜草梗 3 克 麦门冬 5 克
水煎服，每日 1 剂，2—3 剂则全愈矣。

7. 幼儿嘴内及舌苔生疮头疽验方

乳婴幼儿嘴内及舌苔生疮头疽，轻则微痛，重者化脓，饮食难进。此属湿热胎毒，治宜清湿解毒消炎法。

珍珠末 5 克 青黛末 10 克 正梅片 2 克 黄连 10 克
上药研末敷患处。

8. 幼儿心惊神态烦恐不安验方

古板赤金箔 1 张 丁芯 2 克 桑枝片 5 克 生地 5 克
石决明 10 克 钩藤 3 克 麦门冬 5 克 甘草 3 克 川茯苓
5 克 生栀子 3 克 金蝉壳 5 个
水煎服，每日 1 剂，服之即愈。

9. 小儿急性肠胃炎验方

幼儿因饮食不节，误伤肠胃，引起腹泻肚痛，患急性肠胃炎，此方服之见效。

川黄连 6 克 川厚朴 6 克 川茯苓 6 克 广木香 6 克
广陈皮 5 克 炒谷芽 5 克 生甘草 3 克 干白芍 3 克
条黄芩 3 克
水煎服，每日 1 剂，2 剂即愈。

10. 小儿蛔虫验方

蛔虫能穿入胆管，引起胆囊炎；能穿入肺气管，引起营养不良，面黄肌瘦及腹痛等症，危害小儿健康。故对驱除幼儿体内蛔虫非常重要，以确保发育安康。

使君子（去壳脱膜取仁用）10 克 尖槟榔（切薄片）8 克 乌

梅 3 粒 木香 8 克 川黄连 8 克 砂仁 5 克 广青皮 5 克
百部 5 克

水煎服，每日 1 剂，2 剂全愈。

按：余此验方效果良好稳妥，既能驱除体内蛔虫，又能健脾养胃，助长消化力。

11. 幼儿先天不足体质虚弱验方

明党参 5 克 川茯苓 5 克 当归身 3 克 北黄芪 5 克
淮山药 5 克 川厚朴 3 克 香砂仁 2 克

水煎服，每日 1 剂。连服 6 剂，体质增强。

12. 小儿胎毒头部溃烂化脓、斑疹内服验方

小儿因先天性潜伏胎毒，外表毒湿痒痛，引起头面周身发痒，致生皮肤炎及化脓。

土茯苓 10 克 赤芍药 10 克 青防风 5 克 苏银花 10 克
粉甘草 6 克 生地黄 8 克 连翘壳 8 克 苍耳子 5 克
宣木瓜 5 克 生薏米 10 克

水煎服，每日 1 剂，连服自愈。

13. 小儿胎毒头部溃烂皮肤化脓外敷验方

生黄柏 20 克 川黄连 20 克 白芨末 20 克 硫磺粉 10 克
条黄芩 20 克 白芷 10 克 百部 10 克 正梅片 5 克

上药晒干，研为细末，以适量蜂蜜调匀，外敷患处，一日数次，功效甚佳，实外科之良方也。

14. 小儿软骨症验方

小儿先天不足，以致骨骼发育不正常。

淮山药 10 克 芡实子 10 克 当归身 5 克 煅龙骨 10 克
粉甘草 3 克 川芎片 1 克 石枣肉 6 克 甘枸杞 6 克

水煎服，每 2 日服 1 剂。连服可养血壮骨。5 岁以下减药量一半。

按：余此验方治愈软骨症患儿甚多，且药性稳妥，多服能助长发育，有益儿童安康。

15. 幼儿鼻咯血验方

幼儿患鼻咯血，多由荣卫失调，一有所胜，则致血妄行，由鼻孔流出。

羚羊丝 10 克 黑桅子 5 克 生石膏 10 克 白芨片 5 克
生地黄 10 克 粉甘草 5 克 白茅根 10 克 童阿胶 3 克

水煎服，每日 1 剂，服至全愈。

16. 小儿痢疾（赤白痢）验方

小儿饮食失调，肠积湿热，兼痢疾菌感染，引起便溏带血，或白沾浆溏，下重里急，此方服之见效。

广木香 5 克 秦皮 5 克 土茯苓 10 克 川黄连 5 克
白头翁 5 克 甘草 3 克 牡丹皮 3 克 川厚朴 5 克 漂苍术
8 克 天花粉 8 克

水煎服，每日 1 剂，3 剂全愈。

17. 小儿目中生翳，视力不足验方

小儿因肝肾不足，致血气两亏，目中生翳，视力衰弱。

甘枸杞 5 克 木贼草 10 克 石决明 10 克 乌贼骨 10 克
淮山药 6 克 石枣肉 3 克 生地黄 6 克 粉甘草 5 克
粉甘皮 3 克 当归身 3 克 川芎片 2 克
水煎服，每 2 日服 1 剂，连服全愈。

18. 小儿下肢及周身浮肿验方

小儿脾脏虚弱，肾气不足。经云：脾属土，肾属水，因不相调，故水湿伏于肌肤，导致下肢两足及周身浮肿。此方服之见效。

茯苓皮 5 克 大腹皮 5 克 生薏米 10 克 宣木瓜 5 克
广青皮 3 克 川芎片 2 克 淮山药 10 克 北芪片 5 克
水煎服，每日 1 剂，连服全愈。

19. 小儿神志烦恐谵语秘方

患儿因受惊恐引起神经紧张，心神烦恐，心火上升，脑神经错乱，胡言乱语，角弓反张。此秘方服之见效。

古板金箔 1 张 钩藤钩 5 克 琥珀 3 克 桑枝片 10 克
丁苡 2 克 粉甘草 5 克 大元参 10 克
水煎服，每日 1 剂，2 剂立愈。

20. 小儿风痰壅盛、痰鸣气促、发热咳嗽秘方

制南星 5 克 姜半夏 3 克 北杏仁 3 克 甜桔梗 3 克
广陈皮 5 克 生石膏 5 克 枇杷叶 3 克 麻黄 2 克 粉甘草
3 克 全蝎尾 2 条
水煎服，每日 1 剂，3 剂全愈。

二、 儿科脑膜炎验方秘方

1. 小儿脑膜炎症秘方

小儿幼稚体易感外邪，因传染病菌感染而得病，况且脏腑未充实，病毒潜入大脑神经系统，患脑膜炎症。神志昏迷，发热头眩，角弓反张，惊悸谵语，唇红，舌苔厚，脉滑数，此方服之立效。

犀角丝 1 克 羚羊丝 2 克 粉葛根 10 克 生石膏 15 克
全蝎尾二条 钩藤钩 6 克 粉天花 10 克 白茅根 10 克
苏银花 10 克 赤连翘 6 克 石决明 10 克 金蝉壳 5 个 桑
枝片 6 克 小木通 5 克 生地黄 5 克 粉甘草 3 克 水芦根
10 克 生薏米 10 克

上药水煎服，每日 1 剂，渣再煎煮服之。多饮药汤能清退病毒，连服自愈矣。

2. 小儿脑膜炎验方

小儿脑膜炎，高热症，角弓反张，口眼歪邪，谵语，手足抽搐，肺气管并发肺炎，痰涎壅盛，呼吸短促，舌苔厚腻，唇红，脉弦数，此方服之见效。

犀角丝 1 克 羚羊丝 2 克 生石膏 20 克 麻黄 3 克
北杏仁 5 克 浙贝母 5 克 粉葛根 15 克 珍珠末 5 分 麦
门冬 10 克 粉甘草 6 克 全蝎尾二条 制南星 3 克 钩藤

钩 6 克 赤芍药 6 克 条黄芩 5 克 大玄参 5 克

上药水煎服，每日 1 剂，重症连服至愈。

3. 小儿脑膜炎验方

小儿脑膜炎，目瞪口呆，角弓反张，手足抽搐。

制南星 6 克 钩藤钩 5 克 板蓝根 6 克 青防风 3 克

羚羊丝 2 克 粉葛根 10 克 苏银花 10 克 赤芍药 6 克 金
蝉壳 5 个 生石膏 15 克 白茅根 15 克 桑枝片 10 克 粉
甘草 5 克 条黄芩 6 克 生牡蛎 6 克 石决明 10 克 全蝎
尾 3 条 珍珠末 3 分，冲药汤内服之。

上药水煎服，每日 1 剂，渣再煎服。此症宜多次饮药汤，
能清心脑、脏腑之病毒。

4. 小儿脑膜炎验方

小儿脑膜炎，脑内灼热，手足抽搐。

犀角丝 1 克 羚羊丝 2 克 全蝎尾二条 珍珠末 3 分

粉葛根 15 克 大玄参 10 克 粉甘草 5 克 生石膏 20 克
青防风 3 克 忍冬藤 6 克 钩藤钩 6 克 琥珀 5 分 鲜芦根
15 克 桑枝片 6 克 金蝉壳 5 个，去头足 生栀子 5 克

上药水煎服，每日 1 剂。

李开山曰：脑膜炎之症状，皆属火邪病毒，医者须掌握
病情，详察善治。治此症宜犀角汤、羚羊汤。犀角解泻心胃
大热，血毒尤要；羚羊能清肺肝之火，邪热甚妙。常言道：用
药胜于用兵，是也。

三、 儿科医案

1. 苏××，男，3岁。伤风发烧，流鼻涕，咳嗽，唇红，舌苔厚腻，脉弦数，指纹紫红。经云：指纹紫红属外感风寒所致。治清宣表里法。

小儿外感处方：

苏银花5克 粉葛根7克 赤芍药7克 生石膏10克
淡竹叶7克 连翘壳7克 条黄芩5克 小木通5克 天花粉5克 杭菊花5克 粉甘草3克

上药水煎服，每日1剂，2剂愈矣。

2. 林××，男，2岁。体质较弱，半年来常外感，气管有痰鸣声，呼吸短促，睡眠不静，唇色薄白，舌苔薄腻，脉弦滑，低烧。治以培本养血助正止嗽化痰法。

小儿培本养血止嗽化痰处方：

信前胡3克 川贝母2克 桑白皮2克 炙甘草2克
甜桔梗2克 川茯苓3克 广陈皮2克 麦门冬3克 北杏仁3克 百部2克

上药水煎服，每日1剂；连服6剂，其症全愈。

3. 丁××，男，3岁。消化不良，饭后腹胀，便溏滞，食欲不振，舌苔薄白，神色不华，脉沉缓。症属脾胃虚弱，治宜补脾健胃法。

小儿脾胃虚弱症处方：

川厚朴 6克 川茯苓 6克 龙眼干 10克 山楂药 5克
炒谷芽 6克 炙甘草 3克

上药水煎服，每日 1 剂，3 剂全愈。

4. 吴××，男，6 岁。体质实，好食生冷，肚痛腹泻，日 3 至 5 次，下重里急，舌红绛，脉洪大。因饮食生冷伤脾胃，患急性肠胃炎病。

小儿急性肠胃炎症处方：

川茯苓 7克 川厚朴 5克 炒谷芽 6克 川黄连 5克
条黄芩 5克 粉甘草 3克 大腹皮 3克 广木香 3克 淮山
药 10克

上药水煎服，每日 1 剂，连服 2 剂全愈。

5. 李××，男，4 岁。皮肤湿痒，已月余，入夜痒尤甚，不能入睡，唇白腻干枯，舌苔滑绛，脉细缓。症属湿热皮肤病，治宜清湿消毒法。

小儿湿热皮肤病处方：

苏银花 6克 土茯苓 6克 赤芍药 5克 大生地 10克
薏苡 10克 粉甘草 3克 苍耳子 6克 苍术 5克 黄芩 5
克

上药水煎服，每日 1 剂；连服 6 剂，皮肤病全愈。

6. 金××，男，8 岁。头面额处生痘癬，皮肤痒，已半年，患者面部痘癬处溃烂，自诉极痒，唇红，舌苔粗厚，脉浮滑。症属湿毒性皮肤病。

小儿湿毒性皮肤病处方：

苍耳子 5克 漂苍术 5克 生地黄 8克 土茯苓 10克
川黄连 5克 青防风 5克 羌活 2克 连翘 8克 赤芍药
3克 生甘草 3克 苏银花 10克

上药水煎服，每日 1 剂，连服 10 剂，其病全愈。

7. 林××，女，10 岁。目白发现变黄，面部皮肤带微黄色现象，舌厚，脉弦数。症属急性黄疸肝炎病。

小儿急性黄疸肝炎病处方：

溪黄草 15克 金钱草 12克 黑栀子 6克 赤芍药 6克
绵茵陈 6克 天花粉 10克 条黄芩 6克 粉甘草 5克
白茅根 10克 蒲公英 6克 生地黄 6克

上药水煎服，每日 1 剂；连服 10 剂，肝炎全愈。

8. 蔡桂花，女，2 岁。头烧鼻流涕，咳嗽 3 天，背部有微红斑点，唇红，舌苔厚黄腻，脉洪数。症属麻疹。

小儿麻疹处方：

麻黄 2克 北杏仁 5克 粉葛根 6克 生石膏 6克 苏
银花 10克 麦门冬 6克 条黄芩 5克 天花粉 5克 蒲公
英 3克 连翘壳 5克

上药水煎服，每日 1 剂；连服 3 剂，烧热咳嗽麻疹全消，病愈。

9. 林元福，男，4 岁。两个月来咳嗽痰多，呼吸急促，唇红，舌苔绛，脉弦。症属气管炎病。

小儿气管炎化痰止咳处方：

川贝母 3 克 川茯苓 6 克 枇杷叶 6 克 北杏仁 5 克
蜜麻黄 3 克 生石膏 6 克 麦门冬 6 克 粉甘草 3 克 百部
3 克 川黄连 3 克

上药水煎服，每日 1 剂；连服 6 剂，其症全愈。

10. 侯少奕，男，8 岁。肠胃积滞月余，大便带血沾滞，下重里急，脱肛现象，舌苔滑白腻，脉弦数。症属热湿内蕴痢疾病。

小儿热湿性痢疾病处方：

广木香 10 克 川黄连 6 克 蒲公英 10 克 秦皮 5 克
土茯苓 10 克 苏银花 10 克 苍术 5 克 黄柏 5 克 大生地
6 克 赤芍药 6 克

上药水煎服，每日 1 剂；连服 6 剂，症愈。

11. 洪秀雄，男，3 岁。3 个月来，肠胃消化不良，经常腹泻，低烧，体瘦弱，舌苔红绛，脉沉弦，手纹凹陷，失水严重，奄奄一息。症属肠胃积热夹湿，治以固本补脾养胃法。

小儿湿热性肠胃固本补脾救急方：

西洋参 3 克 川茯苓 5 克 炒白术 3 克 粉甘草 2 克
川厚朴 2 克 石莲子 5 克 炒谷芽 5 克 川黄连 3 克 炒麦
芽 5 克 广陈皮 3 克

上药水煎服，每日 1 剂；渣再煎服。连服 3 天 3 剂，腹泻止，神志清，症状转危为安。

复诊：

神志清，舌苔淡腻，脉缓和，肠胃消化好转，腹泻便溏已愈。治以养脾坚胃法。

小儿养脾坚胃处方：

潞党参 5 克 川茯苓 10 克 炒白术 5 克 炙甘草 3 克
川厚朴 3 克 广陈皮 3 克 淮山药 10 克 春砂仁 3 克
炒谷芽 5 克 炒麦芽 5 克

上药水煎服，每日 1 剂；服 3 剂，其病愈。

12. 林××，男，11 个月。突然角弓反张，眼睛直视，气管有痰鸣之音，舌苔红，唇紫绀，脉弦数。

处方：

青防风 3 克 钩藤钩 3 克 珍珠末 2 分 制南星 2 克
广陈皮 2 克 金板箔 1 张 生石膏 5 克 甘草 3 克

上药水煎服，每日 1 剂；服 2 剂，其症愈。



卷 三

奇 难 杂 症

李 开 山 著

李 新 李 森 泰 校
李 立 新 李 伟 新



一、奇难杂症概述

人体五脏：心、肝、肺、脾、肾；六腑：胆、胃、大肠、小肠、膀胱、三焦也。

人体五脏六腑均能得病，不外内因、外因所致。内因者以俟人之七情：喜、怒、忧、思、悲、恐、惊；外因者以俟天之六气：风、寒、暑、湿、燥、火。

五脏六腑患病各有轻重，又有一病兼夹他病，治疗日久，医者束手，称为难症。况有些患者脏腑症状较多，称为杂症。

余业医数十年，精研方术，总结经验，现选辑治疗脏腑奇难杂症验方、秘方，以丰富祖国医学宝库，拯救世人之疾苦，为祖国中医事业鞠躬尽瘁而后已。

二、奇难杂症验方

验方 1：幼儿夜眠不静，惊恐不安，睡中多尿，麻烦神魂，以此方服之见效。

桑螵蛸 10 个 淮山药 10 克 芡实子 10 克 五味子 13 粒
煅龙骨 10 克

水煎服。10 岁以下小儿减半。

验方 2：成年人体质虚弱，夜多小便，治以养阴滋肾剂。

潞党参 10 克 白茯苓 12 克 淮山药 12 克 石枣肉 6 克 干地黄 6 克 煅牡蛎 6 克 煅龙骨 10 克 桑螵蛸 10 个 炙甘草 3

克

水煎服。

验方 3：治急咯血。

川田七 6 克 白蔹 10 克 白及末 12 克 侧柏叶 10 克 童阿
胶 6 克 苦元参 6 克 甜桔梗 6 克 苏百合 10 克 黑栀子 10 克
粉甘草 3 克

水煎服，每日 1 剂，连服自愈。

验方 4：神效止血散。

川田七 30 克 白及片 30 克 干侧柏叶 15 克

上药研为极细末，每次服 10 克，早晚各服 1 次，开水送服。

验方 5：治尿血。男女小便，尿中带血。

瞿麦 5 克 白茅根 15 克 滑活石 6 克 小木通 6 克 金钱
草 10 克 大猪苓 10 克 干泽泻 10 克

水煎服。

验方 6：治遗精、滑精。

牡蛎 15 克 龙骨 20 克 芡实 20 克 淮山 30 克 海马 10 克

上药研为极细末，每服 5 克，上午和睡前各服 1 次，开水送服。服药期间忌食生冷及萝卜、白菜。

验方 7：皮肤湿毒疹癣，此方服之见效。

苍耳子 10 克 土茯苓 6 克 苏银花 10 克 乌梢蛇 10 克 生
甘草 6 克 赤芍药 8 克 连翘壳 8 克 天花粉 6 克 川黄连 6 克
大黄 3 克

水煎服，每日 1 剂，连服自愈。

验方 8：治久年胃病，呃酸水，消化不良。

高丽参 10 克 白茯苓 15 克 香砂仁 10 克 川椒 10 克

上药研为细末，每服3克，每日上午和下午各服1次。服药期间忌食生冷及萝卜、白菜。

此方加羊肉250克、生姜100克炖汤，常服尤效。

验方9：疗筋接骨救急丹，治新久跌伤，久积伤，酸痛诸症。

川田七10克 何红花10克 赤芍药15克 川芎片15克
桃仁10克 制乳香10克 北鹿胶30克 童阿胶30克 青防风
10克 川牛七15克 桂枝片10克 川续断18克 全当归18克
制没药10克 羌活10克 独活6克 川茯苓10克 红丹参12克
粉丹皮12克 熊胆3克 大乌枣3克 黑栀子10克 条黄芩
12克 生甘草10克 血竭10克

上药研为细末，加蜂蜜250克，炼为蜜丸，粒重5克，早、午、晚各服1次，每次1丸，温开水送服。此方常服可壮骨健身，延年益寿。

验方10：治肾炎。

患肾炎者，初起面部稍微浮肿，小便短，频数，消化欠佳，食欲不良；重症则全身浮肿，小便闭塞，引起尿中毒，病危。

川杜仲10克 川茯苓12克 干泽泻6克 珍珠壳10克 珍珠末1克 淮山药12克 芡实子10克 粉丹皮6克 生薏米15克 黑栀子6克 小木通6克 大猪苓10克 金钱草10克 广青皮6克 漂苍术6克 黄柏6克 青防风6克 大糙米15克

上药水煎服，每日1剂，连服数剂可愈。

珍珠末1克冲药汤服之。

15岁以下者药量减半。

验方11：治肾结核病。

病情初期感腰部不舒服，有时潮热低烧，精神倦怠，小便赤黄；重症排出血尿。一般于病情较重时检查才发现肾结核病。此方疗效甚验，抗结核菌稳妥。

红丹参 10 克 川茯苓 12 克 川杜仲 10 克 赤芍药 8 克 大生地 12 克 川田七 10 克 干泽泻 10 克 粉丹皮 5 克 小木通 6 克 百部 10 克 獭肝 6 克 黑栀子 12 克 生薏米 15 克 淮山药 10 克 生牡蛎 10 克 天花粉 6 克 粉甘草 6 克 白茅根 10 克

水煎服，每日 1 剂，连服 20 剂，症情全愈。

验方 12：治骨结核病。

干土鳖 10 克 制乳香 5 克 制没药 5 克 煅龙骨 10 克 煅牡蛎 15 克 自然铜 5 克 百部 12 克 白及片 12 克 粉甘草 10 克 天门冬 12 克 苍术 6 克 制黄柏 6 克 薏苡米 15 克 淮山药 10 克 川田七 5 克 獭肝 10 克 川芎片 5 克 熟地 5 克 白蔹 10 克 连翘壳 10 克

水煎服，每日 1 剂，连服至愈。

验方 13：治胃结核疮疡肿痛，消炎化脓收疮，外敷。

白及片 50 克 白蔹 50 克 黄柏 25 克 土山奈 25 克 梅片 10 克 煅龙骨 50 克 川黄连 25 克 冰片 10 克

上药研为细末，用蜂蜜少量调匀，外敷骨结核疮口脓肿处，每日数次。

验方 14：治风湿腰痛。

腰者肾之府，足少阴，肾经也。患风湿腰痛，皆因内伤真气，劳损过度。真气乃精髓根本，精髓不足系腰痛病因，治须以驱风却湿生精补肾为本。

川杜仲 10 克 青防风 6 克 宣木瓜 6 克 生桑枝 10 克 煅龙骨 10 克 石枣肉 10 克 甘枸杞 8 克 淮山药 8 克 干泽泻 8

克 生甘草 5 克 鹿尾巴（酒泡炒）5 克 芡实子 8 克

水煎服，每日 1 剂。服 3—6 剂可愈。

验方 15：治肝炎。

肝畏怒，恶怒伤肝，气逆则血瘀于肝，胸胁胀痛，或肝脏下坠，精神倦怠，食欲不佳。

北柴胡 2 克 干白芍 10 克 川芎 5 克 牡丹皮 5 克 川芎片 5 克 生栀子 10 克 广青皮 10 克 生甘草 10 克 薏苡米 10 克 淮山药 10 克 大生地 5 克

水煎服，每日 1 剂；连服 5—10 剂可愈。

验方 16：治黄疸肝炎。

溪黄草 15 克 黑栀子 10 克 大元参 15 克 条黄芩 10 克 天花粉 15 克 干白芍 10 克 粉甘草 10 克 广青皮 10 克 牡丹皮 5 克 川芎片 5 克 桑枝片 5 克 生薏米 10 克

水煎服，每日 1 剂；5—10 剂全愈。

验方 17：治肝痛。

恶怒气逆郁积于肝，积久成疾，胸肋闷痛，气郁血瘀而成痼。

广青皮 10 克 赤芍药 10 克 牛蒡子 10 克 赤连翘 10 克 制乳香 5 克 制没药 5 克 苏银花 15 克 粉甘草 8 克 川芎片 5 克 当归尾 10 克 大生地 8 克 黑栀子 8 克 蒲公英 8 克 败浆草 10 克 白蔹 10 克 天花粉 10 克 白及片 15 克 条黄芩 8 克 生薏米 10 克

水煎服，每日 1 剂，连服至愈。服药期间忌食鹅肉、牛肉。

验方 18：补肝养血汤。

肝以养之，能补肝肾而明目，壮筋骨而健步。肝生血藏

于肝，血生髓能壮骨，骨生精藏于肾，故目得血能视，足得血而能行，身体常健，延年益寿。

高丽参 3 克 白茯苓 10 克 川归身 5 克 干白芍 10 克 川芎片 3 克 甘枸杞 5 克 粉甘草 10 克 石枣肉 5 克 淮山药 10 克 鹿茸片 3 克

水煎服，每日 1 剂；连服 3—6 剂可愈。

验方 19：治背部痈毒疮脓。

背属阳经，故生红肿，乃因内脏积火、积湿日久，气血凝滞，经络血脉失调，变成痈肿暴发，化脓成疮，症情险恶，患者痛苦难忍，甚至不治。此症多由肺、脾湿毒所致。

羚羊丝 1 克 苏银花 12 克 制乳香 10 克 制没药 10 克 土茯苓 12 克 赤连翘 6 克 牛蒡子 6 克 天花粉 10 克 大玄参 12 克 生甘草 6 克 当归尾 6 克 赤芍药 10 克 白薇 10 克 生薏米 15 克 大生地 6 克 黑栀子 6 克 大黄 5 克 条黄芩 10 克 黄柏 10 克

水煎服，每日 1 剂；连服 6—10 剂可愈。

按：此方清肺、脾之湿毒，消痈肿，收疮脓，效验甚佳。

验方 20：治胃溃疡。

乌贼骨 100 克 广木香 60 克 香砂仁 60 克 公丁香 30 克 广青皮 50 克 淮山药 50 克 川厚朴 50 克 川黄连 30 克 粉甘草 100 克 槐花 30 克 川茯苓 50 克

上药研为细末，每服 10 克，温开水送下，每日早、午、晚各服 1 次。

验方 21：治胃溃疡。

乌贼骨 12 克 广木香 10 克 香砂仁 5 克 公丁香 5 克 广陈皮 10 克 川厚朴 5 克 川黄连 5 克 粉甘草 10 克 干白芍 5

克 槐花 5 克 白藜 10 克 炒谷芽 10 克

水煎服，每 2 日服 1 剂，连服至愈。

验方 22：治肩背劳损酸痛

患者因劳损过度，肩甲及肩背经络损伤，因血瘀气滞所致。

川田七 6 克 川芎片 3 克 当归身 10 克 威灵仙 5 克 干
白芍 10 克 川续断 10 克 走马胎 5 克 牡丹皮 5 克 粉甘草 5
克 蜜卷柏 10 克 干地龙 10 克 熟地黄 10 克

水煎服，每日 1 剂，连服自愈。

验方 23：治肾结石小便尿道短涩带血。

石藏肾脏及尿管中，有时膀胱或尿管受石磨伤，血泛尿
中；有时藏有小石粒，致小便阻塞而短涩。

萱草根 10 克 金钱草 15 克 瞿麦 10 克 小木通 10 克 条
黄芩 15 克 粉甘草 10 克 栀子 6 克、白茅根 20 克

水煎服，每日 2 剂；服后能排出小石，止血淋，连服自
愈。

验方 24：治肝胃气逆。

肝者将军之官，肝瘀致郁，胃寒纳酸，症见气逆，咽喉
不舒畅，胃腑不调。此方服之见效。

红豆蔻 12 克 川厚朴 10 克 炒谷芽 15 克 川黄连 6 克 生
姜片 3 克 广木香 6 克 炙甘草 10 克 广木香 10 克

水煎服，每日 1 剂，2 剂愈矣。

验方 25：治男女风湿性关节炎红肿酸痛。

患风湿性关节炎者，关节红肿酸痛，骨节畸形，四肢活
动艰难。

潞党参 12 克 红丹参 10 克 川茯苓 10 克 青防风 6 克 漂

苍术 10 克 炒黄柏 10 克 川归身 10 克 川芎片 5 克 川田七 6 克 鹿筋 10 克 粉甘草 6 克 松节片 10 克 制乳香 5 克 制没药 5 克

水煎服，每 2 日服 1 剂，连服自愈。

三、奇难杂症秘方

秘方 1：治肺癆症空洞

祖国医学称肺病为虚癆症，乃由结核杆菌感染而致，症状为胸闷，咳嗽多痰，咳血，咯血，潮热低烧，精神困倦，体质虚弱，饮食欠佳；夜间气喘，痰嗽咯血者，病情较重。

白人参 10 克 川田七 6 克 川茯苓 10 克 天门冬 8 克 麦门冬 8 克 甜桔梗 1 克 北杏仁 5 克 蜜紫苑 10 克 川贝母 10 克 白及片 10 克 百部 10 克 仙鹤草 8 克 大熟地 10 克 赤连翘 5 克 粉甘草 5 克 天花粉 8 克 童阿胶 5 克 獭肝 10 克

水煎服，每日 1 剂；连服 1—2 个月可愈。

秘方 2：治肺癆病药丸。

白人参 50 克 川茯苓 50 克 天门冬 50 克 麦门冬 50 克 大生地 40 克 老熟地 40 克 川田七 60 克 獭肝 60 克 川贝母 30 克 广陈皮 30 克 五味子 20 克 淮山药 50 克 白及 50 克 白蔹 50 克 仙鹤草 40 克 蜜紫苑 60 克 天花粉 50 克 大元参 50 克 粉甘草 30 克 当归身 60 克 童阿胶 40 克 百部 50 克

上药晒干研末，以蜂蜜二斤炼成蜜丸，每粒重 10 克；早、午、晚各服 1 丸，温开水送服，连服 2—3 个月为 1 个疗程，服至病愈。

按：余用此秘方治愈肺空洞患者甚众，患者愈后体壮安康，能参加工作和劳动；此方胜于手术切除肺叶之法。

秘方 3：治老年人肾萎腰酸尿多。

鹿尾巴 10 克 甘枸杞 15 克 芡实子 15 克 淮山药 15 克
炙甘草 6 克 当归身 8 克 五味子 13 粒 石枣肉 6 克

水煎服，每 2 日 1 剂；5 剂愈矣。

按：余治老人晚年患腰痛病例甚多，都因脏腑衰退所致。老人一生劳累，气血皆虚，精髓不足，随着年龄增长，遂出现腰酸尿多症状，而肾虚阳萎亦随之。须扶正固本，生精补髓，以壮元阳。此方乃余治此症之秘法也。

秘方 4：治肾虚精液无精虫。

男子有精液无精虫，或死精虫，以致绝育，造成精神痛苦，乃至夫妻不和。患者都因先天不足，精气虚寒，血髓内伤所致。此乃生精补髓之秘方也。

高丽参 8 克 白茯苓 10 克 川杜仲 10 克 甘枸杞 8 克 鹿尾巴 3 克 雅茸片 1 克 五味子 13 粒 牡丹皮 3 克 煅龙骨 15 克 芡实子 10 克 淮山药 10 克 干泽泻 8 克 川芎片 3 克 当归身 5 克 老熟地 8 克 干海马 8 克

水炖服，每 2 日 1 剂；连服 10 剂。

秘方 5：治乳痈通络消瘀。

妇女乳头及其胸部，血气瘀结，及感染细菌，有红肿微痛症状，或局部硬肿，按之有痛感，头昏，发烧或微热，食欲不佳。重症患者其势凶猛，乳头及乳部急肿暴痛，发热身酸，精神不振，呻吟不止。至乳房部位化脓成疮，痈毒肿胀，症势已属危重。

治乳痈宜按症分别处置：乳痈未化脓者，治宜通络消瘀

法；化脓暴痛者，治宜托里生肌清毒消瘀法。

广青皮 8 克 牡丹皮 6 克 青防风 10 克 苍耳子 10 克 赤芍药 10 克 大生地 10 克 当归尾 8 克 制乳香 5 克 制没药 5 克 白蔹 8 克 北芪 15 克 牛蒡子 10 克 赤连翘 10 克 生甘草 10 克 红丹参 10 克 天花粉 8 克

水煎服，日服 1 剂，连服可愈。

秘方 6：治乳痈化脓成疮暴痛。

大元参 15 克 大生地 15 克 制乳香 6 克 制没药 6 克 牛蒡子 10 克 赤连翘 6 克 当归尾 10 克 蜜黄芪 10 克 天花粉 15 克 粉甘草 10 克 白蔹 10 克 冬瓜仁 8 克 败浆草 10 克 苏银花 12 克 土茯苓 10 克 条黄芩 8 克 川大黄 5 克 生薏米 10 克

水煎服，日服 1 剂，服至全愈。

秘方 7：治乳痈疮口化脓溃烂（外敷）。

白及末 20 克 白蔹 20 克 川黄连 15 克 黄柏片 15 克 珍珠末 1 克 梅片 5 克 冰片 5 克 制南星 15 克 煅龙骨 15 克 滑石粉 15 克

上药共研细末，用适量蜂蜜调匀，敷于疮口及红肿部位，每日数次，能消肿止痛收疮生肌排脓，使疮口早日恢复。

秘方 8：治中风症，两手麻痺，动作不能自如。

白人参 5 克 桂枝片 10 克 川芎片 5 克 川续断 10 克 牡丹皮 5 克 钩藤钩 5 克 青防风 10 克 生甘草 5 克 羌活 10 克 独活 10 克 珍珠壳 15 克 漂苍术 5 克 川田七 5 克 桑枝片 10 克

水煎服，每 2 日服 1 剂，连服自愈。

秘方 9：治中风症，下肢两足失去知觉，麻木。

白人参 5 克 白茯苓 10 克 青防风 10 克 羌活 10 克 独活

10克 漂苍术 10克 怀牛膝 5克 宣木瓜 5克 桂枝片 6克 当归身 10克 干白芍 10克 大生地 15克 威灵仙 5克 川田七 5克 炙甘草 10克 干地龙 15克

水煎服，每日2剂，连服自愈。



卷 四

李氏医案

李 开 山 编

李 新 李森泰 校
李立新 李伟新



余家六世从医，代代累积经验医案，存稿盈筐满橱。为便于学者参考，病家按方研治，就《中医必读》再版之际，特将各科编列 40 例，著成是篇。盖因篇幅有限，不能尽录也。

医案 1 翁××，男，38 岁。下痢便溏带血粘浆状，已有 2 月，每日大便 3 至 5 次，下重里急，排出赤痢沾滞，肚腹有阵痛感。舌苔红绛，脉弦数。此属热痢疾之症。

处方：槐花三钱 白头翁五钱 广木香三钱 黄连三钱 条黄芩二钱 秦皮二钱 厚朴二钱 干白芍三钱 蒲公英五钱 天花粉三钱

水煎服，每日 1 剂，连服 3 剂自愈。

医案 2 崔美娥，女，5 岁。肠胃消化不良已有月余，腹胀，便溏，舌苔薄腻，脉滑。症属寒湿伏于脾胃，治以补脾温胃法。

处方：潞党参二钱 川茯苓三钱 炙甘草一钱 川厚朴二钱 炒谷芽三钱 春砂仁二钱 广陈皮一钱半 广木香一钱半

水煎服，每日 1 剂，3 剂愈矣。

医案 3 许君，男，48 岁。患气喘病 5 年，夜间咳嗽尤甚。

处方：高丽参二钱 西洋参一钱半 蜜紫苑三钱 麻黄二钱 杏仁三钱 百部三钱 阿胶三钱 川贝二钱 桔梗二钱 天冬三钱 麦冬三钱 甘草二钱

水煎服，每日 1 剂，连服 10 剂，此病全愈。

医案 4 林××。肺感风邪，咳嗽痰滞，气管不利，微烧，舌苔白腻，脉搏尚实，治以宣肺清络法。

处方：香白前一钱半 牛蒡子二钱 瓜蒌皮三钱 生石膏三

钱 北杏仁三钱 川酒军二钱 丝瓜络四钱 苦桔梗一钱半

水煎服，每日1剂，内外风邪并除，3剂全愈。

医案5 谷××。微感风寒，头重，微热，呛咳胸闷，脉搏浮数，舌苔薄白。治以宣解清燥法。

处方：信前胡二钱 川芎片一钱 北杏仁二钱 青防风二钱
牛蒡子一钱半 川花粉二钱 苏桑叶一钱半 苦桔梗一钱 条
黄芩二钱

水煎服，风寒并除全愈。

医案6 陈君。肝肺郁积，气管不利，胸膛闷痛，牵引背部，咳嗽痰粘，脉搏滑濡，舌苔粗白。治以清络开气法。

处方：北柴胡一钱半 天花粉二钱 粉甘草一钱 当归尾二钱
山甲珠一钱半 光桃仁二十粒 生薏米五钱 西红花一钱
川生军一钱半

水煎服，每日1剂，连服3剂，重症6剂，肝肺积气全解。

医案7 王××。感邪夹热，肺胃积燥，壮热头重，肢酸，舌苔燥厚，脉滑实。治以解里清燥法。

处方：香薷穗一钱半 北杏仁二钱 天花粉三钱 扁豆花一钱半
生石膏五钱 肥知母三钱 香青蒿一钱半 牛蒡子三钱
赤连翘三钱 生栀子三钱

水煎服，夹邪内热两解。

医案8 林少儿，男。脾胃蕴热，微烧咳嗽，痰粒沾滞，呼吸短促，气实，小便赤，舌苔粗腻微黄。治以解热清肺法。

处方：麻黄去节六分 北杏仁二钱 生甘草一钱半 生石膏四钱
葶苈子炒一钱半 川黄连一钱半

水煎服，每日1剂，数剂全愈。

医案 9 杨××，男，43岁。心力衰竭，气急短促，胸闷，精神疲倦，舌苔绛，脉数。治以养心法。

处方：西洋参二钱 麦门冬三钱 粉丹皮一钱 冬白术一钱
半 北五味十三粒 炙甘草二钱 远志通三钱 钩藤二钱

水煎服，每日1剂，心力足神志清病愈。

医案 10 李××，男，18岁。肺火咳嗽，微烧，脉搏滑，舌苔绛。治以清肺火，祛内燥热之法。

处方：瓜蒌皮二钱 霜桑叶三钱 枇杷叶三钱 枯黄芩三钱
苦桔梗一钱 金钗斛二钱 牛蒡子二钱 天门冬二钱 生石膏五钱

水煎服，每日1剂，肺燥内热宣解。

医案 11 杨××，男，38岁。肠结燥火，便秘结，舌苔厚黄，脉数。治以清肠火之法。

处方：川厚朴二钱 干白芍三钱 槐花五钱 粉葛根三钱
火麻仁二钱 炒枳壳一钱 条黄芩三钱 粉甘草三钱

水煎服，每日1剂，2剂肠火内燥全愈。

医案 12 吴君，男，68岁。农事劳役过度，风寒暑热季节日夜操劳，饮食三餐不准时，冷热饭菜兼食，致胃脘微胀，呃酸水，消化不良，气虚，舌苔淡白薄腻，脉虚弱沉微。治以补气养胃温中法。

处方：潞党参五钱 姜夏片一钱半 炙甘草三钱 黑姜黄三钱
川黄连三钱 川茯苓五钱 大乌枣三枚

水煎服，每日1剂；连服6剂，病愈。

医案 13 李振源，男，32岁。风湿下肢浮肿，按之凹陷，舌苔厚白腻，脉搏浮慢，寒湿痺瘀经络。治以活血通利祛湿法。

处方：红丹参三钱 川茯苓三钱 宣木瓜五钱 松节片三钱
川芎片八分 全当归三钱 怀牛膝三钱 干泽泻二钱 小木
通二钱

水煎服，每日1剂，3剂症状消失全愈。

医案 14 刘君，男，62岁。肺胃有热，头眩喉干，舌苔微赤。治以清热生津法。

处方：龙头花一钱 粉葛根三钱 小木通一钱半 生石膏五钱
肥知母三钱 粉天花二钱 杭菊花二钱 大豆卷三钱 条黄
芩三钱 干麦冬三钱

水煎服，每日1剂，服后烦热全解。

医案 15 苏××，男，20岁。脑化脓性病，患皮肤炎症多年，舌苔黄赤粗厚，脉搏洪数。治以收敛消毒剂。

处方：炙鳖甲三两 石斛二两 川贝母一两 海螵蛸二两
百部三两 白及片一两 钟乳石一两 水獭肝二两 麦冬三两
紫河车一具 熟地一两 浮石四两 白芍药一两

上药晒干，研为细末，加蜂蜜1斤，炼为药丸，每粒2钱，开水送服，每日上午与晚间各服1丸，能抗病菌，促进溃烂疮口收敛。

医案 16 王××，男，43岁。胸闷气促，身虚血弱，舌苔滑腻，唇红绛，脉滑弦。治以强心养神扶正法。

处方：白人参三钱 麦门冬五钱 钩藤钩二钱 炙甘草二钱
甜桔梗二钱 远志通二钱 灯芯三把

水煎服，每日1剂，三剂康复。

医案 17 黄柏森，男，41岁。血分蕴热，肺络积燥，咳嗽不利，舌苔厚腻，小便短赤，脉搏数大。治以清肺利尿法。

处方：大生地四钱 赤芍药三钱 小木通三钱 北柴胡七分

光杏仁二钱 天花粉三钱 信前胡二钱 旱莲草二钱 白茅根五钱 生石膏三钱 粉甘草三钱

水煎服，每日1剂，3剂全愈。

医案 18 林××，男，43岁。肝积燥火，咳嗽胸闷，阳明经、太阴经，皆积燥火，舌苔厚黄，脉滑数。治以清肝肺之燥火法。

处方：竹柴胡三钱 南沙参三钱 土茯苓三钱 苏银花三钱 北杏仁三钱 杭菊花三钱 白茅根三钱 粉甘草三钱 生石膏三钱

水煎服，每日1剂，肝肺两经燥火全解。

医案 19 叶××，男，21岁。肝火症结，胃实热便结，舌苔厚黄，脉洪数。治以平肝清热法。

处方：北柴胡二钱 炒枳实二钱 小甘草七分 川黄连一钱半 天花粉三钱 大猪苓五钱 川厚朴一钱半 知母五钱 车前子一钱半

水煎服，每日1剂，连服6剂，肝火症结宣解，小便清长全愈。

医案 20 马××，男，36。肝肠郁火，头重胸闷，舌苔厚，脉弦数，口枯燥。

处方：夏枯草五钱 杭菊花三钱 生石膏五钱 条黄芩三钱 粉葛根五钱 北杏仁三钱 生栀子二钱半 粉甘草三钱 木通三钱 木瓜片三钱

水煎服，每日1剂，连服3剂，肝肠郁火全解。

医案 21 陈君，男，31岁。务农。暑天上山砍柴200多斤，烈日顶头，翻山越岭挑下山，小肢使力过度，流汗量大，又半日口渴未饮水，引起中暑症。晚间觉头眩畏寒，胸胁痺

痛，唇红口干，脉滑洪，周身酸痛，舌苔红绛。治以清暑解渴生津法。

处方：生莲叶五两 青蒿穗三钱 生石膏一两 粉甘草三钱
干葛根五钱 条黄芩三钱 木瓜五钱 生冬瓜皮三两

水煎服，连服2剂，肝火暑渴全解。

医案 22 邹少中，男，5岁。暑天乘凉吹风，伏暑发烧，咳嗽，精神不振，微昏，舌苔绛厚腻，脉弦数，小便短赤，腹胀风气。治以清暑祛热健胃剂。

处方：扁豆花一钱半 青蒿穗一钱 川厚朴八分 广陈皮一钱 生石膏二钱 钩藤一钱半 粉甘草八分 赤芍药一钱半

水煎服，每日1剂，连服3剂全愈。忌食肉类3天，使暑热速退，小儿身体早复康健。

医案 23 叶××，男，17岁。积火于胃肠多日，肚腹绞痛，曾经医院检查，诊断为蛔虫病，粪便查有虫卵。使用驱虫药，虽排出几条蛔虫，腹痛仍然存在。经来就医，诊脉浮数，口枯腹胀，皮肤微热，舌苔厚黄，属肠胃实热内蕴，治以清胃肠之火。

处方：槐花五钱 赤芍药三钱 条黄芩三钱 广木香一钱半 广陈皮一钱半 粉甘草三钱 苏银花五钱 冬瓜仁一两

水煎服，每日1剂，连服2剂病愈。

医案 24 麦名心，女，13岁。饮食积滞，腹胀风气，舌苔厚黄，脉滑数。治以消积开胃法。

处方：川厚朴三钱 广陈皮二钱 炒谷芽三钱 粉甘草三钱
水煎服，每日1剂，2剂服后全愈。

医案 25 丁××，男，7岁。肝火上升，目赤，唇红口枯燥，舌苔绛，脉滑数。治以降火明目法。

处方：竹柴胡二钱 杭菊花三钱 生石膏五钱 粉甘草一钱
大生地三钱 赤芍药一钱半

水煎服，每日1剂；连服3剂，肝火目赤全愈。

医案 26 林小童，男，3岁。脾肺蕴燥，咳嗽，呼吸迫切，舌苔燥，指纹紫绛，脉弦数。

处方：粉葛根一钱半 川黄连一钱 条黄芩一钱半 信前胡一钱半 双钩藤二钱 姜竹茹一钱半 车前子一钱 生甘草八分
川厚朴一钱

水煎服，每日1剂，2剂康复。

医案 27 许××，女，8岁。夏日暑天，食生冷西瓜，伤胃肠，急性腹泻，舌苔红腻，脉滑大。治以健胃剂。

处方：川厚朴三钱 川黄连二钱 广木香一钱半 炒谷芽三钱

水煎服，每日1剂，2剂全愈。

医案 28 马××，女57岁。肺肾皆虚，咳嗽痰多，痰滞，舌苔淡，脉搏濡数，舌苔白腻，脉虚缓。治以保肺滋肾化痰法。

处方：代赭石三钱 生薏米五钱 天门冬五钱 败龟版六钱
生地黄四钱 全当归三钱 川芎片一钱半 赤芍药二钱 桃仁二十粒 大元参三钱 白及片一钱半

水煎服，每日1剂；连服3剂，咳嗽痰化清。

前症服药见效，尚有微咳，再治滋阴养肺剂。

处方：代赭石三钱 天门冬三钱 败龟版六钱 百部三钱
阿胶三钱 炙甘草三钱 广陈皮二钱 姜夏片一钱半

水煎服，每日1剂，连服3天，康复。

医案 29 张××，男，26岁。胸闷不舒，胁闷痛，舌苔

厚腻，脉弦数，小便赤。肝肾燥火，内蕴于肝，致胁痛，治以平肝利水法。

处方：北柴胡二钱 甜桔梗二钱 白茅根一两 黑栀子三钱
生石膏五钱 黄柏三钱 生白芍三钱 粉甘草三钱

水煎服，每日1剂，3剂治愈。

医案 30 张幼平，男，5岁。肺肝积火，咳嗽痰多，舌苔红，唇赤，脉浮滑。治以清肝肺之燥火。

处方：生石膏五钱 粉葛根五钱 竹柴胡三钱 甘草二钱
生栀子三钱 北杏仁三钱 天花粉三钱

水煎服，每日1剂，3剂全愈。

医案 31 陈珊，女，9岁。胃肠积火，肚腹微痛，便滞结，小便赤，舌绛，脉实。治以凉肠清燥剂。

处方：川黄连三钱 条黄芩三钱 生石膏五钱 粉甘草二钱
广陈皮二钱 神曲饼三钱 桑枝片三钱

水煎服，每日1剂，连服3剂。

医案 32 吴××，男，38岁。夜间喉干，小便短，舌苔赤，脉实。治以养阴生津剂。

处方：生金钗三钱 川茯苓三钱 山茱肉一钱半 广陈皮二钱
生黄芪三钱 干生地五钱 咸苡蓉三钱 煅牡蛎五钱 石决明四钱 天门冬三钱 黑栀子三钱

水煎服，每日1剂，阴亏上焦全愈。

医案 33 王君，男，67岁。左肋闷，右肋，痺痛已2月，就医时疼痛难忍，面色苍紫；舌苔厚黄，脉洪大。

处方：五灵脂五钱 炒蒲黄五钱 黑地榆六钱 元胡三钱
制乳香三钱 制没药二钱 干白芍三钱

水煎服2剂，疼痛消失。

医案 34 林大目，男，21岁。6天来放尿血，舌红，脉实。

处方：瞿麦五钱 大猪苓七钱 白茅根一两 黑栀子五钱
水煎服，每日1剂，3剂全愈。

医案 35 苏柏卿，女，31岁。3年来两下足皮肤痒，化脓斑点状，注射抗炎剂，不时复发。治以清血祛湿消炎解毒法。

处方：苍耳子五钱 土茯苓五钱 苏银花五钱 大生地五钱
青防风三钱 赤连翘三钱 牛蒡子三钱 木瓜三钱 生薏米五钱
赤小豆五钱 粉甘草三钱

水煎服，每日1剂，连服半月全愈。服药期间忌食牛肉。

医案 36 陈××，男，56岁。便结3天，胸闷肚烧，舌赤微红。

处方：火麻仁五钱 川酒军二钱 炒枳壳一钱半 北杏仁三钱
干白芍二钱 小青皮一钱半 甘草二钱 槐花五钱

水煎服，每日1剂，2剂全愈。

医案 37 罗坤海，男，55岁。胸左部急闷，短促喘息，面青，舌苔红厚，舌边粗腻，小便赤，脉弦滑。内蕴郁气，肝肺有火，肾挟湿燥。治以平肝清肺利尿祛燥法。

处方：红丹参五钱 大元参五钱 干白芍三钱 生石膏五钱
薏米一两 宣木瓜三钱 大猪苓三钱 粉甘草三钱 苏百合三钱
元胡二钱

水煎服，每日1剂，两脏肝肺之燥全解，3剂愈矣。

医案 38 杨明连，男，45岁。因肩骨碰伤，肩酸，致右臂全肢不能伸转活动，已10多天，面色苍黄微紫，舌苔粗腻，口枯燥，脉沉弦，小便短赤。治以通经活络祛瘀法。

处方：桂枝片三钱 钩藤钩三钱 青防风二钱 羌活二钱
赤芍药三钱 粉甘草三钱 红丹皮一钱半 大生地三钱 大元参
五钱 宣木瓜二钱 赤小豆五钱 川田七三钱

水煎服，每日1剂，渣再煎服；服3剂后复诊。

复诊：肩酸已轻，右臂能活动，神志清明，小便清行，续治养血通络之法。

处方：桂枝片三钱 钩藤钩三钱 青防风二钱 独活二钱
川芎片一钱半 全当归三钱 干白芍三钱 大生地五钱 粉甘草
三钱 桑枝片五钱 川田七三钱 川续断三钱

水煎服，每日1剂，渣再煎服。再服3剂复诊已全愈。

医案 39 谷盛汉，男，75岁，山东人，生平工艺，精刻图章。因年高荣卫两亏，体质瘦弱，食欲不振，舌苔薄白，脉沉缓。肝主血，肾藏精，胃纳水谷之海。治以养肝补血滋肾养胃法。

处方：潞党参五钱 川茯苓五钱 石枣肉三钱 老熟地三钱
川厚朴一钱半 炒谷芽三钱 广陈皮二钱 煅龙骨五钱 五味
子十三粒 甘枸杞三钱 海马三钱 炙甘草二钱

水煎服，每日1剂，6剂全愈。

医案 40 方勇，男，21岁，住上海闸北，为19路军大刀队。近因军训繁忙，胃力消化差，呃酸，肚腹不舒，来院初诊胃病。

处方：潞党参五钱 川茯苓五钱 川厚朴五钱 广陈皮三钱
川归身三钱 川芎片一钱半 香砂仁一钱半 甜桔梗二钱 海
螵蛸五钱 炙甘草三钱 广木香二钱 干白芍三钱 生姜三钱
大枣六枚

水煎服，每日1剂，6剂告愈。

跋 一

百事出于儒，而医之一道，非通儒不能学也。今人以为糊口之计，不过于《医宗必读》、《万病回春》、《本草备要》、《医方集解》、《证治准绳》、《薛氏医案》、《景岳全书》等涉猎一二，便出视病，此自甘于庸。庸，不足怪也，所怪者素称通理，过目成诵，而临症定方，反不如庸。庸者见病治病之为得，非不读书之过，多读书而不能所主之过也。惟我岛三夫子，以神农本经、灵素内经、越人难经为体，以仲景《伤寒论》、《金匱要略》为用，偶参以外台、千金、圣济、活人等书，而肆应不穷，药到病疗，一时医风大振，吴地两省盛名赫赫然矣。瑛家世业儒，自所酷好者医学耳。然遍览前后各大家书，纷纷聚讼，究莫得所指归。及身游夫子门，授瑛以《撮要医学必读》一书，百回读之，第见循循善诱，譬若登山之陟其颠，而心胸开豁；导河之浚其源，而原委分明，向之苦无适从者，而今得所依归耳。夫子一片婆心，诚为广布慈航，同登觉路，颜曰《撮要医学必读》，示人以易知易明之理，即圣道中庸之旨也。后之读是书者，玩索而有得焉，将见数百年不明之医道，复明于一日，夫子不诚为医学慈航宝筏也哉。

浙江鄞县

范伯瑛

谨跋

跋 二

岛三先生所著《医学必读》四卷，是书也，经义、脉候、药性制法经验美满完备，体用兼偕，洵晚近医书首屈一指者也。然先生儒也，于医何与焉？无他，诗书之余，旁及医家诸书，兼承家传，积厚者则理深，理深则效自著，活人之多也固宜。谚云：术非儒不精，此之谓欤。庚申冬，踵先生处，以《撮要医学必读》见示，伏读之余，无量艳羨，无量崇拜，不但体用兼偕，且补先贤所不足，诱后进之易学，是书早日出世，余先馨香祝之矣。谨为之跋。

庚申冬望后，愚侄

方松涛

拜撰

跋 三

造善因者，必结善果，天演之公例也。我师岛三夫子，为儒而医，非一日也；著《医学必读》，岂偶然哉。一则衣钵相承，一则经验蕴厚，及出而应世，手到回春，先生之富学识，积经验，非虚语也。尝闻子不称父，弟不称师，今雄哓哓学语，未免见讥于大贤。虽然先生前游南洋，医名著于海外，戊午来沪，效果表见乎申江，儒医之名，咸挂人齿颊，非雄敢称师而饰己，亦非我师无造因而骤结果也。雄自愧祿线之才，忝侍几席，负笈趋庭，常供诊视，不外遵经据理，按病下方，收效之速，有如置邮。先生每对雄曰：人之所患者，好为人师，先训昭然。仰见夫子虚心自守，雄亦遵述之之义。今我师著《医学必读》一书见于世，今日之造因，正他年之结果。雄不揣固陋，邯郸学步，肃缀数言，莫非亦步亦趋耳。

庚申春正月，受业门人

吴伯雄

谨跋

跋 四

岛三砚兄吾普之大国手也。辛亥夏，余旅凤城赴试，因病求医，应效如神，活我功深，惟君是赖，知君于此道诚积之有素也。君累世皆精活人术，其所施行一本诸家学，故以“奕世岐黄”四言匾其居，用志不忘云尔。

砚弟

洪阳方楚云翹南

谨跋